

تہمیماتی  
shahira

# شمس دیس مہر

تالیف

نور اسماعیل

[www.hakawelkotob.com](http://www.hakawelkotob.com)

شمس ديسمبر  
نور اسماعيل

إصدار

حكاوي الكتب

[www.hakawelkotob.com](http://www.hakawelkotob.com)

حكاوي الكتب  
[www.hakawelkotob.com](http://www.hakawelkotob.com)

تصميم داخلي

فاطمة الزهراء



الحلقه الأولى

==●●=====●●==

10..

رقم 10،،بېفكرنى بحجات كثير ،

يوم 10/10 كنت اول مرة افكر استقل بنفسى واشتغل

اشتغل حاجة بحبها

وانا عندى 10 سنين..لاقيت جنيت دهب فالارض ،فرحت

بيه اوى وروحت شيلته مع والدتى

وكنت حاسس انى لاقيت كنز بحالتا!

وفشهر 10 اتولدت هى...

هى!

حبىبتى ، فريدة

والكلام ده من سنينيين ،

تعرفو انى دمعت دلوقت !..اصلى افكرت ان يوم 10/5!

نور اسپا عی



تک بالقلم .. علامتہ عالتوتر

وفجأة

اتکسر حاجز السکوت ده ... بکلام الدکتور ایمن  
الی ماسک القلم وهو باصص لیا وانا نایم ومش حاسس  
بوجوده اصلا...

الدکتور ایمن: انت عارف انا هنا بقالی قد ایه باصص  
علیک ونفسی تنطق بکلمه وانت ساکت ومحسسنی  
حتى انی مش قاعد

امیر-----:

الدکتور ایمن : طیب .. امیر انا مش هتعامل ع انی  
دکتور نفسی .. واهلک جایبینی عشان نتکلم سوا

وعشان اعرف مالک

وایه الی بدل حالک کده

انا هتعامل معاک زی ای 2 صحاب .. واحد فیهم

بیفضضض للتانی

مع كلمات الدكتور ايمن بصتله بصتہ استياء ورجعت  
بصيت تانى قدامى..

ايمن: ايه معناها البصتہ دى يعنى ؟ ايه ؟!

مينفعش نكون اصحاب

امير-----:

ايمن: شايف انى مش من حقى نكون اصحاب ..ولا مش  
من حقى اصلا اتدخل فخصوصياتك؟!

طيب انا حابب بس اعرفك ان حالتك دى السبب ف ان  
والدتك بين الحيا والموت من حسرتها عليك

وان كل الناس الى اتصلو بيا واستدعونى لحالتك  
قلقانين عليك لانك واضح انك بقالك مدة فحالة  
اكتئاب

وده السبب فانك رافض اى قوة للحياة تعيشك

زى الاكل والشرب

والكلام!

امیر: (باصصلہ و ساکت خالص)

ایمن: امیر ارجوک ساعدنی ..مش یمکن اعرف

اطلعک من حالتک دی

طیب یاسیدی ہبتدی انا

یمکن الکلام یجیب بعضہ

اعرفک بنفسی

انا دکتور ایمن عاشور

اخصائی امراض نفسیہ

لیا اعلانات فالتفزیون والحمدلّٰہ والی واحد منهم ..

شافتہ بنت خالتک وکلمتنی اجیاک ع طول

www.hakawelkotob.com

ہا..

مش ہتقولی بقی انت مین ؟

امیر-----:-

ایمن: (قام وقف من عالسریر) طیب.. تسمحلی ابص

فاوضتک والف فیہا شویت



یمكن فیہا حاجتہ توصلنی للکلام معاک  
 الدکتور ایمن افتکر انه لما یقوم ویدعبس  
 فخصوصیات اوضتی دی حاجتہ ہتستفزنی واقدار اتکلم  
 معاہ واقولہ ملکش دعوة بحاجتہ تخصنی  
 بس خلاص بقی

ما کل الی یخصنی فالدنیا راح..  
 المہم .. نرجع للڈکتور ایمن  
 وهو بیلّف فاوضتی ویدور وانا شایفہ .. لقی حاجتہ  
 مکنتش عایزہ یشوفہا  
 حتہ من جیبہ .. فریدہ حبیبتی  
 کنت حاططہا تحت مخدتی وکانت باینہ طرفہا  
 فشدها..

الدکتور ایمن: ایہ دی ؟؟  
 امیر: (شفتہ وکنت عایز اخدها منہ ، لکن مکانتش  
 جوایا ای قوۃ تخلینی ابعدہ ولا امشیہ

ولا حتى الكلام معاه )

الدكتور ايمن: واضح انها قطعه من ملابس حريمى ..  
(ميل يشم ريحتها)

امير: (فالحظرة دى قمت واخذتها من ايده بجرأة  
ومسكتها وخبثها فايدى وانا ببصله بصرة كلها شرر )  
الدكتور ايمن : (استغرب رد فعل امير ومن هنا بدأ يوصل  
لاى حاجة منى)  
خاصة ببنت ؟

امير----- :

الدكتور ايمن: وواضح كمان انها مش بنت عاديه ، لانى  
حببت استفز رجولتك عشان اعرف اذا كانت تخص  
بنت .هى اد ايه قريبه منك؟!

حببتك مش كده ؟

امير : (اخذت حتر القماشه ونمت بهدوء تانى وخطيت  
راسى عالمخده وسرحت وانا مبتسم لانى بس  
افتكرتها)





~~AAAAAAAAAAAA~~

امیر: (بیص فیہ) طب انا هنزل اروح لشادی بیرنلی  
عشان الموضوع الی قولتاک علیہ ادعیلی ربنا یسهلی  
النهارده

امیر: غور یرا .. احترام نضسک وانت بتموت

## حازم:

**الامر: خد بالك من نفسك يا حبيبى**

## امیر: عایزہ حاجت یا امی؟

## الام: سلامتک

**امیر: طیب سلام .. وانت نام یاض**

خرجت من اوضه حازم اخويا ونازل من المستشفى .. بس  
مش عارف ليه كنت مبسوط ساعتها

كنت بدنندن اغنية مع نفسى

مع ان كان اخويا حازم متدشده ومخبوط وحالته حاله  
.. بس حالته كانت كويسه الحمد لله

بس انا مش عارف ايه الى كان مفرحانى .. يمكن عشان  
كنت رايع اشوف الانترفيو مع شادى صاحبى

الى مستنيه من زمان

ولا عشان كان القدر هيخلينى اشوفها ..... !!؟؟

المهم جاي ادخل الاسانسير كان فيه حاله طالعه منه  
ع النقالة ومعها الممرضين ف استنيت لحد م يخرجو  
وادخل

وفال لحظة دى

جات بنت..

بنت ايه ؟

جات حورية من الجنة ☺

اجمل م شافت عيني .. جايت تدخل الاسانسير وتركب  
معايا

انا وهى ..وبس

انا مقدرتش اشيل عيني من عيها خالص ، حاولت كتير  
ابص بعيد عنها لحسن تلاحظ وتشتمنى ولا حاجة

بس ممكن كنت اودى عنيا ثوان كده بعيد

وارجع تانى ابص لها

هى كانت مش واخده بالها ان فيه شوال اصلا راكب  
معاها الاسانسير...

www.hakawelkotob.com

المهم واحنا نازلين

اوبس!

الكهربا قطعت فالاسانسير

ووقف وعطل بينا!





فريده: انتو يا مستشفی الزفت !! حد يجيب الكهربا

امير: (كنت ببرطم فسرى ع كلامها المضحك) اه حد  
يجيب الكهربا من الكوافير

فريده: انا كده هتخنق وممكن اموت (ابتدت تكح )

امير: يا فندم اهدى دلوقتى تيجى

فريده: ياعم انت هادى الاعصاب كده ليه ؟؟ انت  
ماشوقتش فيلم بين السما والارض

امير: فيلم بين السما والارض ؟؟ لا بصراحه

فريده: ازاي ده ! انت ماشوقتش اتحبسو اد ايه ومحدث  
سأل فيهم

واحنا فمصر يعنى حاليينى ع بال م حد ياخد باله ان  
الكهربا مقطوعه

يعنى اكيد اكيد هنموت هنا

امير: حد ياخد باله ايه م اكيد المرضى عندهم  
مشاكل برة زيينا بالظبط ! انتى ايه الى بتقوليه ده

وجبتى التأكيد ده منين

فريدة: احنا هنموت هنا صدقيني .. الاكسجين هيخلص

والكهربا بتقطع بالساعة والساعة ونص

يعنى ع بال م تيجى

نكون احنا فتعداد الاموات

امير: ياسا تر يارب .. ان شاء الله هتيجى دلوقت

هو انا الى ركبنى الاسانسير بس

فريده: ايه ده ! (بتكح ) مافيش هوا خالص (بتكح

جامد)

امير: والله انتى الى واهمة نفسك

فريدة: انا بتخنىق مش قادرة ( بتحاول تفك طرحتها)

متبصش يا اسمك ايه انت!

امير: هو انا شايف حاجة ؟! وبعدين انا منور كشاف

الموبايل قدامى مش عليكى

فريدة: ايه ده ؟! انا بدوخ ولا ايه



ومرة واحدة وقعت عالارض!!!!!!

امير: يانهارك اسود !! انتى يا انسه

انتى يا حجة

انتى يا ست

كنت بحاول افوقها .. بس مش عارف ليه كنت

مخضوض عليها بجد كأنى اعرفها

وحاولت كتير افوقها وهى مش حاطة منطق

خالص

5دقايق وجت الكهريا ...ونزل الاسانسير

امير: قومى ... قومى يا ..

اسمك ايه انتى

لو فتح باب الاسانسير وشافو المنظر ده الناس هيقولو

ايه بس ! انت يا بت

فريدة: ابتدت تفوق وهتبتدى تكتشف المكان بعد م

هوا التكيف رجع فالاسانسير ويمكن ده الى فوقها)

كانت هي اخدت بالها

انها نايمه عالارض وانا بفوقها 3

فريدة: ايه ده يااستاذ!!

امير: يافندم انا كنت بفوقك غاطان يعني

فريدة: طيب اوعى لو سمحت قومنى..

قومتها ووصل الاسانسير وخرجت بسرعه تجرى معرفش

كان وراها حاجه

بس لما الواحد بيبقى منحوس

فيوم

بيبقى يومه مش زى بعضه

www.hakawelkotob.com

كانت بتجرى بسرعه من باب المستشفى ومرة واحدة

شنطتها وقعت ميلت تجيبها عدت ست ع طرف جيبتها

كانت هي قايمه

دى دايسه

ودى بتقوم بسرعه!!!!



بس معرفش ليه كنت حاسس ان فيوم من الايام  
 فيه حاجة كبيرة هتكون بينى وبين البنت دى  
 ودى مش آخر مرة اشوفها فيها  
 مبحبش الضوقان

الضوقان ع حقيقة ان دى ذكريات بعد م عشت لكام  
 دقيقة معاها وحسيت انى فيها من تانى  
 ببص كده من مكانى لاقيت الدكتور المناخوليا ده  
 ببص ع وشى وبيكتب فنوت بوك صغيره معاها  
 معرفش ليه اتعرفت وقمت بصتله فعنيه..

بس رجعت تانى ونمت ع السرير الى مش بفارقه ، هما  
 فاكرينى ان انا مش حاسس بحاجة

لا انا حاسس بكل حاجة

بس انا مش فالعالم بتاعهم هما

انا فالعالم بتاعى انا وبس...



شقہ كبرۃ ... ومليانه ناس!

الصورة بتروح وتيجى..

"ابعد عنى يا حيوان ... هصرخ والم الناس"

الصورة بتروح .. واحدة بتدافع عن نفسها

بس الصورة مش واضحه..

"اما انتى .. فانا هفضل وراكى ومش هسيبك"

وووو

( خناق وتكسير )

!!!!!!!!!!!!!!!!!!!!!!

حكاوى الكتب  
www.hakawelkotob.com

رجلين صغيرة لبنوتة عمرها 7 سنين ، بتدخل اوضه

..ضامته

مش فيها اى لمحله نور.

بتمد ايديها الصغيرين .. وبتلمس شعر اختها الى نايمته

عالسريير..

الاء: ..فريدة .. يافريدة ، قومی

بخضت بتصحی فريدة!

ومش بتلاقى حد جمبها بيصحيا اصلا!

فريدة بتسكت .. وبتبص حواليا .ومش لاقيه اختها

طلعت تتحس البيت .. حتا حتا .. وملاقتش حد والبيت

سكووووت!

وتقريباً الساعة 6 او 7 المغرب..

فريدة بتكلم نفسها:

"يعنى بردو ياماما مشيتى واصريتى تسيبيني وتاخذى

الاء!"

طب وانا بقى مش همشى من البيت ..هه وخليها عند

بعند"

بترجع فريدة لاوضتها،وبتعرف انها كانت بتحلم عادى

..من الحلم المشوش الى شافته ده وافتكرت ان اختها

الاء بتصحيا

=====

الدكتور ايمن: عاجبني اوى تحديك القوى .. انك  
مصمم متنطقش ب ولا كلمه معايا برغم انى بعمل  
حجات كتيرة تستفزك وبردو ساكت  
واضح كمان انك بتستعيد حجات فمخيلتك مخلياك  
تسرح بعيد وتنسى العالم الى انت فيه  
واضح ان شخصيتك قويه  
بس انا مش هياس وهسمعك وانت هتكلّم..  
بعد مخلص كتابه الى بيكتبه ده .. لاحظ جمب منى  
اجنده  
راح بكل بجاحه ناحيتها وقام واخذها ومسكها وفتحها  
يدوب بيفتح الغلاف وقرا اسمها..

الدكتور ايمن : شمس دسمبر ؟!! (ضحك ضحكت  
استهزاء) يعنى ايه ؟

امير: (التفت ليه وانا بجد كنت متحمس اديله بالقلم  
واطرده بس... كانت فيه سبب ادعى من ده ؟!

لما استهزء بشمس ديسمبر!

الدكتور ايمن : مش هتقولى ( هيتدى يقلب فيها )  
مهمهم شمس ديسمبر هى الحاجة....

اخذت منه الاجندة مرة واحدة

وبصتله فوشه الى ميبعدنيش عنه كام مللى ولاول مرة  
ارد ع استفزازاته ليا!

امير: اطلع برة  
وماشوفش وشك

تانى

برة!!!

الدكتور نزل ايدى من ع رقبته وضحك ضحكة كلاها  
برود وقال:.

انا دلوقتى بس حسيت ان جلستى الاولى معاك...



## الحلقة 2

=====

اخذت منه الاجنحة مرة واحدة

وبصتله فوشه الى ميبعدنيش عنه كام مللى ولاول مرة

ارد ع استفزازاته ليا!

امير: اطلع برة

وماشوفش وشك

تاني

برة!!!

الدكتور نزل ايدى من ع رقبتة وضحك ضحكة كلها

برود وقال...:

انا دلوقتى بس حسيت ان جلستى الاولى معاك نجحت :

اقابلك الجلسة الجاية يا امير

امير : انت جابوك من انهى مصيبه ..اتفضل اطلع برة

ببرہ!!

مسکتہ من یاقتہ بقوۃ وطلعتہ برۃ اوضتی وقتحت باب  
الشقہ وانا بشدہ وطرדתہ ... طبعاً جریت وراہ اسماء بنت  
خالتی لان سیادتہا الی اتصلت بیہ عشان یجیلی

فاکرائی مجنون

اسماء: دکتور ایمن (طالعہ وراہ) استنی یا دکتور  
امیر: (کانت جوایا طاقہ غضب منهم ..من بنت خالتی  
ومن ماما ) ایییییییییییہ !! فاکرنی مجنون  
تانی مرۃ محدش یعمل معایا الحركات الزبالتہ دی بدل م  
اقلبہا ع دماغکم  
الام: (بتعیط) یابنی طیب عایزنا نشوفک بالحالتہ دی  
ونقف ساکتین!

حرام علیک واللہ الی بتعملو فیہ دہ):

اسماء: (داخلتہ من برۃ ) انت ازای تعمل کدہ

**انا مش مجنون عشان تجیبلی دکتور مجانین یا ست هانم**

## انت کده هتموت

## امیر: محدش له دخل ! محدش له دعوة

## دی حیاتی وانا حر

## اكتب

## مکالمش حد

## اموت

انا حر

## سیتھم ودخلت ورزعت باب اوضتی ورایا ... بس طبعاً ماما

## کملت ندب زی ای ام ع حالی):

الى مش بس انا مش مخليها فرحانه

ده وحازم اخويا!

الى لحد دلوقتي منعرفش طفشان ليه من البيت ؟ وعند مين ؟

والسبب ؟!!

بس مكنتش لاول مرة اهتم لحال امي .. ولا لاخويا  
بقدر م كل الى بيشغل بالي

هي ♥♥♥فريدة♥♥♥

اصل انا معرفتك مش ع اهم حدث حصل فحياتي  
الماخبطة .. وخلاها تتعدل واعيش زي اى حد عادى  
ومبسوط

حتى واو شهور وبس):

فريدة البنت الكبيرة لامها ، وتقريباً كل حمول البيت  
عليها ، مقدرتش تعيش زي بقية البنات الى فسنها..



**وبالنسبة لباباها، فهو موجود ومش موجود..**

## و فضل بعید

وكان كاتب انه يأس من كل حاجة هنا مش مخلياه  
عارف يعيش زى الناس .. وانه مش هيقدر يكمل معاهم  
تانى لاهى ولا بناتها

## سافر..

**وسابلهم الشقه الى هما فيها الحاجة الوحيدة الى  
نفعتهم والورث الحقيقي ليهم يسندهم وهما 3 ستات  
مكسورين فالدنيا**

اشتغلت كټير ف اماكن .. وتعبت كټير ومقدرتش  
تعيش زى اى بنت فسنها

مرة تسيب شغلها عشان المعاملة مش تمام معاها  
ومرة عشان قلله المرتب الى يدوب بيعيشهم

بس برغم كل ده كان جوه فريدة حلم بيكبر يوم  
عن يوم

اصل حتى لو كانت زى بنات كټير ربنا ميزها بالجمال  
الربانى ، فالبنوتة دى

بنوتة زى كل البنات الى فسنها..نفسها تحب وتتحب  
ع قدر كبير من الجمال الغربى ، عيونها ملونة وشعرها  
اصفر

وبشرتها بيضا ☺

ملفته للنظر فكل مكان تروحه ، بس مش بتدى وش  
لحد!

ولا حتى ابتسامته..لا نسيت ساعات بتبسم

لما بتشوفنى ☺

وجمالها كان السبب الرئيسي فحلمها ده..

وحلمها كان السبب انى اشوفها مرة تانيه فنفس اليوم

بتاع المستشفى

وبرضو صدقه(; !

بعد م مشيت هى وركبت تاكس .. انا كمان اخدت

تاكس وروحت لشادى صاحبى عديت عليه

عشان نروح سوا الانترفيو

شادى : معاك الروايت يا صاحبى ؟

امير: اه طبعا .. ده انا محضرها من بدرى ، ده حتى روحت

بيها عند حازم اخويا فالمستشفى

شادى:وهو عامل ايه دلوقتى

امير: تمام ..احتمال يخرج بكرة

بس متدشدهش عالاخر



مشینا وروحنالانترفيو .. الى كان فشرکت انتاج  
كبيرة عاملت مسابقه تقديم المواهب

موهبة تأليف الروائي والقصصى

وموهبة التمثيل

كانو تقريبا عاملية اعلانات فكل حتة .. وانا من زمان  
كنت بكتب مع نفسى روايات كده

بس كنت بكتب واركن فالدرج الى جنب سريرى/:

وهو مين هيشو يا حسرة ؟!

بس المرة دى حاسس ان فيه خير لما شوفت الاعلان

وجرى روحى وخذت اكثر رواية كذا حد شهدلى بانها  
ممتازة):

كنا عددت كبير هناك من الشباب والبنات

وناس بتدخل مكتب الناحية دى

وناس بتدخل الناحية دى



وناس معيظه وناس فرحانه .. وانا مستنى دورى

وبعدين مرة واحدة سمعت صوت..

صوت بنت شغالة تدرب ع اداء مشهد معين):

وكانت فريدة^\_^

انا شوفتها من هنا ؟! ومصدقت اجرى ع شادى

امير: شادى!

شادى: ايه

امير: شايف البنت الى قاعده لوحدها ورا دى

شادى: انهى

امير: الى عنيتها ملونه .. انت باصص فين

اهيه (لوحث راسه ناحيتها)

شادى: اااااااااا .. مالها ؟

تعرفها

امير: البنت دى من شويتۍ حصل بينى وبينها دروب كده !  
ملحقتش احكيهمولك

بس كنت حاسس انى هشوفها تانى مش عارف ليه  
شادى: بس عادى يعنى .. م احنا كل يوم بنشوف  
امير: لالا لا دى غير..

شادى: غير ازاي ؟ انا شايفها عاديت  
ولبسها بسيط

امير: ماشى .. بس مش عارف  
فيه حاجة بتشدى عايز اتكلم معاها  
واحنا بنتكلم .. جت سكرتيرة ونادتها  
السكرتيرة : رقم 76 انست فريده عادل

فريده: ايوة^\_^

السكرتيرة : اتفضلى

شادى: اهى اسمها فريده اهى يلا ابسط ياعم

امیر: حتی اسمها مش به ای حد یاری\*:

شادی: لا عایز افهم بجد .. ایه الی فزیده غریب ؟

انا عندی بیجی 17 بنت فعلتنا اسمهم فزیده

ولا جت عند فزیده ووقفت

امیر: طب اسکت .. واللہ مانت فاهم حاجت

شادی: تلاقیها جایة عشان موهبة تمثیل

امیر: شفت .. ادینا طلعتنا فنانین زی بعض واحساسنا

مرهف

شادی: (بیبص فعین امیر ) اه تصدق .. مرهف وهینط من

عنیک اهو

10دقایق وخرجت فزیده

تشتہ ومتنرفزة علاخر وبتکلم نفسها

ساعتها جاتنی الجرأة انی اکلمها بقی .. فرصتی جت

اصل احنا کشاب .. بنعشق التلاکیک ;)

امير: فيه ايه ؟ متقبلتش ؟

فريدة: متقبلتش ايه .. دول قالولى انى موهبتى ممتازة

امير: اومال زعلانت ليه ؟

فريدة: عايزنى اقلع الحجاب !! شوفت

قالولى ينزع تمثلى من غير حجاب ؟

امير: مممممم وانتى هتعملى ايه

فريدة : هعمل ايه بقى م خلاص : / (سرحت ل 3 ثوان

وبعد كده اخدت بالها) ايه ده ؟

انت مين عشان توقف وتتكلم معايا وتاخذ وتدى

امير: هو انا عملتلك حاجة انا شوفتك متنرفة فحبيت

اعرف مالك ، غلطان انا يعنى

فريدة : وانت مالك متنرفة ولا مضروبة ولا متنيلة

وانت مالك

قريبى؟

اعرفك ؟

شادی کان قاعد من بعيد شویټ و بېراقبنا و بیضحک..

امیر: وهو انا عملت ایه بس یافریده .. جیت سالتک

وبعدین انتی مش لسه کان مغمی علیکی وانا فوقتک

یعنی یعتبر فیہ معرفه سابقه

فریده : وهو انا عملت ایه یافریده ؟!! کمان عارف اسمی

وبتنادینی کأنا اتنین ولاد عم مثلا

اوعی ی عم من سکتی

دی حاجت بقت تخنق

مشیت من قدامی وهی متترفة .. بس انا مقدرتش ازعل

منها

حكاوي الكتب  
www.hakawelkotob.com

بالعكس احترامتها اوی

وعششت فداغی اکر

وبردو حاسس ان ده مش اخرک معايا یافریده =D



السكرتيرة قطعت سرحاني فيها وهي نازلة..

رقم 103 استاذ امير طلعت

شادي: بينادو عليك

امير: ايوة..

اخذت ورقى ودخلت للانترفيو

وانا بفتكر الذكرى الحلوة دي ... قطعت حبل افكارى  
بنت اللذين اسماء بنت خالتي 3):

وهي بتنفض اوضتي!

اتاريها مشرفه عندي من بدرى وشغاله تنفيض وترتيب ...  
بس انا مأخذتش بالى الا لما واحد من كتبى الى فوق  
تربيزة وقعوا!

امير: انت بتعملى ايه ؟

اسماء: بنضفاك الاوضه يا امير .. مكر كبتاوى  
ووممكن...

امير: ممكن ايه ؟

اسماء: ممکن تګون الکړکېته دی وعدم دخول  
الشمس فیها ده السبب

فسكنت الجن والعفاريت فیها

اللهم احفظنا

امیر: اه ! یعنی اوستی مسکونه جن وعفاریت؟

اسماء: انت مبتشوفش نفسک لما بتتحول یاامیر ، احنا  
عایزین مصاحتک واللّه

امیر: اتحول .. طب یلا اطلعی برة قبل م اتحول بجد  
علیکى

وسیبی کل حاجت فمکانها

انا عایز اوستی تفضل مسکونه

انا مبسوط کده

هما مانسنی کده

اسماء: بس یا امیر....

امير: برة يا اسماء (اخذتها من ايدها وطلعتها برة وقفلت  
الباب بالمفتاح)

وكان قد ماغى حجات بتدور ..هما ليه بيعملو معايا  
كده

انا عايز حياتي تمشي كده ومحدث له دخل فاختياري  
لحياتي مداام مش بأذى حد

بس مرة واحدة وانا بكلم نفسي عيني وقعت ع كتا من  
كتبي كان واقع عالارض  
مطرح م رتبت اسماء

حكاوي الكتب  
www.hakawelkotob.com

اسمه " شمس المعارف! "  
فالاول معرفتش انا اشتريته امتي ولا انا قريرت فيه ولا لا  
وبعد كده لما مسكته وفتحت اول صفحه فيه  
افتكرت.

=====

الاء: ماما ، هو احنا مش هنروح عند فريده ؟

الام بتعمل بلوفر شتوى بالتريكو والصوف وقدامها  
سبرتايتا القهوة..

الام: لا مش هنروح يا الاء، واسكتي بقى شويت

الاء: هو احنا مخاصمينها ياماما؟

الام: لا مش مخاصمينها

الاء: اومال مش بنشوفها ليه بس ؟

الام: بقولك ايه ؟ روحى العبي فالشارع مع ولاد خالتك  
..روحى

الاء: طيبا

حكاوي الكتب  
www.hakawelkotob.com

اتنرفزت واتنططت الاء ومشيت وهى بتبرطم ..راحت  
طبطبت عليها خالتها "كوثر" الى قاعدين عندها،

خالتا كوثر: بالراحه عالبت يا زينب..مش كل حاجه  
شخط ونتر كده

الام: (سابت من ايدھا الابر) وانا هفضل لامتي شايلا  
لوحدي وساكتة..

خالتا كوثر: يعنى وايه ذنبها الطفله المسكينه؟! ها  
قوليلي

وبعدين ايه الى عرفها بس باللى انتى فيه يا زينب.. ده  
قدر ومكتوب يا حبيبتي

الام: ونعم بالله .. ربنا يصبرنى ،انا حالى ربنا وحده الى  
يعلم بيه

خالتا كوثر: ربنا يصبرنا كلنا

=====

حكاوي الكتب  
www.hakawelkotob.com فريدة فالبيت!

لوحدها ... قاعده ف اوضتها وشغاله تطفى وتنور  
فالاباجورة الى جنب السرير  
والبيت سكوووون فظيبييع





فريده اتخضت جامد و راحت جريت زى العيال الصغيرين  
استخبت فالدولاب!

وغمضت عيونها

وقالت فسرّها"

هو البيت مسكون ولا ايه... مسكون امتى طيب م احنا  
عاشين فيه من زمان ؟!

كده ياما!

تسيبنى فموقف زى ده

يعنى انتى اكيد عارفه ان البيت فيه حاجة غريبة  
عشان كده عايزة تمشى من زمان

بس انا عشان اول مرة اقعد يوم كامل وم كونش  
فالشغل اعرف

طب انا هعمل ايه دلوقتى ؟!

انا مش فاكرة اى حاجة عشان اقولها

رجلیا بتخبط فبعض.. وسنانی

سلام قول من رب رحیم.. سلام قول من رب رحیم"

=====

"وہو احنا کل م نیجی نقعد معاک یاض تبقی

ماسکاک کتاب وشغال قراہیہ فیہ ؟

تقول ہتاخذ الدکتوراء بعدہا یاخی:p

حامد: اولاً یا ابو جہل ، دی ثقافہ .. ثانیاً یا عم شادی

خلیک انت فالمرکرونۃ والبطاطس

والوجبات السریعہ الی مبتفہمش فحاجتہ غیر فیہا

www.hakawelkotob.com

وخلینی انا اقرا

امیر: طب خلی القراہیہ بعدین یا حامد وخلیک دلوقتی

معانا یا عم

حامد: اصل الکتاب دہ بجد شاددنی اوی .. عایز اعرف

آخرہ

امير: هو عن ايه ؟

حامد: بص .. ده كتاب " شمس المعارف " تاليف احمد  
البونى

هو عن الجن والشعوذه والسحر

كان فيه لقاء فالتفزيون من اسبوع وكانو بيتكلمو  
عنه ان كبار الكتاب بينصحو الناس بعدم قرأته  
بس طبعا معظم الناس زى حالاتى كان نفسهم يعرفو  
فيه ايه عشان الناس تحذر كده محدش يقراه  
قررت اشتريه

ومن ساعه م جبتة

مبطلتش قرايه فيه

امير: (الفضول وحب الاستطلاع خلونى من غير تردد)  
مممكن بعد م تخلصه تديهولى ؟

شادى: ياعم بيقولك سحر وشعوذة ! انت هتشتغل دجال  
يابنى انت ؟

امير: لا بجد .. عايز اقراه

يبقى عندى خافيه عنه عالاقل

افرض فيوم طلعت فالتلفزيون بعد م روايت من رواياتى

تنجح وسالونى عنه

اقعد زى الحمار كده

مش فاهم حاجت .. مش لازم ابقى مثقف يا قفل انت

حامد: انا هديهولك بس خد بالك .. الى بيقراه

بيبقى عارف انه ماسك بين ايديه

مفتاح جهنم!!

كلمة مفتاح جهنم كانت هى السبب الاقوى انى

استعير الكتاب

انا اصلى عمري م خوفت من حاجت

وحسيت ساعتها ان زى



### الحلقه 3

=====

حامد: انا هدي هولك بس خد بالك .. الى بيقراه

بيبقى عارف انه ماسك بين ايديه

مفتاح جهنم!!

كلمة مفتاح جهنم كانت هي السبب الاقوى انى

استعير الكتاب

انا اصلى عمرى م خوفت من حاجته

وحسيت ساعتها ان زى انى اعرف حجات كتير عن عالم

بتاعى ، فيها ايه لو افتح مجال لنفسى اعرف بيه

حجات عن العالم الاخر

حامد: بس خلى بالك فيه ايات قرآنية معينة لازم

تقراها قبل م تبدء قراية فالكتاب ده

امير: ليه ؟

حامد: عشان الڪتاب ليه حراس، عشان تبقي فحالك  
 وهما فحالهم وتقراها عادى وميحصلكش حاجت  
 ولا اذيه منهم

شادى: ياعم بلاش منه ام الڪتاب ده ؟! انا مش عارف  
 هتستفيد ايه بس من قرايته

امير: ياعم بلاش كلام هجص يا حامد، ياذونى ايه  
 مافيش حاجت بتحصل للبنى آدم غير لما ربنا يكون  
 كاتبها

غير كده بيبقى كلام مش منطقى

حامد: انا قولتلك ..ولما هديهولك هديك الايات دى  
 عشان تقراها وابقى كده عملت الى عليا معاك

شادى: عارف لو قرите يا امير ، والله م هعرفك  
 تانى

امير: ليه بس ياشادى ، بيت فصلانك ياشيخ

شادی: عشان بیقولک جن وسحر وقرف واحنا مالنا  
 بالدنیا دی یاعمر ، احنا ماشینن بستر ربنا  
 حامد: مانا قریت فیه جزء کبیر اهو ومافیش حاجت  
 حاصلتی

شادی: بصو انتو الکلام معاکو مش هیجیب نتیجه  
 ..واحد عامل فیها نجیب محفوظ فالادب وعایز یقراه  
 عشان محدش یساله فالتلفزیون ویبان حمار  
 وواحد ماسکه واراھن بشرفی ماھو فاهم ای حاجت  
 فدنیا ربنا

وعامل نفسه احمد زویل وهیجیب التایهه  
 انا ماشی (بیطلع حسابہ وحطه عالتربیزة )

=====

صنیة فطار وعلیها توست ومربی وجبنه بیضا  
 وفنجان قهوة

شایلاهم هالت وداخلت لدکتور ایمن جوزها...

هالت : ازای حالت مش عارف تفھمھا یا ایمن ؟ او مال مین  
الی هیضھم فیھا

ایمن: مش عارف، شاب غریب اوی

بسته غریبته.. انا عارف انه فحالتہ اکتئاب ودرجه  
قاسیتہ کمان

ممکن یکون وصل لاقصى مراحل الاکتئاب

بس الی محیرنی مش عشان هو مش عایز یتعاون معايا

هالت : او مال ؟

ایمن: المشكلتہ دی انا اتعرضتلھا مع معظم المرضى الی

بعالجهھ ، بیرفضو فالاول التعاون معايا

www.hakawelkotob.com

وبیرفضونی بشده

وبیستجیبو بصعوبتہ وبقی عارف انی هنجح ویاھم

بس امیر ده غریب بجد .. فیہ حلقه مفقوده فحیاتہ

لا اھلتہ وصالوھالی ولا هو عایز یتکلم معايا

هالت : طیب ایه تحلیاک للحلقۃ المفقوده دی ؟

ایمن: بوی یاستی .. بنت خالته ووالدته هما الی  
استدعونی لحالته

حکولی کل حاجت عنه

ولد محترم .. وکویس ومحبوب جداً

بیحاول یثبت نفسه بای شکل

اشتغل فحجات کثیر والځ

فهمانی

هالت: وبعدين

ایمن: بس معرفونیش ان ممکن تكون حالت الاکتئاب  
الفضیعه الی عنده دی بسبب بنت!!

هالت: (بتفکر وسرحانه ) یمکن میعرفوش بعلاقته  
بیها

ایمن: ماهو بالعقل ،، ازای الناس الی عایش معاهم وهو  
واخوه التؤام بس الی مع امه فالبیت

یعنی کل حیاتها هما



ومتعرفش ابنها اذا كان مرتبط ولا لا

ده حتى ع اقل افتراض هييان عليه

هيفتح حوار مع والدته

هيقول لاخوه الوحيد

هالت : وممكن متكونش البنت دي هي السبب ي ايا

ايمن

ايمن: انا متأكد من تحليلي لاول جلست ليه معايا ان

السبب بنت

وفيه حاجة كمان عن الولد ده مهمة جداً بردو اهلت

متكلموش عنها

هالت : ايت كمان

ايمن: الولد ده بيكتب قصص!!

هالت : قصص !! يبقى لسع زى كتير من الفنانين الى

فالمجال ده هههه

**الغز كبر اوى و بجد محتاج لكذا مرجع ارجعله**

## ایمن: قصدک مہتموش بموہبتہ ؟!

**لا لا لا لا لا لا لا امیر دماغه اکبر من کده**

**يدوب كام كلمت فجملت قالهم ليا ومقالش غيرهم**

**عرفتني ان الولد ده بجد تفكيره اكبر من سنه**

والی ہدہ بالشکل دہ حاجۃ قویہ جدآ

## هالته: والله انا بتمنى توصل لحل اللغز ده لانك بجد

# خلتني انا کمان افکر فيہ زيک

## وعايزة اعرف اخره بصراحه

ایمن: (بص بصرہ لبعد وهو سرحان واتکلم بثقه ) ان  
شاء اللہ هوصل

=====

"انت یابنی خف سرحان وخلیک فشغلک"

شادی: ہا!

زمیلہ فالملطعم: ہا؟! ایہ یاض یاامیر انت مش هنا

اخلص واعمل الاوردرات دی عشان المذیر ع آخره منک

شادی: (بیحضر فالاکل وبیمسح دموعه) حاضر حاضر

زمیلہ جرسونہ: خلصت یاشادی؟

شادی: قدامی دقایق..  
www.hakawelkotob.com

زمیلہ: فیہ حاجت

شادی: یاجماعه محدش له دعوة.. مش لیکم اوردر

یجهز وخلص!

زمیلہ: طیب طیب

مشيت البنوتۍ زميلته تشوف الزباين الى دخلت المطعم  
تكتب طلباتهم، وسابت شادى غرقا ان فسر حانته  
،وتقطيع البصل،

والبصۍ الى جت بعينه ع المكتبه الى قصادهم ... الى  
بتشتغل فيها فريده

وافتكر حاجۍ مش ممكن ينساها  
امير : حبيبى يا شادوو انتى صاحبى اكتر من حامد  
تصدق دى هههههه

شادى: ياعم عدو الجمال، اهم حاجۍ هى تيجى  
فالشيفت بتاع بليل زى م قولتلك

لان فيه بنات بالنهار فترة المدارس والدورس  
فريده: ربنا يخليك يا شادى انا مش عارفه اشكرک  
ازاى انا بجد كنت فقدت امل انى الاقى شغل

امیر: یا بنتی انا قولتک ہلاقیلک ومتشایش ہم، طول  
مانتی مع امیر متشایش ہم صبح ولا لا (مسک ایدھا  
وقعدو ع سور الکورنیش )

فريدة: (بصلته وغمزت ان شادی واقف )

شادی: طب انا اظیر یا معلمین بقى .. عشان ورايا مشوار  
من بكرة یافريدة تستلمی

فريدة: حاضر

مشی شادی وسابهم لوحدهم..

وفجأة صباعه انجرح وهو سرحان!

شادی: اہ!

زمیلته: انت لسه مخلصتش ؟ یلا الاوردرا تاخر والمدير

هیزعق.. خیر خیر

اغسل ایدک وکمل

=====

اليوم قرب يشطب..



وفريده بتفتح عنيا عاظمة الى دخلت الشقه الى مش  
فيها ولا ضوء صغير للنور

هي متعرفش ليه بقت تنام طول النهار كده وتصحي  
بليل ، وتنسى ان فيه وراها شغل

اينعم هي الشيفت بتاع بليل فالمكتبه الى جبلها امير  
شغل فيها

بس بطلت تصحي بالنهار تعمل شغل البيت بدل مامتها زى  
ماهي متعودة .. اينعم مامتها مش قاعده

بس عالاقل تنصف البيت لنفسها وتجهز حاجته ليها  
فريده وحشتها مامتها اوى .. بس هي لسه زعلانه منها  
عشان مقاتلش ليها ع حوار ان شقتهم مسكونه

او هي شكه انها تكون مسكونه .. لانها خرجت بعد  
فتح الباب بدقايق

وقضله واتشجعت

ملاقتش حاجته خالص!

دورت فكل حتة فالشقہ ملاقتش حد .. نفضت لكل ده

وطنشت

المهم

وزى م اتعودت فريدة .. نزلت عشان تروح شغلها!

وكانت بتدور ع مفتاح المخزن بتاع المكتبة الى هي

ماسكاه .. ملاقتھوش!!

فريدة : (فسرها) اوبس ، انا نسيت المفتاح! تانى .. كده

اكيد هترقد .. ازاي ده .. اما انا عبيطه بشكل

طب هعمل ايه دلوقت

انا هنزل واعتذر انه مش معايا ولما اخلص شيفت ابقى

اقولهم انى هدور عليه بقى وخلص

وانا كانت دماغى فين ياربى

نزلت وراحت الشغل الى يدوب يبعد عن شارع الى هي

ساكنه فيه بكام شارع بس وده من حسن الحظ

لكن بتبص عالمكتبه لاقيتهم فاتحين الموظفين الى  
فيها وشغالين!

وفيه بنت جديدة غير البنت زميلتها الى بتبقى موجودة  
وقت الشيفت بتاعها

فريدة: ايه ده ؟! هما رقدوني ولا ايه ؟

وجابو بنات جديدة كمان.. مانا غلطانة صاحبة متأخر  
ونسيت المفاتيح

ايه العبط ده

اتخنقت اوى.. مع ان هي كل يوم بتحط المفاتيح فدرج  
التسريحه بتاعتها.. بس ملاقتهمش

اتخنقت اووووي، وخذت بعضها وطلعت ع صاحبته "  
دعاء"

||V||دعاء||V||!!

صاحبة فريدة.. بس مش انتيم اوى

هما كانو سوا فالدراسه ، بس الى حد ما بينهم شوية  
مشاحنات.. بس بيغطيهم فالنهاية رداء الصداقه  
دعاء طول عمرها بتغير من فريده عشان فريده احلى  
منها بكتيييير..

وفريده بتغير من دعاء.. عشان الحظ ادى لها العيلته ..  
والوسط الاجتماعى الى احسن منها  
وفنفس الوقت بتشتغل دعاء وظيفه .. طول عمرها فريده  
بتحلم بيها

وكان نفسها يكون عندها نص فرصه دعاء فالحظ  
راحت لها تزورها وتشوفها عاملته ايه ... لكن وهى لسه  
هتخط ع الباب!

كانت دعاء فتحت الاب قبل م تخط فريده وكانت  
طالعه من جوه ، وشها حزين وباصه فالارض ومخنوقه  
كده

وشكلها معيط

او عيونها ماشوفش النوم

فريده: دعاء!! ازيك .. انا لسه كنت هعدى عليكى  
اقعد معاكى شويته

دعاء: (باصه فالارض وباب شقتهم مفتوح بس هي  
مستنيه الاسانسير) انا مخنوقه ولا عايزه اكلم حد ولا  
اشوف حد .. ممكن

فريده: ايه ده !! طب وهو انا قولتلك ادينى حسنة .. انا  
جايت اقع معاكى شويته مش اكر  
دايمآ اسلوبك وحش معايا كده  
سلام

مشيت فريده وهى متدايقه .. ودعاء مردتش عليها حتى  
جملتها الاخيره.

حكاوي الكتب  
www.hakawelkotob.com

=====

الام: ممكن اسالك بس يا بنى انت رايح فين ؟

امير: نازل (بيلبس اى حاجته)

الام: طيب مش لما تبقى كويس ،



امير: وانا مال دلوقتي يعنى ياماما

الام: يا بنى مافيش بس انت مش بتاكل ولا بتشرب ..  
لاتقع من طولك برة يا بنى

مش كفايه اخوك الى انا معرفش هو فين ولا بيعمل  
ايه ولا حصله ايه

اسماء: (دخلت ع كلامنا ) سيبيه يا خالتي .. الخروج  
ليه احسن

امير: اهي قالتلك العبقرية

الام: يا بنى هتموتونى والله قريب، اعملو الى انتو  
عايزينو

حكاوي الكتب  
www.hakawelkotob.com

انا تعبت

ماما خرجت وبعدها اسماء .. الى قاعده فييتنا بس عشان  
بتاخذ بالها من ماما

والى انا مش فاهم هي مش بتروح بيتها ليه

بس انا مش شاغل بالى وجود اسماء من عدمه

انا بس قلت اخذ الكتاب .. واقراه بره البيت  
 لانی فاکر ان حامد حذرني مقرهوش فالبیت عشان  
 حراسه متأذیش اقرب ناس لیا  
 المهم

اخذته ،ونزلت ورحت مکان انا بجد بحبه اووووووی..  
 واول بس م قعدت فيه افكرت حاجة من الحاجات الى  
 عمرها ماسبات بالی  
 والی تقریباً اتحضرت جوایا ..کل ذکرى بتجمعنى  
 بفریده

فریده : انت ازای تمسک ایدی قدام شادی ، قولتلك  
 متعملش كده قدام صحابك (شالت ایدها )  
 امیر: بحبك یافریده .. ومش بعرف اتحكم فنفسی لما  
 بشوفك

شادی غیر شادی واقف مش مهم  
 وبعدين انا مالیش فیکى ولا ایه ؟

فريده: طبعاً بس .. مش دلوقتي (بصت بكسوف بعيد)

امير: اومال امتي؟ (كنت مميل عليها لاني بحب اشوف  
عيونها وهما مكسوفين)

فريده: لما نتخطب

امير: ده انتي حتى سمعتنيش ولا كلمت حلو لحد  
دلوقتي .. يرضيكي ده ؟

فريده: انا معرفش امتي كل ده حصل يا امير بس .. فجأة  
شوفتك فالمستشفى

وشوفتك تاني فنفس اليوم فالانترفيو

وبعدها بكتير اتقابلنا صدفة وانا راجعه من عند  
خالتي

وبعدين...

امير: من يوم ماشوفتك وانا جريت ع حامد صاحبي  
وقولتله انا انه ارادة قابلت البنت الى هتجوزها!

فريده: يييييااه كده مرة واحدة

امیر: اومال ع مرتین .. معرفش لیه کنت حاسس ان ربنا  
هیجمعنی بیکی فیوم من الایام

واننا هنبقی سوا

وانک هتحنینی زی م اول یوم شوفتک فیه وحبیتک

فریده: فاکر لما نزلنا من المیکروباص وانا کنت  
رایحه اشرب عصیر خروب من وانت عملت نفسک عایز  
تشرب قال من العصاره الوقت ده

امیر: انا بتلکک عشان بس اقضی اطول وقت شایفک  
قدامی

واشبع من ملامحک فذاکرتی

فریده: یومها شربت ومشیت بسرعه من کسوفی .. انت  
کنت بتشرب وبتبص علیا وکل الناس اخدت بالها

امیر: مش بس کده انتی بعد م مشیتی...

فریده: متکملش ..! شربت باقی کوبایتی!

امیر: عرفتی ازای؟

فريده: بصيت ورايا وانا ماشيت .. (ودت دماغها بعيد  
بخجل ) وشوفتك

امير: طب لما انتى عارفه انى بحبك.. امتى هتقولها  
بقى ؟!

عشان خاطرى

فريده: (قامت من عالسور ونفضت جيبتها من التراب )  
لا لا لا لا

لما نتخطب

ورجعت من عندها مبسوط ومبتسم ومش ناسى ولا كلمه  
قالتهاى ولا بتقولهاى ، زى مانا فاكر كل كلمه  
دلوقتى

ولاقتنى مبسوط وبقول

امير: بحبك يا فريده!

فتحت كتاب شمس المعارف .. وحسيت وانا بتصفح اول  
كام صفحه منه انى مقرتهوش قبل كده!



ایوۃ فعلا دی اول مرة افتحه

انا مصیبتی فالدنیا دی ذا کرتی القویۃ .. لا مفتحتہوش  
قبل کدہ

قعدت اقرا .. طلاسہ وحجات غریبۃ کدہ

ازای تسخر جن

ازای تسخر جن تحت امرک وایہ الطلاسہ الی خاصی  
بکدہ

وازای تقدر تشوف قرینک ؟

وازای یبقی لیک قدارت غریبۃ .. وایہ الکلام  
والطلاسہ والحجات والرسومات الخاصة بکدہ

الکتاب اخدنی فدنیا تانا خالص .. بیضرب امثلۃ بناس  
وحجات حصلت زی کدہ

کل م احس انی ممکن امل یاخدنی فدوامتہ الی  
مخلیانی مش عایز اقللہ نہائی .. یبقی عشان کدہ  
حامد مکانش قادر یفارقہ

بس اخدت بالى من باب عجبتنى تفاصيله ،،مكتوب  
فيه

وازاى تقدر تشوف روح وغيرك ميشوفهاش ؟!

قریت فیه ؟؟ ومن غیر م اقصدد رددت الکلمات الی فیه  
ورا بعض

کانت جوايا قوة غریبة کده انی مبطلش

وانی افضل اقرا فیه

کنت حاسس ان فیه قوة اکبر منی بتخلینى اعمل  
کده .. کنت بقرا بردو ومبطلتش ومش بعینى بس

بلسانی

وفوقت ع رنة فونى .. ایه ده!

دی فريدة

فريدة بتتصل بيا ؟؟! دلوقت

=====

فضلت ماشیه فريدة طول الطريق وهى زعلانة

دعاء قابلتها وحش اوى

ومتعرفش ليه ، مع انهم مش متخافين

و،مراحتش الشغل وخايضة تروح يقولو انهم مشوها بسبب  
تأخيرها

الشغل الى اخيراً ارتاحت فيه بعد م امير جابهولها

لاقت نفسها ماشيه بلا هدف

وفجأة جه فبالها شخص واحد!!

=====

يعنى ايه فونى رن باسمها .. احنا مش خلاص سيينا بعض  
؟

وانا ازاي مردتش واتخشب مكانى كده

وازاي كل قوة فيا اتهدت لمجرد انى شوفت اسمها وسمعت  
النعمة الى كنت مخصصها ليها ؟

ومرة واحدة..

صوت حنين كان بينادينى .. صوت عمرى م هنساه

بتلغت ورايا

لاقتها فريدة!

عيونى دمعو واتخشبت معرفتش اتحرك

فريدة: مستغرب عشان كنا متخافين سوا آخر مرة

ودلوقتى انا الى جيت وصالحتك

امير : (اول مرة اشوفها من غير طرحه!

اول مرة تخرج من غيرها كده

وشها هادى واجمل بكتير من زمان )

أأ.. أنتى هن ..هنا فعلا ؟؟!

فريدة: ايوة .. وحشتنى يا امير اوى

امير: (عيونى غرقو وشى دموع من غير م احس لما

شوفتها قصادى) انتى موحشتنيش يا فريدة عشان انتى

قدامى معايا وجوايا طول الوقت

فريدة:

امیر: تعالیٰ فحضنی یافریدة ؟

فریدة: قولتاک ملیون مرة قبل کده .. بعد کتاب  
الکتاب

امیر: بس انا محتاج حضنک دلوقتى

فریدة: وبعدين معاک ؟ انا ہمشی

امیر: لالا لا وتسیبینى تانى

وتبعدى عنى

انا مصدقت لاقیتک!

ومرة واحدة قرب علینا راجل غریب کده وجه کلمنى

..

الراجل: فیه حاجتہ یا استاذ معاک ؟

ردیت علیه رغم ان مش وقته خالص وقلت.....:

استنونی هقولک بکرة

فنفس المعاد



وتحيته خاصة للفاضل الى اخذو بالهم من اللوجو بتاع  
الرواية وع قوة ملاحظتهم



الحلقه 4

=====

امیر: تعالیٰ فحضنی یافریده ؟

فریده: قولتک ملیون مره قبل کده .. بعد کتاب  
الکتاب

امیر: بس انا محتاج حضنک دلوقتی

فریده: وبعدين معاک ؟ انا همشی

امیر: لالا لا وتسیبینی تانی

وتبعدی عنی

انا مصدقت لاقیتک!

ومره واحده قرب علینا راجل غریب کده وجه کلمنی

..

الراجل: فیه حاجه یا استاذ معاک ؟

ده مش وقتک خالص ، انت مین وبتسال لیه ؟

قمت

امیر: فیہ حاجتہ ایہ (بمسح دموعی)

الراجل: انا معدی لاقیتک تعبان وقاعد عالارض وراکز  
برکبک کده ومعیط قلت اشوفک لو محتاج مساعده

امیر: لا شکراآ

الراجل: انت کویس یابنی

امیر: ایوة .. شکرا یاح

الراجل: انت یتقرا کتاب ؟ هنا

امیر: (انا کنت مستغرب الراجل ده بجد .وهو ماله اقرا

هنا ولا فین بس مش عارف لاقیتنی برد علیه عادى )

ایوة فیہا ایہ

الراجل: نصیحه یابنی .. لمتحب تقرا حاجتہ اقراها مش

فمکان ضلمه زى هنا

وکمان مافیہوش ناس

امیر: (انابلمت.....)

الراجل: وبالذات الكتاب ده ! ربنا يحفظك يا بنى  
امير :

هو للدرجة دي الكتاب ده مخيف ؟ وفيه مجموعة  
كبيرة من الناس تعرفه ؟

بس نسيت المحادثة الغريبة دي بينى وبين الراجل  
الغريب ، ورجعت اكله فريدة تانى..

مشى الراجل وهو ببصلى بردو بصت استغراب..

امير: شوقتي عشان انتى واقفه بعيد الراجل فاكرنى  
تعبان وبكلم نفسى.. قربى ليا بقى!

فريدة!

حكاوي الكتب  
www.hakawelkotob.com

فريييييدة ؟؟!

انتى فين ؟

انتى مش كنتى هنا ؟

وفجأة فعلا ملاقتش حد .. لا فريدة ولا غيرها 3):

وقفن وتنحت وحسيت ان يمكن من كتر مانا نفسى

بجد نرجع واشوفها ونبقى سوا

وبقت شاغلن كل تفكيرى

انى اقدر اشوفها

بس طلعت بهلوس انى شوفتها وكلمتها كمان..

مشيت وقضت الكتاب ..بس كان نفسى حتى لو بهلوس

بيها اشوفها وقت اطول عن كده

بس فالوقت ده

فريدة فعلا كنت جيت فبالها.. بس كانت زعلانه منى

عشان اخر مرة اتخانقنا سوا وقررنا نسيب بعض):

فجت للمكان الى بحبه ، ووقفن ودارت نفسها عن عينى

من ورا السور

وشافتنى وانا مروح

من غير م تحكى معايا ولا كلمه

وسابتنى امشى من غير حتى م اشوفها/:

=====

"ازای یحصل کل ده مع امیر وانا معرش ؟"

شادی: وهو انت كنت فين يا حامد ؟ فجأة انت عزلت من  
شقتك ومشيت

وروحك بلدكم واختفيت

كنت هقولك فين ؟

حامد: طيب وهو عامل ايه طيب ؟

شادی: عايز ايه من واحد بيعشق حروف اسم فريدة ..مش  
فريدة نفسها!

لازم يا يتجنن يا ينتحر

من يوم بعدهم عن بعض

وهو كده

وانا خايف اقربله بصراحه

لانى مش مستحمل اشوفه كده



(أثأثر شأدى أوى بكألمه عن أمير ،، بس حامد كان  
سرحان فكل الأخبار الى عرفها  
وفالصدمة الى أأدها والى مكانش متوقعها أبدأ  
ولا متوقع يسمعها فحياته)..

حامد: طيب وحازم أخوه فين ؟  
شأدى: حازم وزفت ! ده عيل معفن والله  
ولا يستاهل ييبقى أخوه  
من يوم الى حصل وهو طفشان من البيت  
مش عارفين ليه طريق جره  
بس ده العأدى من حازم ..دأيمأ رئيس جمهوريه نفسه  
أهم حاجة عنده يضرب سجاتين  
وحقنتين

ويشم سطين

ويهيص مع موزة من بتوع الليالى

ویولع ای حد فالدنیا حتی وان کان اخوه

انا مش فاهم دول ازای توأم ؟

شکل بس یعنی..

یاریت م کان جه الدنیا حازم ولا شوقنا خلقتہ

حامد: (بیاعب فدقنه بصوابعه وهو بیسمع کلام شادی)

حاسس انی فحلم

شادی : ده مش حلم ..ده کابوس

انا مبقتش حتی عارف ارکز فالشغل

مش قادر

حامد: انت بتتکلم وانا شغال جوایا اقول یارب یطلع

کذاب..یارب فالآخر یقولی انا بهزر معاک زی م بیعمل

شادی: یاریت کان اهون علیا

حامد: اصلک انت مش فاهم ،،لما کل ده یحصل لواحد

اقرب لیک من اخواتک

وانت بعید

ندالت یعنی

شادی...



الحلقه 5

=====

الام: هاتى .. (لاحظت الفون فايد الاء)

ايه ده!

انا مش قولتلك قبل كده مالكيش دعوة بتلفون  
اختك!

الاء: انا بلعب الالعب

رن الفون!

الام: هاتى يابت .. وروحي العبي واخر مرة تمسكيه  
فاهمة ولا لا

الاء: بس فريدة كانت بتديهولى لما بعوزه .. وهى  
دلوقتى سابتة ورامته هاتيه لعب بقى والنبي والنبي  
ياماما

الام: قولتلك امشى .. (فتحت وردت ) الو..

الو...

امير : (سمعت الصوت ! قلبى اتهم هزة .. لما صدق خلاص  
الى كان متأكد منه كمان

فضلت حمايتى تقول الو .. الو

لحد م قفلت الفون وانا مش حاسس

لما امتلكنى اليأس خلاص

بس عالناحية الثانية..

ماما فريده : (قفل امير) لا حول ولا قوة الا بالله

بتقلب فالفون..

بت يا الاء.. انتى اتصلتى بحد من موبايل اختك؟

الاء: انا (خافت وكذبت ) لا ياماما

الام: لا اهو متصلت بامير امبارح

الاء: انااا..

الام: ولا كلمت ! حسك عينك تمسكى الموبايل تانى

انتی سامعت

یلا روحی من وشى الساعه دى..

مشیت الاء وكانت زعلانت من طريقه مامتھا معاھا الى

مش فاهمت ھى لیه مرة واحدة اتغيرت كده!

بس ساعتھا مامت فريدة قالت فسرھا كلمتين صغيرين

وفاكرة ان مافیش حد سامعھا

"کویتى قلوبنا کلنا یابنتى"

لكن الخالّة کوثر كانت بتجيب حاجت من المطبخ

وسمعت ..ونزلت غصب عنها الدموع..

=====

حكاوى الكتب  
www.hakawelkotob.com

الجميل سرحان ف ایه ؟

ایمن : (ابتسم واخذ منها القهوة ) هالت ! لا ولا حاجت

هالت : لسه برردو بتفکر فموضوع امیر

ایمن: عارفت.. جملة وتفکر انها کملت حیاتى من

بعدى منه



وبعدھا قالی تبقی دکتور حمار

عارفہ ده معناه ایه ؟

هالت: معناه انه واحد قليل الادب ..ومجنون

ایمن: لا ..معناه انی بجد غبی

انا ازای مضکرتش فنقطه زی دی

هالت: نقطه ایه ؟

ایمن: احتمال جه فداغی لما بعد و اترددت فداغی

جملته دی، وعرفت فعلا ان حکمی کان صح من

البدایة

بس استنتاجی اخطئ فبدایته

هالت: المفروض تسببه بقى.. وتفكر فالمرضى بتوعك

ده واحد مستهتر ومش عایز یتعاون معاك

وقل ادبه عليك

ایمن: ده واحد مریض یا هالت ، ربنا قال لیس عالمریض

حرج

يعنى المفروض ماخداش ع كلامه

اوجع مرض فادنيا ..مرض النفس

هالتر: افهم من كلامك انك هتكمل معاه جلسات  
وعلاج؟

ايمن: لازم اكمل .. امير مرضه النفسى اتحدانى

وانا مش هرجع غير لما اعالجه بجد

هالتر: والله انا خايفه تتعدى منه يا ايمن

ايمن: ههههه اتجنن يعنى ؟

بس انتى مش هتسيبنى زي حبيبته وبعدها السع

هالتر: انا طول عمرى جمبك يا حبيبى

ايمن: ربنا يخليكى ليا يارب

=====

امير: مكنتش اعرف انى بحبها للدرجه دى

حامد: ازاي مكنتش تعرف يابنى ، ده كل الناس كانت

عارفه انك مجنون فريده

شادی: بس اختیاریا لنهایتہ حوارکم..

امیر: متقولش اختیاریا !! انا متأكد انها معملتش کده

شادی: اومال مین یا امیر ؟ یا امیر احنا عایزین مصلحتک

احنا اصحابک وخایزین علیک

هی واحده مجنونہ بالتمثیل والشهرة والافلام

والمسلسلات وانت عارف ده کویس

امیر: بس مش لدرجه...

حامد: لا یا امیر ، کلام شادی صح

فریده کنت کتیر بحس لما بقابلکم واتکلم معاها

.. انها بتحب تتقمص ای دور مش دورها

انا متأكد ان هی اختارت تعمل کده

یمکن عشان کانت دایماً جملة عایزة ابقى مشهورة

فیوم من الایام

لازقة فلسانها

امير: قصدك يعنى انها اتجنت مرة واحدة واختارت  
تعمل ده ؟ طب وليه

ده احنا كنا مبسوطين سوا

ده انا عمرى م زعلتها

عمرى م نيبتها متدايقه

مافيش حاجة طلبتها منى الا ونفذتها

فريده كانت دايمآ تقولى انت كل حاجة فحياتى

ليه تعمل معايا كده

ميلت فالارض وانا ببكى..

حامد: (بص لشادى ع ان يبطلو كلام فالموضوع ده بقى

( طب خلاص يا امير

الى حصل حصل

ودى حاجة مش بايدك

قوم

شوف دنيا جديدة ليك

افتح محلك

شوف حياتك

امير: (رديت وانا كللى حزن ) هى كانت حياتى

حامد: طيب يعنى كل مرة هنجياك فيها هتكون  
كده؟

شادى: ماهو يعنى مش هينفع يا امير .. الحياة مش هتقف  
ارحم نفسك

وارحم امك الغلبانة

وارحمنا يا اخى فعرضك

امير: والله انا مقولتش لحد فيكم يوقف حياته عشانى

حامد: شادى ميقتصدش يا امير .. احنا متدايقين عشانك  
امير: \_\_\_\_\_:

شادى: يلا بينا يا حامد..نبقى نجيله فوقت تانى

حامد: انا هاخذ الكتاب ده (بيمسك شمس المعارف)

امیر : لا ! متخدوش

حامد: بقولک ایه .. الی بتفکر فیه مش هیحصل  
والکتاب ده مش لازم یفضل معاک

امیر : (ساعتها وقفت قصاده مع انی عمری م کلمت حد  
منهم بحدۃ قبل کده)

انا عایزه یااحامد

حیاتی کلا متوقفه عالکتاب ده

شادی: انت شکاک اتجنتت خلاص .. حیاتک ایه  
المتوقفه علیه الزفت ده انت ناوی ع ایه

امیر: هی کلمت مش هتاخده یااحامد

حامد: یابنی ادم ده ممکن یأذیک ویأذی والدتک.. وع  
فکرة متصدقش کل حاجة فیه

عشان بجد متهریش منک

امیر: هی لسه هتهرب منی .. مبقتش عندی حاجة ازعل  
علیها یااحامد خلاص



حامد: وانا اسف يا امير مش هساعدك تكمل ع نفسك  
تدمير اكرت مانت تعبان

ويمكن الى انت فيه يكون هو السبب  
عشان انت قریت فيه من غير و تحسن نفسك بالایات  
الى ادتهالك

امير: بص لو اخدته ؟ انا هنزل اشتری واحد  
ومحدث هیرجعی عن الى عمله  
شادی: لاااااااا ده اتجنن رسمی .. انا نازل یاعم  
حامد: هتخسر یا امیر

امیر: مش اكرت من الى خسرت  
www.hakawelkotob.com  
نزلو وانا عارف انهم زعلو منی ..بس انا كان لازم  
احتفظ بالكتاب  
ده فيه حیاتی اوموتی!

=====



فريده: يوووووووه ع صحيانى كل يوم فالساعه دى  
 انا تعبت وزهقت بقى حياتى بقت متشقلبه عالآخر،  
 بصحى بليل ومش بروح الشغل  
 ومرة واحدة بنام  
 واحوالى متغيرة كثير .. ومش بشوف ماما ولا الاء  
 ولا امير بيزورنى  
 طب حتى لو كنا متخانقين ..دى اول مرة يعنى نتخانق  
 فيها المفروض مش يعاملنى كده  
 هو الموبايل بتاعى فين؟؟  
 اكيد هو اتصل بيا ..بس انا مسمعتوش لما كنت نايمه  
 فريده قامت تدور ع الموبايل، واستغربت اوى انها نامت  
 امبارح جمب تربيزة السفرا فالصالته!!  
 منامتش ع سريرها  
 وهى بتدور .. اتفتح تانى باب الشقه

فريده رجليها اتخبطو فبعض، وجريت تانى لنفس  
المكان تستخبي فيه

بس المرة دى كان فيه خطوات رجلين لناس كتير  
اكثر من شخص يعنى

وصوت حاجات بتتحط وبتتشال

هى كانت خايضه تطلع تشوف ايه الى بيحصل .. وبقت  
مصدقة اوى

ان ممكن يكون البيت فعلا بقى مسكون ولا حاجه  
وساعتها هى مش عارفه هتتصرف ازاي

ويمكن العفاريه هما السبب فشقلبه حالها ده!  
تكون ملبوسه مثلا ؟!

هى فكرت كده .. بس ياترى تفكيرها ده منطقى ولا  
حقيقى

ولا هو فعلا كده

=====

الام: الجو ابتد يبرد يا اسماء.. اقفل الشيش يابنتي

اسماء: طبعاً يا خالتي .. قربنا ندخل ع شهر 11

خلاص الشتاء دخل

الام: ليه هو انهارة كام ؟

اسماء: انهارة.. 28/10 يا خالتي

وانا من جوه !! كنت بقرا فكتاب شمس  
المعارف.. ومعرفش سرحت ف ايه وسمعتهم

امير: 28/10!

عيد ميلاد فريدة

ازاي انسى .. زمانها زعلانتي مني دلوقت

لازم اقوم واروح لها

قمت من مكاني ورحت اطلع من الدولاب.. اجمل تي

شيرت جبته فحياتي

واول بس ما مسكته،، رجع بيا الزمن لاجمل يوم

ميتنسيش!

شادی: واد یا امیر!

امیر: ایوة یاض

شادی: انت فین یاباشا

امیر: فالمل بتاعی هکون فین یعنی ؟ وبعدين انت  
قطعت ترکیزی کنت بکتاب حتہ فالروایتہ الجدیة  
عایز ایه

شاده: روایتہ مین یا عبیط.. قوم اركب ای حاجتہ  
وتعالی ع مول ... عایزک بسرررعه  
امیر: شوف ابن الجزمتہ بقوله بکتاب حاجتہ یقولی  
تعالی المول  
حد قالک عایز اشتری حاجتہ

شادی: یاعم خف زفارة لسانک دی وتعالی متحرقرش  
المضجاة..

امیر: فیه ایه یعنی ؟

شادی: هتدعیلی بس تعالی



خدت بعضى وقفلت محل الورد الى حيلتى .. ورحت  
لشادى اشوف عايزنى ليه

امير: نعم !! ادينى جيت ودبيت مشاور ابن كلب  
شادى: البت الموزة الى انت بتحكيلى عنها ع طول  
بتاعت الخروب طيب

امير: فريدة

شادى: بتاعت الانترفيو التمثيل..

امير: ايوة هى فريدة .. مالها

شادى: بتشتغل هنا فمحل الملابس الشبابى .. فالمول ده  
شوفتها واتصلت بيك

يلا بقى يا معلم عشان يمكن المرة دى تاخد رقمها ولا  
حاجة

امير: بجد .. (بيبوسه ) صاحبى يا شادى

صاحبى صاحبى يعنى

شادى: طب يلا بينا اعمل نفسك بتشتري حاجة

لفينا وقعدنا نعمل نفسنا بنتفرج .. واول م شوقتها  
اتشليت مكاني

وهو يا جدعان حد قدام العيون دى يعرف يتكلم ولا  
يتحرك!!

فيه كده يا ناس

المهم اشتريت تى شيرت ورايح ناحيتها لاقيت فيه واحد  
من الزباين بيستخف دمه عليها

ولاقيته زعقت مرة واحدة

والواد قل ادبه بزيادة عليها

وانا دخلت بقى شجيع السيماء

امير: فيه حاجة يا انسة ؟

فريدة: الاستاذ بيقل ادبه عليا وبيقولى رقمى فوسط

الفلوس قال

الشاب: وانت مال امك

امير: مال امى .. الحق



فريدة: يا فندم الشاب ده جه وغلس عليا وهما..

المدير: وهما بوظولى المحل مش كده .. باقى حسابك  
كام

فريدة: يافندم...

المدير: اخلصى ..خدى (رمالها الفلوس) يلا مع السلامة

ماشوفش وشك تانى ف اى محل فالمول

يلا ناقصين مشاكل وناس همج شوارعيه

كان الامن طلعا احنا ال 3 برة المول

وهى طلعت ورايا متترفة

فريدة: هو انا قولتلك تعالى دافع عنى ؟ حرام عليك

ياشيخ قطعت اكل عيشى

امير : (كنت متعور عند شفايفى وبنزل دم ) انا فكرت

اساعدك

وبعدين انا محبش حد يكلمك كده

شادی: انت متعور یا صاحبی .. استنی اروح اجیب قطن  
ومیکرکروم من الصیدلیه

فریده: وانت مالک حد یکلمنی ولا میکلنیش طیب؟  
انت داخلک ایه

امیر: داخلی انی بحبک!!

فریده: ایه ؟ بحبک ؟ بحبک کده عادی

امیر: ایوة عادی.. زی ماباکل زی م بشرب

بحبک

جزء اساسی فحیاتی حبک من یوم م وقعتی واغمی

علیکى وفوئتک

حكاوي الكتب  
www.hakawelkotob.com

وانا مش ناسیکى

فریده: انت تعرفنی ؟ تعرف ظروفی شکلها ایه ؟

امیر: هعرف.. وبرضو هحبک

فریده: (استهزئت بکلامی وضربت کف ع کف ) انت

اکید مبلغ حاجت

## فريدة:

(مسکت ایدها للتعارف.. بس انا کنت بتلکک)

انا امير

## 27 سنت

## عندی محل ورد

## ووزنی 75 کیلو!

فريدة: ههههههههههه اسمك امير .. امير الجنان

انت طلعتی منین بس

## امیر: متخافیش.. هجیلاک شغل

## وهنابقى سوا

ومش هسیبک من هنا ورايح ابدآ

**فريدة: وانت حكمت خلاص اننا هنتقى سوا**



امير: انا مش حكمت .. انا حلمت

وربنا هيحقق حلمي

.....

10 دقائق سرحان .. ورحت لدنيته

وبعدين افتكرت .. ولبست بسرعه عشان متأخرش..

نزلت

ورocht لمحل الذهب

جبتها دلایة عليها الحرف بتاعی

اصل هي فمرة كنا خارجين سوا وبناكل درة مشوی..

بصت ع محل الذهب وقولتها نضك ف ايه ؟

www.hakawelkotob.com

قالتلى دلایة ذهب عليها حرفك

قولتها طب سلسلة وفيها الدلايه.. قالتلى لا الدلايه

دلوقت

والسلسلة بعد الجواز

بس هي مشيت وسابتني واختارت البعد من قبل ه اجيبها

انا انهاردة هجيبها لها واروحها عشان تسامحنى

وفعلا اشترتها

واستنتها فالمكان بتاعنا ... ولما اتأخرت!

اتصلت بفونها

لاقيته مقفول

وخلاص اتأكدت انها مش جايت..

مشيت وسكاكين بتقطع فقلبى ..بتقولى الحقيقة الى

مش عايز افوق عليها

مجروح قلبى يارب

مشيت ومشيت ومشيت

ولاقيتنى رايح برجلي لمكان مكنتش اتوقع

انى اروحه!!

ودخلت المكان وانا متردد..

:\_\_اسم حضرتك ايه

امیر: امیر

\_\_\_اوک افضل استریح

وجہ دوری

\_\_\_استاذ امیر .. افضل

خبطت ع الباب وفتح تحت .. قبل م يتكلم سبقته:.

امیر: مکنتش تتوقع انی اجیاکک صھ ؟ بس جیت

عشان تعبت

ایمن: کنت متفاجئ لما قالتلى البنت انک برہ، طب

ادخل .. ادخل

دخلت وقعدت معاه .. الدکتور ایمن!!

www.hakawelkotob.com

غریبہ صھ

ازای اروحلہ وانا لسه طرده اکثر من مرہ

بس انا تعبت.. ونفسی ارتاح

وهو قال هيساعدنى

افتکرت عنوانہ فالکارت الی حطہ فاجندتی لما  
فتحها اول مرة .. العنوان الی تقریبا حفظته

عشان کنت عارف انی هروحله فیوم من الایام!

ایمن: ازیك یا امیر ؟

امیر: تعبان!

ایمن: انت الی تابع نفسک، لو تتکلم معایا واقدر  
اساعدک

امیر: انا جیت بس عشان انت قلت انا هساعدک

وفعلا محدش من الی حوالیا قادر یساعدنی

ایمن: یعنی انت بجد تعبان بسبب بنت ؟

امیر: بسبب روح کانت ساکنۃ روحی وسابتها

ایمن: مہمم طیب معظم الناس بتسیب وبتفضل فعلاقات

محدش بیعمل زیك

امیر: مقدرش اقول انها فشلت .. لانها مضلتش

مع ان هی اختارت لیها نہایتۃ فاشلۃ قدام کل الناس

ومقدرش اقول سيبنا بعض لانی مسبتهاش

هی الی سابتنی

ایمن: طیب مدام بتحبها کده .. م تحاول تصالحها؟

وترجعو

وتبقى احسن

امیر: وان کان فیه شئ یعجزک عن کده

ایمن: فهمتک.. الکرامت مش کده

کان قایم یحط شریط کاسیت عشان یبتدی الجاسه

وفجأته بالاجابة!!

امیر: فیه شئ اقوی من الکرامت!

ایمن: ایه هو ؟

امیر: الموت!!!!

## الحلقه 6

=====

ایمن: طیب مدام بتحبها كده .. م تحاول تصالحها؟

وترجعو

وتبقى احسن

امیر: وان كان فيه بيعجز عن كده

ایمن: فهمتک.. الکرامتہ مش كده

كان قايه يحط شريط كاسيت عشان يبتدى الجلسه

وفجأته بالاجابة!!

امیر: فيه شئ اقوى من الکرامتہ!

ایمن: ايه هو ؟

امیر: الموت!!!!

الدكتور ایمن..ساب من ايده الشريط الى كان بيحطه

.. وقعد عالكرسى الى قدامى مش ع مكتبه



ایمن: کنت حاسس ! استنتاجی عمره و اخطئ، البنت  
الی بتحبها ماتت  
مش کده ؟

انا حسيت .. لان لا يمكن تكون يدوب علاقه حب او ارتباط ويكون ده رد فعلك لما تسيبو بعض!

==--==--==--==--==--==--==--==--==--==--==--

لاااااا بقى لازم اعرف ايه الى بيحصل ده كله معايا..

## فريدة : كانت بجد مش فاهمة هي ليه بيحصل معاها

کده .. احلام مزعجه ..وبتشوف ناس بتصرخ

www.hakawalkotob.com **وحد بعيط بحرقه**

## بس هی متعرفش ایه سبب الاحلام دی

**ولا عارفه بردو ايه الاصوات الی بتسمعها فشقتهم دی ..**

## کانت معندهاش ای اجابتِ غیرِ انها تروح اخيراً لمامتھا

## عند خالتها

وتسألها

=====

امير: انتحرت!!

ايمن: حبيبتك انتحرت؟

امير: حتى الموت استكترها عليا واخذها مني ، وهي  
استكترت نفسها عليا واختارت الموت وسابتني  
كنت هبتدي اعيط لاني مبحبش اصدو نفسي  
بالحقيقة دي

كان دكتور ايمن مقاطعني..

ايمن: لا من البداية وواحدة واحدة تحكيلى كل  
حاجة عن علاقتكم من بدايتها .. لغاية انتحرت!

امير: (ميلت فالارض والدموع مش شايف منها ) هي كل  
حاجة واغلى حاجة يا دكتور

كانت فرحتي ودنيتي وكل الناس هي

انا مش عارف اعيش

انا دلوقتی هقولک انا وهی کنا عاملین ازای  
وانت تحکم

ان کان فعلا اقدر اعیش من بعدها ولا لا ؟  
او زی مانت بتقول کایت عادیت وفشلت واقدر اکمل  
عادی زی کل الی کملو  
ایمن: وانا مش هستقبل جلسات بعدک حتی لو جلستک  
طولت عن معادها، المهم  
انت انهاردة!!

=====

الشقه كانت فاضية .. ومش فيها غير ماما فريدة  
وخالتها كانت بتوزع شغل الخياطة الی هی بتشتغله  
فالبیت وبتعمله للحبایب والجیران  
واهی بتطلع بقرشین یساعدو عالمعیشه  
الخالة کوثر: سلام علیکم یازینب!  
الام: وعلیکم السلام (راسها مطاطیه فالی قدامها)

الخالة كوثر: ايه ده !! (شميتى الريحه دى ؟

الام: ريحة ايه ؟

الخالة كوثر: ريحة فريدة .. فالمكان

الام: (بسرحان ) من اول م صحيت وانا شماها..

الخالة كوثر: مالك يام فريدة ! بس

الام: معرفش قاطعة فيا فريدة اوى انهاردة .. الواد امير

الى كان خطيبها لسه بيتصل بيها لحد دلوقت

مش مصدق الى حصل

الخالة كوثر: (وطت راسها بحزن فالارض) ومين يصدق

يا زينب.. فريدة كانت وردتنا وفجأة الوردة انطفت!

الام: (بتعيط بحرقة ) الله يسامحك يابنتى

الله يسامحك ع الى انتى عملتية فينا ده

الخالة كوثر: متقوليش كده يا زينب واطلبها

الرحمة..

الام: ربنا یرحمک یابنتی ..ویارب متکونی من اهل  
النار عالی عملتیه

طول عمرک کنتی بتصلی وتصومی  
وجیتی فالآخر ضیعتی کل حاجة وغضبتی ربک  
وحرقتی قلب امک

الخالتة کوثر: صلی عالنبی ووحدی الله بس..  
الام: منین اجیب الصبر یاناس.. لا اله الا الله

-----

ایمن: موضوعکم جه بسرعه یعنی ؟  
امیر: بص ..انا طول الوقت کنت بحلم بفتاة احلامی زی  
زی ای شاب.  
www.hakawelkotob.com

وعشان انا بقرا کتیر وبالف قصص زی مانت شوفت  
ایمن: اها

امیر : اول م شوفت فريدة !! حسیت انها ترجمه لكل  
بطلات رواياتی الى تخيلاتهم

نفس الملامح

نفس الشخصية

نفس بصرة العيون

وكانى كنت بحكى عنها فكل مرة

عشان كده حبيتها .. حبيتها وكانت كل الحب هى

ايمن: وبعدين..

امير: فريدة كانت بتحب التمثيل، بتعرف تمثّل وعندها

الموهبة وانا عارف

متنساش ان مرة من مرات لقانا شوفتها ف انترفيو تمثيل

هى اتقبلت

حكاوي الكتب  
www.hakawelkotob.com

وانا اترفضت .. وقالولى انى لازم اركز افكارى عن

كده .. عشان القصة تبقى ملموسة وواقعية

ايمن: فاخترت تكمل مع فريدة عشان تعرف تكتب

واقع انت عايشه

امير: فريدة!



فريدة كانت دنيا وحياء وفرحة معشتهاش

كانت اقل حاجة بتفرحنا سوا

واى حاجة بينا مش بنخبها ع بعض

عمرنا م اتخانقنا .. وعمرنا م اتخاصمنا يوم!

هى بس حكاية التمثيل كانت شاغلة دماغها طول

الوقت .. و كان نفسها حد يكتشفها

ايمن: لحد دلوقتى انا شايف انها انسانة سوية جدا ،

مافيش مبشرا لانسانة غريبة الاطوار عشان تنتحر

امير: انا كمان مش مصدق انها اتنحرت .. فريدة عمرها

م تعمل كده

عمر م تختار نهاية علاقتنا تكون كده

ايمن: اومال؟

امير: فريدة كانت بتحب تتقمص الادوار .. يعنى كل م

دور يعجبها فضيلم

تقلده معايا وبقی عارف انها بتعمل كده زى فنانه  
معينه او حاجه وبعديها

قلت يا واد حتى حلمها هتقف قدامه

خليها تحلم ع اداها

ايمن: لا مش فاهم معاش.. يعنى ايه تتقمص الادوار؟

امير: يعنى مثلا شافت فيلم عن الخيانة..تعمل زى م  
كانت بتعمل البطلة مع البطل بالظبط

كنت فين

ورحت فين

والساعه كام

وايه الشرايه دى..كانت مجنونه حبيتين بس انا كنت  
بحبها بكل تفاصيلها

وبتيجى فنص الحوار تدلق بقى..

انا شفت فيلم الفلانى وحاسته ان دورها متمكنى اوى  
انهارده

ايمن: وبعدين

دكتور ايمن كان بيكتب حجات غريبة فورقة  
محطوطه جمبه عالمكتب..

بس انا كملت كلامى لانى كنت لازم اتكلم بقى..

-----

وفعلا ،، مشيت فريدة

وراحت عند مامتها وخالتها

الباب كان مفتوح كالعاده لان الاء كانت سايباه عشان  
بتلعب فالشارع

ومامتها حركتها بطيئة وتقبله مش كل شوية هتقوم  
تفتحها

دخلت فريدة وهى متدايقه لاقت مامتها قاعده فالصالة  
.. وبتشغل بلوفر بالتريكو

الخالة كوثر: وانا جايت عديت ع الحج صلاح وادانى  
فلوس الايجار بتاع الشهر

الام: يوشكر كتر خيرہ

الخالتہ كوثر: اقوم اعمالك حاجتہ تشرېھا..

قامت خالت فريده للمطبخ ..وسابت ماما فريده لوحدها

فالصالتہ

ومرة واحدة دخلت فريده من الباب....

فريده: ماما ، انا مكنتش هاجى ع فكرة وعارفتہ

انكم من بدرى هنا وساييبنى

بس انا بجد اتخنقت من اسلوبك ده

يعنى سيبانى ومقولتيش

واخذتى اختى الاء

وكمان معرفتنيش ان البيت مسكون!

ماما فريده : (سابت الابرة مرة واحدة من ايدها ) ياترى

ظالمينك ولا ظلمتى نفسك يابنتى!

فريده: ماما كلمينى وردى ع اسئلتى لو سمحتى!

بيتنا مسكون صح ؟

ماما فريدة : ساكته (ومش بترد ورجعت مسكت الابر  
تانى وكملت شغل وعيونها مليانة بالدموع

فريدة: يعنى مش عايزة تردى ؟ عشان كلامى صح

الخالة كوثر: عملت كوبايتين شاي زى الفل اهم

فريدة: خالتى !! خالتى قولى لماما ترجع معايا

الام: بقولك ايه يا كوثر .. كنت عايزة اطلب منك  
طلب

الخالة: عينى ياختى اؤمرى

الام: كنت عايزة اروح اشوف فريدة دلوقتى

كنت مستنياكى من بدرى عشان نروحها لما تفضى

فريدة واقفتة قدامهم .. وهما الاتنين قاعدين

عالكراسى الى فتريزة الصالته..

فريدة: تروحولى فين انا هنا!!

محدث بيرد عليا ليه ؟

وبعدين حتى انتى يا خالتى مش راضيه تكلمينى ؟

الخالۃ کوثر: ھنروح دلوقتی یا زینب؟ اللیل دخل  
 یاختی، خلیھا الصبح  
 الام: (مسحت دموعھا) حلمت بیھا عایزانا یاختی .. معلش  
 نروح ونیجی بسرعه  
 بس مسیbish بنتی عایزانا واقف واسکت وانفذش طلبھا  
 فریده: انتو بتتکلمو کده لیه ؟؟ هتجولی ازای وانا  
 واقضۃ بینکم اھو  
 وبعدين حلمتی ده ایه .. انا مش لاقیه الضون بتاعی  
 عشان اکلمک حتی!  
 انتو محدش بیرد علیا لیه  
 طب انا هنا اھو اشوف هتروحولی الشقه هتلاقو مین  
 هناك  
 الخالۃ کوثر: طب ھنجیب الاء معانا ؟



## اختها فین

من يومها

**الخالتا كوثر: خلاص يا ختي استهدى بالله .. غيری  
انتی هدومك ع بال م انا انزل اشوف عربيت تودينا  
فريدة: ايه الناس الى مش معبرانی دی .. یاناس ردو  
علیا**

=====

## امیر: قبل... قبل ما..

**ایمن: کمل کمل من غیر م تقولها مدا صعبت علیک**

**امير: قبالها بيوم.. اخر مرة شوفتها فيها**

## کنا سوا

مع بعض

## کنت نفسها تدخل سینما ودتها

وافتکرت کل حاجتہ فالیوم دہ بالظبط..ورحت  
لبعیییید کانه حاصل دلوقتی.

فريدة: تعرف يا امیر؟

امیر: نعم

فريدة: انت الوحيد الى عملتلى كل حاجتہ كان نفسى  
فيها ، انا كنت طول عمرى هموت وادخل سينما زى دعاء  
لما اهلها بيدخلوها

امیر: حبيبته قلبى انا والله لو بايدي اشتريلك الدنيا  
واعملك كل الى نفسك فيه ..بس انتى عارفت ظروفى

فريدة: حبيبى انا عارفه ..انا بس بقولك

وبعدين انا عمرى م كان نفسى فصيلا وعربيه وشاليه

انا نفسى بس نبقى سوا

ومنسيبش بعض ابدأ

امیر: وبس ؟! مافيش حاجتہ تانيه نفسك فيها ؟

فريدة: هههه متكسفنيش بقى مانت عارف

امیر: ده انا حفظتها مش عارف وبس هههههههه

فريده: نفسي والله يا امير.. ابقى مشهورة وكل مصر  
تحكى عنى

امير: وبعدها ممكن متعرفنيش تانى وتقولى طلقنى يا  
صلوك!

فريده: لالا لالا لا ده انت حبيبى هنكبر سوا ونشتهر سوا  
انا عمرى م انسى اول واحد حسنى بانى غالية ومسح  
دمعتى بايدى

امير: من بعد كده مافيش دموع ان شاء الله، عايز  
اقولك ع مفاجأة  
فريده: قول!

امير: بصى الفلوس كلها الى انا محوشها معاكى ..  
هاخذها وافتح مشروع انا والواد شادى وحامد  
فريده: ( اتغيرت وسابت ايدى ) بس الفلوس دى عشان  
جوازنا يا امير

امير: ماهو يا حبيبتي المشروع ده جمب محل الورد بتاعى  
، عشان ظروفنا تتحسن عن كده

مانا مش هخليكى تشتغلى بعد الجواز طبعاً

فريدة: (بعصبية) وهو ايه المشروع بقى

امير: ومالك متعصبته ليه ؟

فريدة: مش متعصبه ولا حاجه

امير: لا فيه ايه اتغيرتى وشيلتى ايدك ؟

فريدة: اولاً مشروع يعنى لسه وقت وفلوس واحنا مصدقنا

حوشنا مبلغ عشان نتجوز فشقه بالايجار ونجيب العضش

يعنى لسه هستنى تانى اكرت مانا مستنيه يا امير

www.hakawelkotob.com

انا زهقت بقى

امير: ليه بتحسبها من هنا يعنى .. ليه مش فاهمة

وبضطرينى احس انك غبية!!

فريدة: انا غبية يا امير ؟ طيب

ابقى شوف الذكيتة الى تفضل معاك!

.....

ایمن: وسابتک ومشیت؟

امیر: ومرضیتش ترد علیا لما کلمتها بلیل..کنا اول مرة  
نتخاق من ساعه ارتباطنا

والخناق هایفه یعنی مش مستاهلہ

ایمن: وبعدين ؟

امیر: تانی یوم.. انا ک..ک کنت رایح اصالحها تانی  
(بعد م دموعی نشفت رجعت تانی تنزل لانی افترت  
کل حاجتہ .واصعب حاجتہ ممکن افترها  
ومتروخش من بالی ابدآ) .

www.hakawelkotob.com

فريدة: انا بکلمکم هنا وانتو مش بتسمعونى لىييه

الام: يلا بينا يا كوثر

الخالة كوثر: تعالى اسندک لحد م تنزلى عالسلم

الام: لا انا هنزل واحدة واحدة .. روحى انتى وانا  
هحاصلك

فريدة: ياماماااااا مش كده!

ردى عليهااااا

نزلو وركبو العربيت وركبت جمبهم فريدة

بتحاول تكلمهم ويردو مش بيردو!

وفجأة وقفت العربيت .. عند المقابر!

نزلو مامت فريدة وخالتها .. وهما بيتسندو ع بعض

وفريدة نازلت معاهم .. مبرئت عنيا وجسمها اترعش مش

مصدقهما جاين هنا ليه

شغاله تلف حوالين نفسها

من كل حته بتحاوطها القبور

منظر مخيف خصوصاً بليل

فريدة شغالت تمسك فشرها وتستغرب وماشيت وراهم

تكلمهم وهما مش بيردو عليها..



=====

امير: (بيعط بحرقة ) قعدت ... قعدت تقول نفسى ابقى  
حاجت مشهورة وكل الناس تتكلم عنى  
بقت مشهورة والناس اتكلمت عليها

فريدة البنت الى اتكلمت عنها كل الجرايد  
والاخبار..الى انتحرت فظروف غامضة يادكتور!!  
ايمن: هى دى ؟ ايوة طبعا فاكر الحدث ده  
كانت مضروبة بسكينه فقلبها تقريبا وملاقوش  
بصمات غير بصماتها

هى فالشقه كلاها و ع السكينه ومحدث كان دخل او  
خرج من البيت اساسا

واتقفل المحضر ع انها انتحرت

امير: انا رحت ... رحت

ايمن: اهدى ومتبكيش ( جابلى مناديل)

امير: رحت اصالحها وجايلها ورد من عندى .. لاقتها

لاقتها غرقانة دم وواقعه جنب تربيزة السفرا بتاعتهم

وبوليس مالى الشقه

وناس كثير

وامها قاعده عند راسها وبتعيط

سألت فيه ايه ؟ فيه ايه محدش بيرد عليا

وكشفت الغطا الى عالجت

لاقتها فريدة

-----

الام: اقربها الفاتحه يا كوثر واطلبيلها الرحمه

فريدة ..جت جنبهم قرت مكتوب عالشاهد الى واقفين  
عنده!

"هنا قبر المرحومة فريدة نصر الدين عادل"

ولدت عام .... توفيت عام....

فريدة قعدت ببطئ جنب القبر وحضنت نفسها اوى وهى  
بتعيط بهستريا جامدة وسانها بتخبط فبعض!!

فريده: ده اسمى الى عالقبر..! انا ميتة!

انا ميتة

وفجأة جرحها فقلبها بدأ ينزف دم ورا بعض

واقترت الحلم دلوقتى الى بتشوفه كل يوم.. بصورة

واضحة

امير: اصحى يابت بلاش سلبطه

هى : \_\_\_\_\_

هو : على فكره استعباط مبحبش ، انتى عايزه تعرفى

غلاوتك عندى اد ايه يعنى ولا ايه ، قومى بقى بلاش

دلع!!

حكاوي الكتب  
www.hakawelkotob.com

هى : \_\_\_\_\_

"كل الى حواليه بقالهم سآعه بيحاولوا يقنعوه ان فيه

واحدة ميتة بس هومش مصدق"

امير

طب بصى الدبدوب الى كنتى هتموتى عليه  
جيبتهولك اهو قومى شوفيه بلاش رخامه ،

انتى مش بتردى عليا ليه ؟؟

، طب فتحى عينيكى لو سمعانى ، طب حركى  
ايديكى

حبيبتى انتى عارفه انى ماقدرش اعيش من غيرك ،  
وبعدين احنا اتفقنا مش هنسيب بعض وانتى عايزه  
تندلى معايا ، قووووومى بقى\_

طب قومى وانا والله عمرى ماهزعلك ، هعمل كل الى  
انتى عايزاه ، مش هعمل المشروع الى مدايقك وهنتجوز  
بالفلوس ، (': " "

حكاوي الكتب  
www.hakawelkotob.com

:يابنى حرام عليك الى بتعمله فى نفسك وفينا ده  
ماتعذبهاش وتعذب نفسك وتعذبنا ادعيها بالرحمه  
"امى ساعتها كانت بتقوله

هو : انتى ليه بتقولى كده هى مماتتش والله هى بس  
مغمى عليها ، هتقووم دلوقتى وتبقى زى الفل~

"بدأت الدموع تنزل من عينيه وهو بيتكلم"

هو : حبيبتى قومى بقى قلبى وجعنى واللّه مش قادر  
استحمل

هو : انا مش مجنووون انتوا بتعملوا معايا كده ليه ، هى  
هتقووووم دلوقتى

وتمشى معايا ، انتوا مش فاهمين حاآجه انا وهى اتفقنا  
على كل حاجه فى

حياتنا ، اتفقنا على فرحنا هيكون فين ، ولادنا  
هنسميهم ايه ، كل تفاصيل حياتنا راسمينها مع بعض ،  
بعد كل ده تيجوا تقولوا انها هتسيبنى ، هى بس تعبانه  
شويه وحتقوم دلوقتى ، حبيبتى قوومى ابوس ايديكى  
مش قادر اتكلم مش قادر اخده قومى بقى ، مين هياخد  
باله منى طيب ما انتى عارفه ومش بعرف اعمل حاجه  
من غيرك قووووومى ماتسيبينيش ، ماتمووتيينيش  
حرام انا مش هعيش فى الدنيا دى من غيرك  
ياخد راسها على صدره ويصرخ





امير: (بدأت اترعش لما افتكرت منظر فريدة وهى  
مرمية قدامى ) اكيد دى مش حاجة عشان تنتحر  
عشانها

ايمن: (بيزعق وبينادي عالنيرس الى برة ) انتى يابنت  
يا للى برة!!

[illegible]

**ایمن: (ماسکه و بیهدیه ) مصدقک بس اهدی طیب**

## وطلبتهای منی

**ومجاتش!**

## تصدق مجاّتش..ونسیت عید میلادها فکرائی هنساها

**ایمن: یا بنی ادمه یلا!!**

## النيرس: افضل يا دكتور

**بتديلة الحقنه .. كنت انا انتابتني حالة غريبة من**

## التشنج والعصبية ووقعت من عاكس الكرسى واخبطت ..

**وبعدها عيوني بدآو ينزلو واحدة واحدة ... لحد م بقت**

**الشاشة قدامى سوداااا**

الحلقه 7

=====

ابتدیت ادوخ یا امیر...

متخافیش یا فریده انا ماسکک اهو وبعیدن الشراع  
مفروود یعنی مش هنغرق!

کنت مبسوط اوی اوی ، انا و فریده

فمركب شراعیته

لوحدا

ده حتی المركبى ادتيله قرشین عشان یسیبنا لوحدا  
بقی:) ..

هی کل م تخاف ، کانت تحضننى اووووووی .. وانا

کنت بمشی بالمقداف اکثر فالمیته عشان هی

تمسکنی اکثر



**فريدة: ههههههههه يا اخي بطل هزار**

## وانا قاعد شغال اغيظها واقول

ياسلااااااااااااا!

## احساس فوق الخيال

الله الله الله

## فریدہ: ایہ یعنی بہتحمسینی اچی اعمال زیك

**امیر: واللہ انا قولتک وانتی حرة!**

**بس هی مقدرتش وجت ! جت فحضنی واحنا الاتنین  
بنص لاسما وینشاور عالنجوم**

## وعالطيور

وصوت المیا

وریحہ الہوا

یااااااااااااااااااااا

امیر: یاریت بفضل طول عمرنا قاعیدن کدہ فحضن

بعض، ناسیین العالم

والساعہ توقف و متمشیش..

والساعہ توقف و متمشیش

توقف و متمشییش..

امیر ... امیر!!

فوقت !! لاقتہ کان حلم:)

بس یاریتہ کان طول وفضلت حاسس انه حقیقتہ

..وکان سابنی الدکتور ایمن جایب سیرتک یافریدہ

مع قلبی > 3

ایمن: صباح الخیر



امیر: (قمت من ع سریر شکله فاوضتہ کویستہ کده )  
انا فین ؟!

ایمن: انت فالمصحة بتاعتی..

امیر: مصحه؟

ایمن: انت امبارح فالجلستہ معاایا کنت تعبان جدآ  
وجاتلک حالتہ هیاج وتشنجات .. وکان لازم تبات هنا  
تحت ملاحظتی

امیر: (قمت وشیلت الغطا ) بس انا ہمشی

انا مش هقعد فمصححات!

مش عشان جیتلک وقررت احکیلک ..تعاملنی ع انی  
مریض ومجنون وتحجزنی فمصححه کمان!

ایمن: انت تعبت جدآ بلیل ومکانش ینفع انک تروح،  
ادیتک حقنۃ مہدئۃ ونمت کان لازم احجزک لحد م  
اطمن علیک

امیر: (بلبس الشوز ) وانا تمام دلوقتی کویس جدآ

ایمن: مش معقول الی انتی بتعمله ده یا امیر... انا خلاص  
کنت قربت المس زوایا علاجک

لیه کل م بحاول اوصل

انتی بترجعی لورا ؟

امیر: بص ! انا عایز اقولک ع حاجت .. کل حاجت  
بتحصل بمزاجی

یعنی اجیاک وقت مانا اعوز

واحکی الی انا عایزه

وممكن افضل صفحة علاجک دی بالمره .. لانی  
ببساطه انا مش مستنی حاجت من الدنيا عشان اتعالج  
عشانها:/

ایمن: (هز راسه ) اوک زی م تحب

امیر: انا همشی .. بس لو سمحت متعرفش حد من البيت  
عندی بجلسه امبارح

ایمن: اوک

خلاص كنت طالع من الاودة وخارج ع برة..

ايمن: مش هتحكيلي الحلم الى فيه فريدة!!

رجعته تانى وبصيته ، يستحيل اتصور انه يطلع دكتور  
غبي يعنى

وشكلت مش هيستسلم!!

-----

يابنتى هو يااما انتى عند اختك يااما قاعدة لوحك  
؟ مش كده يابنتى!

دعاء كانت لسه جايه من شغلها .. يدوب غيرت وقعدت  
فاوضتها وقفلت ع نفسها بال 3 ساعات من غير ه حتى  
تطلع مرة .. تشرب كوبايه ميتة!

دعاء: معلىش سيبينى يااما انا مرتاحه كده

مامت دعاء: طيب يابنتى .. ع كيفك ( خرجت وسابتها )

دعاء كانت ماسكتة وردة لونها احمر محطوطه فوسط  
كتاب وناشفه.

مسحت دمه من عيونها وفضلت باصة للوردة كأنها  
بتعرض لها اليوم بالتفصيل

الى جت فيه عندها..وبقت ملكها.

فريدة: بصى .. انا معرفش هو بجد بيحبني ! ولازى  
الولاد الى بيقدو يقربو للبنت عشان يوصلو لحاجة  
معينه

وبعدين يسيبوها

دعاء: اصلا يابنتى هو لو عايز حاجة من الى بالك فيها  
، كان عملها وخلص من زمان

مش هيقعد بقى متابعك

حكاوي الكتب  
www.hakawelkotob.com

فالمواصلات

وفالمحل الى كنتى شغاله فيه

ويجيبك شغل كمان

وانهارة يجيبك وردة!!

ايوة ياعم يسهل ووووووووو

فريده: هو مجبهاليش بالظبط يعنى ☺

دعاء: اومال بعته فجواب ؟

فريده: متريقيش يا دعاء انا بتكلم جد.. بعته مع

شادي صاحبه عشان هو بيشتغل قدام المكتبه

من المحل بتاعه

وقالى لو بايد يبعثك بوكيت .. بس هو قال يصبح

عليكى بورده انهارده!

دعاء: بس انتى قولتى انك فمرة قابليه عشان الشغل

لما كان جايبهولك .. يعنى هو كمان حاسس انك

بتبادليه نفس الشعور):

فريده: بس والله م قلت حاجه لحد دلوقتى!

دعاء: ماشى يابنتى مقصدش .. بس يعنى اكيد هو

حاسس انك بتحبيه

فريده : بحبه (سرحت)

دعاء: ايوة ^\_^ اومال السرحان الى ع طول

وکلامک عنہ الکتیر

ولازم تیجی تدينی التقرير قبل م تروحي کل يوم  
يبقی اسمہ ايه

فريدة: ده..ده عايز يخطبني يادعاء >3

بس هو لسه ميعرفش عنى كل حاجة

دعاء: هيعرف، وبعدين انتى مافيش حاجة تعيبك ولا  
تعيب اخلاقك

وكون ان باباكي سافر ومن ساعتها سايبكم دى حاجة  
انتى مالكيش ذنب فيها

فريدة: بس ..انا فقيرة

وحالتى ع ادها

وامى تعبانه

دعاء:كل ده كلام عاادى ..وايه يعنى

كلنا عندنا ظروف ..بس بتختلف

اهم حاجة انه شاريكى



لازم تمسکی فیہ بایدیکی وسانک

فریدہ: انا حاستہ انی بجد.. بحبہ خالص^\_^

دعاء: سیبی نفسک وحبیہ وزی ماتیجی تیجی، یاختی  
علاقل انتی دایماً تتحبی کدہ

مش عاملتہ زیی

محدث بیسأل فیا

خالص

فریدہ: ہہہہہ بتغیری یابت ولا ایہ ؟

دعاء: ہہہہ بغير خالص .. یعنی انا شغالتہ البس واعمل

فنفسی ومافیش حد بیعبرنی  
وانتی بتلبسی لبس عادى وموضہ قدیمتہ  
www.hakawelkotob.com

ومع ذلک بتتشافی یا مضروبہ

فریدہ: طب بصی انا ہدیلک الوردہ دی عشان انا وانتی

واحد .. ولازم افرحک زی م فرحت

## انا بهزر معاکی یابت

هو انا غيرانه من الوردۃ بتاعتک

## ده عنده محل

## دعاء: اے یا طماعہ

**فريدة: هههههههههههه..يلا احتفظى بيها**

دعاء: اوک بس المرة الجایت تدينی البوکیة کله  
 یابت

## مش هتاكلى عقالى بوردة انتى!

.....

حطت الوردۃ تانی فالکتاب .. وابتسمت برغم دموعها  
فريدة

وہی کلمتہ لکا مین یفتکرہا

"اللہ یرحمک" !

-----

رجعت البیت .. وکانت اسماء وامی قاعدین عادى

الیوم بیروح ویجی علیہم وھما زی م ھما..

رحت معرفش کنت مخنوق وعایز اتفش فای حد!

امیر: مساء الخیر

الام: کنت فین بایت من امبارح یابنی ، قلقتنی علیک

امیر: عادى یاامی ..کنت فداھیتہ واخذانی!

اسماء: ھو انت مینفعش ترد ع امک کویس ؟

امیر: ھو انا صحیح عایز اسأل سؤال.؟ خالتی

مبتقولکیش ارجعی بیتکم بقى

شایفک قاعدہ واکلہ شاربہ نایمتہ

مأنتخہ فلوکاندۃ ابوکى یعنی

اسماء: (اتكسفت من كلامى ) انا قاعده هنا يا امير  
 عشان خالتى ..الى انت ولا حازم حاسين بيها

واحد طفشان

وواحد حالة مشقلب

ادينى باخد بالى منها ..وبعدين بيت خالتى هو بيتى  
 بالظبط

انت ناسى ان ده بيت خالتى وعمى فنفس الوقت!

امير: اه بيت خالتى وعمى .. طيب

دخلت وسيبتهم ..

وسمعتهم بيحكوا عن حازم اخويا .. حازم الى كلنا  
 منعرفش هو فين ؟

ولا بيعمل ايه

دى مش اول مرة يسيب فيها البيت حازم

ويغيب بالشهور

هو كل فترة تقومله جنونة هروب كده

يروح طفشان ومحدث يعرف طريق،، وفجأة يظهر يعمل  
للبيت كله مشاكل

وبعدين يختفى تانى

بصراحه بقى عدم وجوده ارحم

بس هو كان بقى الناحية الثانية..

واحد صاحبه : واد يا حازم !؟ حازم

حازم: (مسطول عالآخر ) ابييييه عايز ايه

صاحبة: الفلوس الى انت جيبته خالصت .. بح

حكاوي الكتب  
www.hakawelkotob.com

حازم: (بيتكلم وهو تايه) ليه ياعم ده انا جايب مونته

تكفيننا 6 اشهر!

صاحبة: بح

خالصت المصاحه كلالهااااا

حازم: وبعدين ففصلان امك ده عالصبح ؟ يعنى عايز  
اعمل ايه

صاحبة: مافيش حل غير اننا نبرشط عالواد بسام  
الطاير هو معاه مصاحه وياما اتسطح معانا  
اصلى ؟

حازم: اصلى يا بابا! قل عليك (

=====

"شمس ديسمبر! :

روايتى الاخيرة .. والى يمكن مش هكتب زيتها  
انا كل يوم بكتب حجات فيها من الماضى .. ماضى  
بتاعنا انا وفريده  
www.hakawelkotob.com

بس فيه حجات كتير ناقصة!

ونفسى اعرف هتخلص ع ايه ؟ وياترى ايه هو مشهد  
النهاية



اسم شمس ديسمير .. غريب وعارف انه غريب ومحدث  
يفهمه

بس يمكن بياخص مفهوم وملاخص كل حاجة حصلتلى  
مع فريدة

مسكت القلم وقلت اكتب شويه ، وبعدها بساعه وانا  
هيمن فالكتابه

دخلت اسماء

اسماء: مش عايز تاكل ؟

امير: لا

اسماء: طيب (جاية تقفل الباب وفتحته تانى)

مممكن اسالك ع حاجة

امير: مممم خير ! (كنت مميل عالاجنده)

اسماء: انت هتفضل كده لحد امتى ؟ يعنى مش ناوى

تقوم بقى من الى انت فيه

امير: كام حد قالك بلاش حازم يا اسماء؟

اسماء: ہا؟؟

امیر: عارف انی ردیت ع سؤالک بسؤال..بس انا بسؤالک  
کام حد حذرک من حازم ..ومع ذلک انتی لسہ  
بتحبیہ

اسماء: کلکم

امیر: ومع ذلک لسہ بتحبیہ ومستنیاہ، ویمکن  
قاعدتک دی هنا عشان انتی مستنیاہ  
وفستنی جاہیت کلام الناس

اسماء: (اتکسفت ) طب یعنی تقصد ایہ ؟

امیر: اقصد ان حیاتنا لما بنختارها تکنون جمب انسان  
حبیناہ من کل قلبنا

بیبقی صعب نأمر قلبنا بین یوم ولیلتہ انه یبطل یحبہ  
ویفوق

ویبقی واحد تانی

والا مکانش حبہ بجد!!

اسماء: للدرجه دى بتحب فريدة ؟

امير: مستاهلش روحها الى ساكنانى لو مفضلتتش احبها  
لحد م اموت

دى ردى ع سؤالك ببساطتة!

خرجت من عندى اسماء وانا مش عارف اذا كانت اقتنعت  
ولا هى اصلا مقتنعه من البدايتة لانها مكانتتش من ضمن  
الناس الى شجعت انى اخطب اسراء اختها!

غريبه ان اسماء بتفهمنى اكر من انها بتفهم حازم ..  
بس طول الوقت تعاند معايا وكأنها بتتقمص دور امى  
الى تعبت بسبب مشاكلنا

خلصت كتابه وفتحت كتاب شمس المعارف اقرا فالباب  
اياهم.. انا قررت ولازم اوصل لقرارى

-----

حامد: هيستدعى روح فريدة ياناصح!!

شادى: يانهار اسود ؟ وتظهرله ويكلمها

زېها زينا كده عادى

حامد: ايوة.. شوفت بقى جنان صاحبك

عشانن كده مش عايز يدينى الكتاب

شادى: بس دى ممكن تظهر وتشقلب له حياتى وتسكن  
البيت

حامد: اولاً فيه خطر جامد ع بيته واهل بيته من  
الكتاب ده

وعليه هو شخصياً

ثانياً بقى .. لما بيبقى فيه شخص ميت

اى ان كان  
www.hakawelkotob.com

مقتول او منتحر

وكان فالدنيا غلبان وطيب

بيظهر العكس وبصورة شريرة ومؤذيه لما بيستدعى  
بالكتاب ده

شادى: يانهار زى بعضه !! احنا لازم نحذره يا حامد

حامد: امیر عندی ومش ہیستسلم .. ولو اخدنا ہیشتری  
واحد

ومش ہیرجع غیر لو اتجنن  
او لو موتہ روح فریدۃ بایدیہا.

-----

الصبح .. بدأ يشقشق  
قائمة أسماء..من النوم وھتبتدی تصحی وتظبط البيت  
كالعادة

وتحضر فطار ليها ولا می  
دخلت الحمام ومرة واحدة صوتت!!  
اسماء: يالهوى ! معلى مأخذتش بالی انک هنا یاامیر  
وصاحی دلوقت انا هستناک تطلع

قعدت برة فالصالة وبعدين سمعت حركة فاوضتى  
وصوتى وانا بقرا فالكتاب... ايديها كانت بتترعش  
وهی بتفتح باب اوضتى وفجأة

**اسماء: يالھوی يالھووی يالھوی يانھار اسود**

## امیر 2

## امیر 2

0|||||

## واغمی علیہا!!





## الحلقه 8

=====

بدأ النور يدخل شوية شوية لعنيها .. وابتدت تجمع!  
 اسماء لما فتحت عليا الباب وانا مندمج فالقراية وكنت  
 مش حاسس بالوقت ان اصلا النهار طلع!  
 بسبب اسماء انقطع حبل اتصالي بالكتاب  
 وخالني ارميه مرة واحدة لما اغمى عليها قدام الباب..  
 شيلتها وصحيت امي تفوقها معايا واهى فاقت الهانم  
 الام: فيه ايه يا اسماء؟ اسم الله عليكى يابنتى  
 اسماء: أ..أ.. (بصت ناحيتى ) بسم الله الرحمن الرحيم  
 امير: مالك يابت شايفه عضرى ؟  
 اسماء: انا شوفت امير مرتين يا خالتي فنفس الوقت  
 فمكانيين

الام: يابت مالك ؟ ايه التخاريف دى يا اسماء عالصبح

اسماء: (بترتفش) واللہ . واللہ شوفته هنا فالحمام

وفأوضته فنفس الوقت ياخالتي واللہ

الام: يوووه ! يکونش حازم رجع

روح شوف الحمام كده ياامير

امير: حاضر..

رحت فتحت الحمام مكانش فيه اى حد ؟/:

امير: اصلا انا صاحى ومنمتش من بليل ..يعنى لو كان

جه حازم كنت حسيت بيه

تلاقيها بيتها لها ولا حاجت

اسماء: طب واللہ ياخالتي الى بقوله ده حصل كان

قصادى فالحمام هنا زى مانا شايفاكى كده .. وبعدين

سمعتہ بيقرا فأوضته.

انا افكرت حازم رجع لاقيته برضو امير قاعد فاللاوضه

وانا لسه شايفاه فالحمام

ومحدثش عدی من قصادی اقولک جہ من الحمام ع  
اوضتہ وانا مأخذتش بالی

الام: طب خلاص قومی اغسلی وشک واتوضی وصلی

تلاقیکی شوقتی فیلم بلیل خوفک ولا حاجتہ

امیر: وتانی مرة تخبطی عالباب قبل م تدخلی علیا ہجم  
کدہ ..انتی فاهمتہ!

دخلت وسیبتہم فالصالتہ.

بس بصراحہ انا کنت عامل قدام ماما ان البت اسماء  
ممکن یكون بیتهآ لها وبتهلوس

بس انا لسه کلامها فداغی

ازای شافتنی مرتین فنفس المکان..وحازم اصلا مجاش!

معقوله یكون قرین لیا وظهر

ولا الکتاب بدأ یعمل مفعول عکسی ، وبدل م احضر

روحک یافریدة حضرت قرینی انا!!

ده یبقی نهار اسود

بس انا كده لازم افهم

لحسن ياذيهم ولا حاجة

طب وانا هعمل ايه

مكانش فبالى اى حاجة اعمالها غير انى اكمل قراية

فالباب ده .. لو ظهرتلى روح فريدة

هبقى كده وصلت للى كنت عايزه

ولو مظهرتش..هثبت لحامد انه كتاب عادى زى اى

كتاب مبيأذيش الى بيقرأ زى ماهو بيقول

-----

وفالوقت الى انا كنت فيه مندمج فقراية الكتاب..

كانت ماما فريدة وخالتها

صاحيين بردو

وكل واحدة بتعمل الى عليها فالشغل الى بيسترزقو

منه.. واهو بيتكلمو شوية سوا

ماما فريدة: عارفہ.. فريدة كانت مش بتخليني اشيل  
قشايۃ من عالارض يا كوثر

تيجي تشوف التعب الى انا فيه من بعد م سابتني  
الخالۃ كوثر: اه والله البت ماشاء الله كانت تخلص  
شغلها .تيجي البيت عندك تخلص كل شغلک ويدوب  
انتی بتقومي تغسلي ايدک وتاکلي  
ولا اذا کنتی تنامي

ماما فريدة: كانت شايلاي ومستحملاني من صغرها  
..ومعشتش سنھا ابدأ زى البنات

الا فأواخر ايامها لما اتخطبت  
الخالۃ كوثر: الشهادة لله امير ده كان بيعزها  
بجد..وكان هيحطها فعنيه

ماما فريدة:ياااااا! ياعيني عليكى يابنتي  
بدل م تدخلى دنيا  
خرجتى منها

(هتبتدى تعيط)

الخالتة كوثر: بس ووحدى الله ،دى ساعه صبحيه

اطلبيلها الرحمه

كده هى بتتعذب فقبرها يا زينب

ماما فريده: ولا يوم شافته حلو يا كوثر (بتمسح

دموعها) حتى لما كان ابوها لسه معانا ومطفش وسابنا

كان ع طول يضربها

ويحرمها من النزول تلعب زى العيال

ويحرمها تاخد مصروف تجيب كيس كاراتيه ولا

مصاصة زى العيال الى فسنها

www.hakawelkotob.com

الخالتة كوثر: انتى هتقوليلى ، منة لله كان دايمآ

يضربهاواقوله يابو فريده حرام عليك

يقولى متقوليش يابو زفته

ماما فريده: كان نفسه فولد ..وبيتهمنى انا السبب

فخلفه البنات



طب وهو بايدي

ده رزق من عند ربنا

الخالت كوثر: والنبي يا زينب تقضلي ع سيرته ، كنت  
دائماً افكر لما كان يوسعها بالنار ع اقل غلط عمله

حسبي الله ونعم الوكيل لو كان عايش

وربنا ينتقم منه لو كان مات

ماما فريده: قلبه مياكلوش ع بنته زى اى اب يقول  
اشوفهم عاملين ايه

محسش بطعنه فقلبه كده لما ماتت حتى لو معرفش!

ليه هو مش اب يا كوثر  
وده حته منه برضو

الخالت كوثر: ولا هيحس يا زينب، وهو الى بيسيبي اهل  
بيته فاكثر وقت بيحتاجو ليه فيه

ويهرب

هيحس بيهم لما تحصل لحد فيهم حاجته..بلا نيلا

یلا حسبی اللہ ونعم الوکیل

ماما فریڈہ: یارب یابنتی متکوئی صحیح انتحرتی  
وقلدتی المسلسلات الی بتشوفیہا

عشان ربنا میعذبکیش

وتدخلی جنتہ

دہ انتی کنتی غلبانہ وطیبہ وکل الناس بتحبک  
الخالتہ کوثر: واللہ فالجنہ.. بنتک غلبانہ والناس  
بتدعیہا لحد دلوقتی

ربنا یصبرنا ویسکنہا جنتہ.. ربنا حلیم وکریم اوی یا  
زینب

یستحیل ہتتعب فالدنیا والاخرہ کمان

میلت ماما فریڈہ مع اخر کلمات لاختہا وباصہ للارض  
وكانت الدموع هی الی بتحکی عن باقی الکلام الی  
جواہا

-----

الساعات عدت!

ودخل الليل عليا وانا مش حاسس وبقرا فالكتاب، من  
امبارح مطبق ومد وقتش طعم النوم

يمكن كان قلبى حاسس انى هشوفها !! اخيرا):

كنت تعبت من القراية والترديد بلسانى للطلاسم

وقلت اقوم افك رجليا وجسمى شويه وارجع اكمل ،  
قمت بس وانا واقف شعر جسمى مرة واحدة وقف!

وبدأت رعشه فكل جسمى 3:) ايه ده ؟ فيه ايه ؟؟

بلف كده من قدام السرير ببص ناحية الباب .. لاقتها!!

فريدة واقفه قدامى .. بلبس بيتى

وبشعرها

ومبتسمت ليا

وكان فيه كهريا لمستنى!! رعشه غريبة

امتلكتنى.. غمضت عيونى ودعكت اكثر من مرة وافتح

وبردو هى واقفه!!

ومن غير م احس.. قلبي الى ندها مش لسانی

امير: فريده!!

فريده: انت شايفنى ؟ يا امير

امير: ب..بس..بسم الله ال..الرح..الرحمن..الرحيم

انتى رديتى عليا؟

فريده: ايوة .. يعنى انت شايفنى يا امير وبتكلمنى  
دلوقت؟

امير: ياااااااااااااه وحشنى صوتك

وحشنى وشك

(قربت منها مع انى كنت خايف)

انتى بتتكلمى معايا طيب؟

فريده: واشمعنا انت الى بترد عليا فيهم ؟ اصل (بدأت

تعيط) اصل انا كلمت ماما

وكلمت خالتى ومحدث رد عليا

امير: فريده يا حته من روحى (عيونى كلها دموع)

فریدہ: تخیل یا امیر (بتعیط) بیقولو انی مت؟!

انا مت؟

طب ازای

مانت شایضنی وسامعنی اه

امیر: (مسحت دموعی ورجعت افکر فکلامها الی

بتقولہ) ایه یا حبیبتی متعیطیش

بقی بعد الغیاب ده کله

اول م اشوفک الا قیکى بتعیطی؟

فریدہ: انا متدایقه اوی یا امیر حیاتی اتشقلبت

مبقاش فیہ حد بیشوفنی

www.hakawelkotob.com

کل یوم بصحی فالوقت ده وبنام مرة واحدة زی

الغیوبت

کل یوم لازم اشوف حلم وحش وافوق علیه

حتى شغلی جابو ناس غیرى

فیہ

انا مش فاهمة حاجة

امير: (كلامها كأنه سكاكين فقلبي ، دى مش حاسته  
انها ماتت) !!

حبيبى

سيبك منهم كاهم

انتى معايا دلوقت

فريدة: انا كان نفسى اشوفك واتكلم معاك

جيت ع بالى فمرة ورحت اشوفك فالمكان الى انت  
بتحبه

عالكورنيش

..بقالى كتير واحشنى وعايضة اتكلم معاك بس..

امير: انتى جتيلى عالكورنيش؟ يعنى انا مكنتش بحلم

طب وليه مشيتى مرة واحدة

فريدة: انت الى مشيت الاول مش انا.. انا بصيت عليك

وانت ماشى



امير: يعنى انتى مكلمتنيش

.....

الام: هو امير بيتكلم جوه فاوضته يا اسماء ولا انا  
سامعه غلط؟ بت يا اسماء

اسماء: ايوة يا خالتى

الام: تعالى خدى هنا عايزاكى

اسماء: ايوة .. نعم جايت اهو (من المطبخ)

الام: شوفيلى امير كده بيتكلم ولا انا سامعه غلط؟

اسماء حطت ودنها ع باب الاوضه!

اسماء: اه يا خالتى بيتكلم

www.hakawelkotob.com

الام: بيكلم نفسه؟ هى حصلت الجنان يا امير

اسماء: لا يا خالتى .. يمكن بيتكلم فالموبايل ولا

حاجت

الام: اصلى بقول بيكلم نفسه ولا ايه

اسماء: لالا لا مش للدرجه دى يعنى يا خالتي، انا هدخل  
اشوف الى عالنار

-----

دعاء مشغله اغنية قصه شتا.. وبتعيط عليها

لأنها بتفكرها بفريدة!

فريدة الى سمعتها الاول وعرفتها عليها وحببتها فيها  
،وكالعادة لوحدها فالأوضه.

وخبط عليها اخوها الصغير.

اخوها: دعاء ماما بتقولك مش هتتعشى

دعاء: لا قولها كلت برة فالشغل ، اقل الباب عشان  
هنام

اخوها: حاضر

قفل الباب ومشى..

دعاء: (فنفسها) بحاول اتعود ع بعدك، رغم ان مكناش  
لبعض الصحاب الى بجد

یارب تکنونی مسامحانی یا فریدۃ

-----

امیر: مش بنساکی ولا ہنساکی بعد سنین!

فریدۃ" طب انا عایشۃ ولا لاء یا امیر؟):

امیر: انتی عایشہ جوایا یا فریدۃ یا حبیبتی

فریدۃ: یعنی انا بجد میتہ ! (بتعیط) طیب وانت شایفنی

ازای؟

وہو انا مت امتی

وازای

وازای بتکلم معاک دلوقتی

www.hakawelkotob.com

وازای انا بقیت خلاص مجرد روح

امیر: (بمسح دموعی) فریدۃ کفایہ اسئلک دی

بتعذبنی .. انا الی کنت عایز اسألک لیہ حرمتینی

منک

واستکرتی نفسک علیا

واختارتی البعد للابد!

فريدة: انا معملتش حاجه .. انا مش فاكهه حاجه  
خالص

مش فاكهه حاجه خالص

امير: هاتي ايدك يا فريدة

فريدة: ليه ؟

امير: عايز ارتاح زى زمان

فريدة: اتفضل)

كنت بحاول امسكها ولما مسكتها!!!!

-----

دعا: فريييييييدة يا فريييييييدة!!

فريدة كانت قاعده ع شط ميه وبتلعب بعصايه فيها

ولابسها حلو واموره اوووى

دعاء: الله!

انتى اموره اوى كده ليه

**فريدة: (بصتها ورجعت بصت تانى للمية وبتاعب بلا  
مبالاه)**

**فريدة** : \_\_\_\_\_

## فريدة قامت من مكانها وحاجة تحضن دعاء

## دعاء: یا ایا۱۱۱۱ یا دیدا وحشنی حزنک اوی

## وفجأة بدل م فريدة تحضن دعاء.. ايديها لفت حوالين

رقبة دعاء وبدأت تخنقها وتميلها عالبحر هتغرقها ۱۱۱۱۱۱

## دعاء: بتعملى ايه يافريده ! بتعملى ايه

## الحقوق وواجباتي

## فريدة مستمرة فرقها لورا فالمية وخنقها

[illegible]

**وقامت من نومها مخضوضت!!!!**

ہتموتینی یافریدة

=====





## الحلقه 9

=====

ابرة حقنه!! بتتحضر

وبتتحط فوريد امير... عشان يهدى

وبعدها، الدكتور ايمن بيقوم وبيكلم اسماء ومامته  
برة!

ايمن: هو ايه الى حصل بالظبط

اسماء: يادكتور هو كان بيتكلم فالموبايل، من بدرى

ايمن: اها

اسماء: وبعدين .. انا كنت فالمطبخ وخالتى هنا

اكلنا وخلصنا وقعدنا

وكل ده وهو بيحكى فالتليفون

وبعدين كنا رايعين ننام

فجأة سمعناه بيصرخ بصوت عالى

## زی الاطفال

کأن فیہ سالک کھربا عریان ومسک فیہ

وبعدین اغمی علیہ ومحطش منطق!

ایمن: مہمہ

اسماء: استنیت یدوب الصبح یطلع واتصلت بحضرتک

تیجی تشوفہ

ایمن: امیر وصل لمرحلتہ بشعہ من الاکتئاب، انا مش

فاهم هو لیه مش عایز یساعدنی فعلاجه

مصمم یفضل تعبان وحالتی تسوء یوم عن یوم

الام: یا دکتور والنبی تشوفہ وتساعدہ ..ومتزعش منه

لما یزقق

هو طیب

بس من ساعہ ما...

ایمن: من ساعہ ایہ یا حجه ؟ کملی

اسماء: بصراحه بقى يا دكتور من ساعه م ماتت البت  
خطبته دى وهو حالته كده

لا اكل ولا شرب

قولنا يومين ويفوق

بس دى بقالها 3 شهور ميته

يعنى خلاص بقى ينسى

بس انا من يومين سألتها امتي هيفوق من الى هو فيه

قالى

انه هيفضل كده لحد م يموت ويحصلها

ايمن: (خد نفس وطلع ببطئ) عارف

الام: عارف ازاي يادكتور

ايمن: مش مهم يا حجة.. اهم شئ امير دلوقت .. انا عايز

دلوقتي استفهم عن شئ معين

منك انتى واسماء

الام: اتفضل يا دكتور

ایمن: انا عایز اعرف فریده دی شخصیتها ککل ..بعیداً  
عن کلام امیر عنها

ممکن هو عشان بیحبها شایفها بصورة ملاک ومش فیها  
غلطه

لکن انتو ممکن توصلولی شویته حلقات مفقوده من  
کلامی مع امیر

اسماء: انا .. انا متعاملتش معاها کتیر

بس هقولک ع ادم اعرف

ایمن: وانتی یا حجتہ ؟ اظن دی کانت خطیبه ابنک

الام: (عوجت شایفها ) واللہ یابنی هقول ایه

حسبی الله ونعم الوکیل

ولا کنت عایزاها الجوازه دی

بس هقولک برضو یابنی الی اعرفه عنها

یلا الله یرحمها مطرح م راحت

-----

مامت دعاء.. كانت داخلته الاوضه تظمن عليها

الى مش راحت انهاردة الشغل

وميعرفوش ايه السبب؟

مامت دعاء: ايه يادودو؟

دعاء: ايوة ياماما اتفضلى

ماما دعاء: ماروحتيش انهاردة الشغل .. وبردو قافلتا الباب  
ع نفسك

بابا مشغول عليكى

وكل شوية يتصل بيا من شغله ويسألنى عليكى

دعاء: مافيش ياماما شوية ارهاق..بس

الام: طيب تعبانة من حاجة ؟ تحبى نروح الدكتور  
نشوفك

دعاء: ماما متكبريش الموضوع

كل الحكاية زهقت من الشغل

وعايزة اجازة

الام: طيب م تلبسى وتعالى نخرج نروح المول ولا اى  
حتة نشم شويته هوا

دعاء: ماليش نفس ياما ما

الام: ماهو مش معقول يادعاء؟! انا مش عارفه مالك  
وانتى مش بتتكلمى

وشايفاكى بتنطفى كل يوم عن يوم

دعاء: (بصت لها وسكتت)

الام: فريده الله يرحمها .. مش هيرضيها الى بتعمليه  
فنفسك ده

وانتى عارفه كانت بتحبك اد ايه

www.hakawelkotob.com

دعاء: فريده!!

الام: يا دعاء من يوم وفاة فريده وانتى كده..

ي قاعده وحدك

ي عند اختك

ومش بتكلمى حد



وکل م اکلمک تردی من غیر نفس

دعاء: (عضت ع شفتها) ماما دی کانت صاحبتی

ولازم اکون زعلانت عاشانها

الام: طیب اللہ یرحمها

واحدة وماتت کافرة..هنزل العمر عاشانها

فريدة: ماما خلاص اقلی عالموضوع (قامت من ع

سریرها)

الام: رایحه فین

دعاء: هاخذ دوش

الام: طب استنی اجهزلك الحمام..وبعد الدوش تیجی

تاکی معایا

وتفکی بقی لانی بجد صبرت علیکی کتیر

دعاء: خلاص اوک

-----

یعنی عمرها م عملت حاجت وحشت معاکي ؟"

الام: الشهادة لله .. لا

بس انا مبحبهاش وخالص

ایمن: وانتی یا اسماء

اسماء: زی م قولتلك یا دكتور هی كانت غلبانة اوی

وبتحب امیر بصراحه

بس مجنونة بالتمثيل واحنا مش من طبعنا الحجات دی

كانت کتی



## الحلقہ 10

=====

ہی الی قالتک کدہ ؟؟!

مامت فریدہ: من ساعہ م قومت من النوم وانا الدموع مش

مبطلہ ، البت حملتنی فوق طاقتی یا کوثر

معقول یکون ابوہا عملہا حاجتہ قبل وفاتہا):

الخالتہ : اللہ اعلم .. بس نصر الدین من ساعہ م سابکم

زمان ومرجعش تانی

لا نعرف مکانہ

ولا قاعد فین

ولا بیشتغل ایہ

ولا اتجوز ولا لا!

مامت فریدہ: ماہو دہ الی مخلینن مش عارفہ افکر ،

تقصدا ایہ بخدیلی حقن من ابویا!

تقصد ال عمله فيها زمان

ولا تقصد حاجة منعرفهاش

الخالة: بصى يا زينب، انا رائى تسألنى شيخ عن الحلم ده  
وتقوليله بالظبط ابوها كان عامل معاها ازاي

ونشوف هيقلنا ايه

مامت فريدة: تفتكرى يكون يا كوثر...

الخالة: (اتدايقت وبصت عالهدوم الى بتفصلها وهى  
قاعده ) والله قلبى وجعنى لما قولتلى الحلم

جيب العواقب سليمة يارب

-----

دماغى بتلف.. حاسس ان نمت ولا نوم اهل الكهف!

كأنى نايم ييجى مليون سنة ومقومتش خالص

قمت وحاسس ان رؤيتى مش واضحة .. خرجت من اوضتى  
لاقيت اسماء وماما قاعدين متدايقين كده.

الام: صباح الخير يابنى

امير: صباح النور.. انا نايم بقالى اد ايه يامى

اسماء: بقالك يومين بحالهم يامير.. دا انت كأنك

مصدقت الدكتور يدىك منوم

ولا عشان كنت مطبق ليومين فكنت تعبان

لاحظت ان فيه جرح فايدها..

امير: انتى مجروحه كده ليه ؟

اسماء: متاخدش فبالك/:

الام: اخوك الحشاش كان هنا امبارح وكسرلى البيت

وخذ ذهب اسماء من ايديها وغار

امير: حازم!

اسماء: احضرلك تاكل ؟

امير: ماشى .. ورجعت افتكرت ان اسماء قالت الدكتور

ادالك حقنه

امير: اسماء هو دكتور ايمن كان هنا امبارح؟

اسماء: ايوة انا كلمته يجياك .. انت كنت هتموت مننا  
يا امير

وهي بتحكي انا لاحظت ان الكتاب مش موجود مكانه  
امير: انتي دخلتي اوضتي تنضيفها تاني يا اسماء؟

اسماء: والله ابدأ، انا من ساعه م قولتلي ممدتش ايدي  
فيها

امير: اومال الكتاب فين !! (بعصيت)

اسماء: كتاب ايه ؟؟

امير: كتاب كان جمبي هنا وبقرا فيه

اسماء: ااااه .. ده جه حامد امبارح هنا وخده!

امير: ايه ؟!! ازاي تخلوه ياخدوه

اسماء: انا ماليش دعوة الدكتور ايمن الى اداهوله

امير: (وفجأة صوتي اتحول وكأني مش سامع نفسي الى  
بتكلم) انا قولت ليكم محدش له دخل بحاجتي

ولا بحياتي



نورِ اسحاق علی

امير: (بيخنق امه ) انتى الى خلتيههم ياخدوه .. انتى  
طول عمرک بتکړهيا

انتى مش عايزاها تبقي معايا  
انتى السبب

اسماء: يالهووووووى يامير بتعمل ايه  
يارب ساعدنا يارب

الدكتور ايمن مش بيرد

وفجأة الباب خبط .. جريت اسماء وكأنها نجدة وجت من  
السماء

وكان سبحانه الله الدكتور ايمن.  
www.hakawelkotob.com

ايمن: فيه ايه (بيحاول يبعد امير عن امه ) انت بتعمل  
ايه انت اتجننت!!

اسماء: خالتي خالتي .. انتى سمعاني!

ايمن: (مسك امير بقوة ونده ع ناس كانوا معاه شكلهم  
مساعدينو) امسكوه كويس

امير: ابعء عنى يا حيوان انت ... ابعءوه عنننننى!!

ايمن: (ماسكينه المساعدين واداله حقنه ع طووووول  
وبدا يهدا ) خءوه عالعربيه تحت مستنياكم

انتى كويست يا حجة!!

الام: (بتكح جامد ) انت واخءه فين يابنى؟

ايمن: خلاص بقى حاولت معاه بالهدوء منفعش.. امير  
كءه خطر ع نفسه وعليكم

انا هحجزه فالمصحه عندى

وخءوه ونزلو ومشيو بالعربيه .. واسماء ومامته كانو  
بيعطو بحرقه

ع حالهم الى وصلو ليه

-----

فريءة!!

مش بتسيب دماغ اطلاقاً اليومين دول.. يمكن بتفكر  
فيها اكتر من اى وقت تانى

كانت قاعده فشغها

فشئون الطلبة بجامعة القاهرة

بس سرحانته خالص..

زميلته: دعاء! دعاء!!

ايه يابنتي

دعاء: ها ! ايوة فيه حاجه

زميلته: انا من الصبح بكلمك يابنتي وانتى ولا انتى

هنا..ايه سرحانته ف ايه

دعاء: (رجعت سرحت) مافيش.. مافيش

زميلته: اقطع دراعى ان مكوتتى بتحبى!

دعاء: احب !! (ضحكته سخريته)

زميلته : اومال تفسرى السرحان ده كله لىيىييه ؟؟

دعاء: بقولك!

زميلته: نعم

دعاء: دكتور عبد العظيم بتاع تربيتة .. دكتور الصحة  
النفسية ممكن يكون موجود دلوقتي ؟

زميلته: الدكتور الاسع ده ! اعتقد كده لو مكانش وراه  
محاضرة

دعاء: طيب انا ساعه وراجعت المكتب ماشى .. (مسكت  
شنطتها ولبستها)

زميلته: طب مش تفهميني عايزاه ف ايه ؟؟

دعاء: بعدين بعدين ..

مشيت دعاء وطلعت ع طول لمكتب الدكتور  
عبد العظيم.

-----

امير: انت خلاص هتجزنى هنا (قوته كلها مهدودة)

ايمن: انت كنت هتموت والدتك ! انت مش حاسس انت  
اد ايه بتأذى الى حواليك

امير: (دمعت عنيا) انا أذى حد ! ده انا بعمل كده

عشان مأذيش نفسى ببعدها عنى

ایمن: وایه اخرتها ؟ قولتلك اتعاون معايا وانت  
رفضت..بس هتتعاون ي امير لحد م نلاقى الحقيقة سوا

لازم تحكىلى بالتفصيل عملت ايه بالكتاب

وهل حضرت روح فريدة ولا لا

وايه الى خلاك اتشجعت اول امبارح

كل دى اسئلت انت الوحيد الى عارف اجابتها

وهتقولها كلها

لان ببساطة..

انا توصلت لشوية معلومات فعلم الارواح .. ولازم نساعد

بعض عشان نخلص من الدوامت الى انت حطتنا فيها دى

امير: (بمسح دموعى) ماهى خلاص مش هتظهر تانى

يادكتور.. انتو اخدتو الكتاب خلاص

ایمن: رد ع اسئلتى من فضلك.. مافيش وقت

لازم نبقى ايد واحدة

لان الموضوع بتاعك طلع اكبر من مرض نفسى



وبسبب موت شخص

ممکن ینتهی معظم الاشخاص الی کانو فحیاتها

امیر: (بیہز راسه) اوک .. هجاوبک ع کل حاجت

-----

الدكتور عبد العظیم: آنستہ دعاء.. انتی تیجی من غیر

استئذان ده مکتبک

دعاء: شکراً یادکتور.. انا بجد مش عارفه ابتد منین

عبد العظیم: براحتک.. اهم حاجتہ تتکلمی

دعاء: انا مش بنام .. ولا عارفه اعیش زی البشر

وحاستہ انی ممکن اموت فای لحظتہ

عبد العظیم: ولیہ الاحساس الشنیع ده

دعاء: انا بشوف کوابیس.. وحجات غریبتہ

انا بشوف روح واحدة صاحبتی

عاوڑہ تقتلنی!!

-----

ایمن: تعرف انها ممکن تكون كانت فجسمک وانت  
بتخنى والدتك!!

امیر: انا معرفش عملت كده ازای

ایمن: انا جمعت قدر لا بأس به فالمعلومات عن علم  
الارواح عامتة .. وعن كتاب شمس المعارف بالاختص  
وجدت

ان بیأذى جداً الشخص الى بیقراه من غیر تحصین  
..وممكن یحرض عالقته او الحرق

بقوة السحر الملعونة الى فالكتاب ده

وانه كمان مش بس بیأذى الى قراه .. بیأذى الناس الى  
فالمكان الى اتقرا فيه

یعنی البیت عندك علیه خطر كبير

امیر :

-----

اسماء: خالتي انا داخلته اغسل الحمام .. وانضفه

الام: طيب يابنتي

اسماء اول م دخلت الحمام .. لاقت حاجته غريبة خلتها  
تصرخ كأنها مسروعة!!

الام: (جايته تجرى من برة ) فيه ايه

يا اسماء

اسماء: خالتي خالتي .. تعالى نهرب من الشقه دي .. تعالى  
اقعدى عندنا

البيت مسكون يا خالتي

(مخضوضه ومصفرة)  
www.hakawelkotob.com

الام: فيه ايه خضتينى ووقعتى قلبى

اسماء: انا داخلته بنضف وببص فوق لاقيت امير مشنوق  
وبينزل من رقبتة دم

ووو

(مش عارفه تاخذ نفسها)

وبیصلی وعیونه حمرا

الام: امیر! اللهم احفظنا امیر مش هنا یابنتی! انتی  
رجعتی للتهیات تانی

اسماء: دی مش تهیات یا خالتی دی حقیقت .. واللہ شوفته  
بعینی

والله

(بتعیط)

بعد اذنک یا خالتی انا همشی وارجع البيت عند امی  
وابویا

الام: وتسیبني یا اسماء.. مش کفایت واحد کان  
هیضربني امبارح

وواحد کان هیقتلني انهاردة

ده انتی قعادک معایا رحمه

اسماء: بس انا ممکن اموت یا خالتی هنا کده..

الام: استعيزى بالله من الشيطان واقرى قرآن وان شاء الله  
مافيش حاجة ابدأ

اسماء: (حاضنه خالتها جامد) حاض.. حاض

-----

دعاء: هو ده كل الى بيحصلى ، معرفش عايزة منى ايه

عبدالعظيم: انتى متأكده انها ماتت منتحره!

دعاء: معرفش.. بس البوليس قال كده والصحافه

عبدالعظيم: دعاء.. هسالك شويته اسئلت وتردى عليا

بدون تفكير لو سمحتى

دعاء: اتفضل

عبدالعظيم: علاقتكم كانت كويست؟

دعاء: مش طول الوقت..

عبدالعظيم: كنت بتحباها الخير فحياتها

دعاء: لا!! (ورجعت اخدت بالها)

عبدالعظيم: (هز راسه يعنى فهم) ليه يادعاء

دعاء: کانت کل حاجتہ معاها .. حب وجمال

وکل حاجتہ

ودایما تیجی تحکیلی کأنها بتغظنی

انا مش بتحب زیها رغم انی اشیک منها

وبنت ناس عنها

ورغم ده کله

کانت دایما تحسسنی انها مظلومت

عبدالعظیم: تحسکک انها مظلومت ازای ؟

دعاء: (ارتبکت وبصت حوالیها علامتہ عالتوتر) یعنی ..

دکتور انت مقولتش هی لیه بتظهرلی وبتعمل کده

معايا

عبدالعظیم: وانتی مجاوبتیش ع سؤالی ؟

دعاء: یادکتور ارجوک

عبدالعظیم: خدی بالک .. هتجیلک تانی



فريدة عايزة منك حاجة بخصوص موضوع انتحارها ..  
او قتلها!

دعاء: (بصتله وعيونها برئت ) قتلها!!

عبد العظيم: هنشوف فالايام الجايته .. هتحلمى بيها

وهتجياك الرسالة بتاعتها

وساعتها هتفهمى بيحصلك ليه كده

دعاء:(فايمته ماشيته) شكراً.. بس بردو حاسته انى مش

مرتاحه بعد كلامى مع حضرتك

عبد العظيم: عشان انتى مبتقوليش الحقيقه يادعاء!!

دعاء عضت ع شفايفها واتخنقت اوى.. وسابته ونزلت من

مكتبه فوراً

-----

ايمن: الروح المظلومه .. سواء مقتولة ولا منتحرة بتظهر

تانى بعد وفاتها تدور ع حقها

وبتروح لا قرب شخص ليها

ام

اب

زوج

صديق

عشان يقدر يظهر الحقيقه

بس ده فحالة لو ظهرت بطريقه طبيعيه كروح بعد قتل  
او انتحار

الى هو بالصورة الدارجة بتاعتنا بنقول .. طلعه عفریت  
!"

وبيفضل يلح فالظهور لغاية م يتاخذ بثأرة ويهدا ويبعد  
ومیظهرش تانى

لكن انت استدعیت روحها بالكتاب.. معنى ذلك انها  
هتظهر بصورة شريرة ع عكس حقيقتها فالدنیا

امیر: انا ملحقتهش اتكلم معاها .. يدوب كلمتين  
وكانت مش فاهمة ولا عارفه انها ماتت

ومره واحدة وهما بيتكلمو فاللاوضتة .. فريدة ظهرت ورا  
 ظهر الدكتور ايمن وامير شافها وابتسم!!

ايمن: مش عارف ليه مرة واحدة حسيت بصفارة برد كده  
 فضهرى، انا هقوم اقل الشيش واجى نكمل كلامنا

امير: لا ده مش برد يادكتور

ايمن: ليه انت محستش بيه ؟؟

امير: فريدة حاضرة معانا 3):

ايمن: (جسمه اتنفض من مكانه مرة واحدة وقام وقف )  
 معانا هنا فاللاوضتة!!

امير: ايوة .. وراك

ايمن : (كحب استطلاع زى اى شخص حاول يبص وراه  
 ملاقاش حاجتة)

امير: مش هتلاقىها لانى انا بس الى بشوفها ... ده بقى  
 بسبب الكتاب يا دكتور

ایمن: (سنانه بتخبط فبعض وبيحاول يهدى نفسه ) وانت  
مش خايف!!

امير: دى حبيبتى ! انا عامل كل ده عشان اشوفها  
تقولى خايف؟

فريده: وحشتنى يا امير .. مين ده؟  
امير: فريده بتسألنى عنك..

ایمن: (بيحاول يتمالك اعصابه ) سيبنى الاول بحاول  
اثبت فكرة ان فيه روح 3 معانا فاللاوضه  
امير: براحتك..

ایمن: امير اس~ لها اااااااااااا (بيطلع نوت بوك من  
جيبه)

قولها ظهرت لحد قبلك ؟  
امير: جاوبى يا فريده

فريده: ايوة رحى لماما وخالتى ..ودعاء!  
امير: بتقول لمامتها وخالتها ودعاء

ایمن: (بیکتب بس ایدہ بترتیش ) طیب تمام..قولہا  
شافوہا زیک کدہ ولا ایہ ؟

فریدہ: ماما وخالتی مشافونیش.. بس دعاء شافتنی وردت  
علیہا وحش):

وہو دہ الی خالانی استغربت لما قالو انی مت!

امیر: بتقولک ان مامتہا مش شافتہا ولا خالتہا شافوہا  
رغم ان کلمتہم .. لکن دعاء شافتہا وکلمتہا  
وردت علیہا

ایمن: (ساب القلم وبص فالارض) قولہا افتکری کویس  
حوارک مع دعاء ع ا د م تقدیر  
امیر: افتکری یا حبیبتی دعاء فعلا شافتک ولا لا.. بس  
لیہ یادکتور؟

ایمن: ہتفہم ..ہا ردت بایہ

امیر: لسہ بتفتکر

فریدہ بتفتکر فحوارہا مع دعاء بالظبط..

فريده: دعاء!! ازيك .. انا لسه كنت هعدى عليكى  
اقعد معاكى شويته

باب شقتهم كان مفتوح .. وافتكرت حاجته خلتها تنزل  
دموع اول م افتكرتها

ان مامت دعاء كانت بتكلمها من جوه الشقه وبتقولها...:  
الام: يعنى مش هتقعدى معانا لا هتتكلمى ولا تشوفى  
اخوكى الى جاي من السفر؟!

دعاء: (باصه فالارض وباب شقتهم مفتوح بس هي  
مستنيه الاسانسير) انا مخنوقه ولا عايزة اكلم حد ولا  
اشوف حد .. ممكن

لكن فريده افتكرت ان الكلام عليها هي .. وردت  
بحسن نيته!

فريده: ايه ده !! طب وهو انا قولتلك ادينى حسنة .. انا  
جايت اقعدي معاكى شويته مش اكثر  
دايمآ اسلوبك وحش معايا كده

سلام



وأؤكدت لما دعاء حتى مردتش ع جملتها الاخيرة): !!

وحكت ليا.. وانا بلغت الدكتور باللى قالتها بالضبط

ايمن: تمام .. عارف ليه سألت الاسئلة دي

امير: عايز اعرف

ايمن: معنى ده ان فريدة ظهرت بصورة طبيعيه الاول  
وكانها عايشة لانها مش مصدقة انها ماتت وده دليل ع  
انها توفت مظلومة

ومتعرفش ايه سبب وفاتها

يعنى مش انتحار ولا حاجة !

امير: طيب وانا الوحيد الى بكلمها وبشوفها.. عشان...

ايمن: كتاب شمس المعارف! ادالك قوة خارقة عن  
طريق ترديدك لطالسم الاسحار الموجودة فالباب ده

بس ربنا يستر ع البيت عندك

وحاجة كمان..

امير: ايه هي ؟

ایمن: بعدین اقولها لک.. قولی هی لسه هنا

امیر: ایوة.. قاعده جنبی

ایمن: (جسمت ارتعش تانی) مش معقول بسببک حولتني  
من دکتور امراض نفسیت لعاله جن و ارواح!

فریده: امیر.. انا وانا فشقتنا بصحی کل یوم ع صوت  
رجلین ناس

وبستخی منهم

لانی کنت فاکرة ان البيت مسکون بس.. (بدأت  
تعیط)

امیر: فریده یا حبیبتي .. متعیطیش.. کملی

فریده: کل کام یوم ییجو ویدخلو ویخرجو ومش  
بشوف حاجت!

امیر: طیب اوک انا هقول لل دکتور ایمن وهو هیقولنا  
بالظبط ده ممکن یكون احتمالہ ایه

-----

الحج صلاح: ادى ايجار المخزن ياست ام فريده .. ايجار  
الشهر ده واسف عشان اتأخرت عليكى

مامت فريده: ولايهمك يا حج صلاح.. توشكر انك  
اجرت منى الشقه اصلا بعد الى حصل فيها

حج صلاح: م عفرت الابنى ادم يام فريده .. وبعدين  
انا مش بقعد فيها

انا يدوب بحط حجات السوبر ماركت الى بخزنها  
فالشقه.. وباجى ف 10 دقائق اخذ الطلب الى عايزه  
او احط فيها الى عايزه

وبمشى!

مامت فريده: ربنا يكرمك يا حج صلاح.. لولا ربنا  
وقفك فطريقى مكانش حد هياجرها منى

ولا هعرف اصرف عالبت الصغيرة دى

الحج صلاح: بس حاولى تلاقى بيعه للعضش الى فيها!  
خسارة انتى اولى بفلوسه!

مامت فريده: والله من يوم الى حصل يا حج صلاح لا  
شيلت منها ورقه ولا حظيت

ماليش نفس اشوف الشقه من اساسه!

وكل حاجة زى ماهى!

الحج صلاح: يلا الله يرحمها .. اسيبك انا عشان سايب  
المحل مفتوح

الام: اتفضل يا خويا

مامت فريده مبتجيش الشارع القديم بتاعهم الا عشان  
الايجار.. لانها مبقتش تحب تروح هناك ولا تشوف  
المكان

خدت الايجار ورايحه نايحة الاء الى كانت بتسلم ع  
دعاء وهى راجعة من الشغل.. ودعاء شكل وشها اتغير  
مرة واحدة!

مامت فريده: ازيك يابنتى .. وعاملت ايه الست والدتك  
دعاء: كويست يا طنط (سرحانه)

مامت فريده: طيب يابنتى ابقى سلمى عليها .. يلا يا الاء

مشيت ماما فريده وكان فون دعاء بيرن!

دعاء: ثوانى ياماما.. هعمل مشوار واطلع

مشيت دعاء وركبت اقرب مواصلة وطلعت ع قسم

الشرطة..

دعاء: لو سمحت انا عايزة ابلغ عن جريمة حصلت

فقضية اتقفلت انا اعرف معلومات عنها

الظابط النباتشى !: اتفضلى قولى

دعاء: فيه قضية انتحار حصلت لبنت جارتى من 3 شهور

والقضية اتقفلت لانه اثبت انه انتحار.. انا عندى

معلومات جديدة! [www.hakawelkotob.com](http://www.hakawelkotob.com)

الظابط النباتشى : ايه هى ؟ (بيكتب)

دعاء: مش قضية انتحار!! دى ماتت مقتوله

وانا عرفت مين الى قتلها

الظابط النباتشى : قتل!! وياترى مين الى بتبغى عنه

دعاء: (وشہا مرتبک بس قالت یثقہ) خطیبہا.. امیر!!

=====





☰-☷-☱-☶-☵-☲-☳-☴-☽-☼-☹-☺-☻-☼-☽-☶-☱-☷-☰-

نورِ اسحاق علی

عمرک م حسیت ان ضربات قلب حد انت متعلق بیها  
کأنها ضربات قلبک انت!

من کتر مانت حاسس انکم واحد.. فکل حاجة  
ازای هقدر انساها

ازای هحب غیرها بقی واعیش حیاتی وکان شیئاً لم  
یکن

شادی: یمکن عشان انا معشتش الی بتقوله ده بقولک  
المنطق والواقع  
دی واحدة ماقت  
ومش موته عادیت  
انتحرار

یعنی اعوذ بالله کافرة  
وانت قال لسه بتحبها

ومش بعید ابدأ انک تعمل زیها وتنتحر وتحصلها  
بس احب اهنیک ع جهنم الی هتعملو زفافکم فیها

حامد: بالراحتہ یا شادی مالک نازل علیہ کدہ لیہ  
 شادی: انا بفوقہ لانہ من اول م حصل الی حصل وهو  
 مبقاش امیر الی نعرفہ

امیر: لا کلامک..ولا کلامہ

ولا ای حد کلامہ ہیدخل دماغی ولا یرجعنی عن الی  
 نویت خلاص اعملہ وماشی فیہ وھکملہ للآخر  
 حامد: انا بتظمن ع اھل بیتک یا امیر؟

امیر: لا لیہ

حامد: انت قریت الکتاب فالبیت ..وظھرتلک فریدۃ  
 فیہ

الخوف لا یكون البیت فعلا اتلبس

شادی: ایہ!! فریدۃ ظھرتلہ!! ہاااااااااا اسود

امیر: وبتجیلی ہنا کمان ! وبتقعد وبتحکی معا یا

شادی : (مخضوض وخایف) ایہ یاعم انت ..مین دی الی  
 بتحکی معاک

سلامو عليكو

حامد: استنی یا حامد

شادی: استنی مین یاعه بیقولک بتجیله

امیر: مش بتظهرلی بالنهار

شادی: لالا لا وانا لسه هستنی بعد الکلام ده .. انا امی

وابویا عایزینی

حامد: استنی یا شادی)

وحامد خارج ورا شادی امیر سمع صوت انذار عربیة

الشرطه عند المصحه!

امیر قام یبص من الشباك لاقاهم نازلین منها وداخلین

المصحه..

-----

مامت فريدة وخالتها قاعدین عند واحدة جارتهم جوزها

شیخ بیفسر احلام وامام جامع وحافظ القرآن

مامت فريدة: یعنی هو هیعرف یقولی ایه قصد الحلم ده

الجارة: اه طبعاً.. الشيخ بيعرف والحمد لله

وكله من القرآن

خالتا كوثر: طب هيتأخر ياختى.. اصلى سايبين البيت  
لو حده

وانا ورايا شغل كتير

الجارة: لا يدوب هيصلى العصر فالجامع وجاى.. ع بال م  
تشربو الشاى هيكون جه

ماما فريدة: تسلمى

الجارة: الا ايه هو الحلم..، معلىش يعنى بسأل  
اصل انتو شكلكم كده قلقلا نين ومش حاسه انه حلم  
عادى  
www.hakawelkotob.com

مامت فريدة بصت لاختها..

خالتا كوثر: معلىش ياختى.. احنا خايضين نحكيه يقع  
تفسيره

انا سمعت حاجتا زى كده فالتلفزيون

الجارّة: وماله يا ختى .. مافيش حاجة

قولوه للشيخ لما ييجى

وهما بيتكلمو دخل الشيخ بعد م فتح بالمفتاح  
ولاقاهم مستنينه..

الجارّة: حمد لله عالسلامة يا ابو حذيفة.. فيه جماعه  
مستنينك

الشيخ بص لل 2 كده وابتسم لما شافهم.

-----

دعاء راجعة من الشغل مبسوطه وبتضحك .. ودخلت

تخبط ع الباب وهى مبسوطه

الام: الله الله الله ايه الروقان ده كله!

يارب دايمآ

دعاء: (بتبوس مامتها) عاملت ايه اكل عالغدا؟؟

الام: عاملت اكل بتحبيه..



دعاء: طب الحقینی موووت انا جعانت و حاسته ان بقالی  
کتیر ماکلتش

الام: وایه بقی الی فاتح نفسک یادودو

دعاء: (خدت نفس عمیق) بصی بقی یاست ماما، انا  
کنت مقصرة فحاجة و عملتها

وحاسته اخيراً انی عملت حاجة صح مریحه ضمیری  
وعشان کده انا مبسوطة و نفسی مفتوحة!

الام: طب یارب ع طول یا دعاء.. یلا غیری والا کل  
هیجهز عالسفرا حالا

دعاء: اموووووووووووووو...\*

www.hakawelkotob.com

الحلقه 12

=====

تک .. تک

دکتور ایمن بیاعب بقلم سوسته وقاعد قدامی  
بیفکر..

امیر: کفایت یادکتور ایمن صدعت من التکتکت دی  
ایمن: مممم بقی دعاء بتقول ان انت نزلت وکنت بتتلافت  
حوالیک ورکبت ع موتوسیکل ومشیت

امیر: تانی یادکتور هتقول انت ! واللہ م انا

ایمن: احنا ازای توهنا عن الاحتمال ده ..کان کل  
ترکیزنا نطلعک من الحبس..ودلیل برائتک تحت  
ایدینا ومش شایفینہ

امیر: الی هو ایه ؟

ایمن: مع انک اذکی من کده یامیر.. بس انت فکرة  
وجودک مع فريدة مخلياک مش مشغل دماغک صح  
او یمکن انت مش عايز تصدق الحقیقة الواضحة  
زی موت فريدة

امیر: دکتور قول بسرعة لانى بجد مش فاهم حاجت!  
ایمن: حازم ... اخوک!

امیر: (استغربت وحسيت انى بسمع خبر موت فريدة من  
تانى ونفس طعنه القلب جوایا بتکرر ودمعه غلبتني  
ونزلت ع خدى )

ایه!!!

حكاوي الكتب  
www.hakawelkotob.com

اسماء: (بتحضر اكل ) يعنى الشيخ قال كده ياماما ؟  
يالھوى احنا كنا قاعدين فالبيت  
وفيه كل ده!

مامت اسماء: يابنتی زی مبقولک کده .. اخوکی جاب  
 الشيخ وابتدی یقرا ومرة واحدة جسمت اتنفض ومقدرش  
 یکمل وقال ان الشقه ساکنها اکثر من جن والعیاذ  
 بالله!

اسماء: یالھوی یالھوی .. الحمد لله اننا مشینا

والا کانو خلصو علینا

مامت اسماء: طب یابنتی جدید الی بیحصل فبیت  
 خالتک ده .. من امتی اتسکن ؟

لا حول ولا وقت الا بالله

اسماء: والله یا امی معرفش بین یوم ولیلت کده البیت  
 حالت اتشقلب

وامیر تحسی ان هو کمان ممسوس

وهو السبب فسكنت العفاریت للبيت

بس قولیلی

الام: ایه ؟

اسماء: هو الشيخ بعد مامشى ..مش هيعرف يطلع الى  
ساكنينه دول منه ؟

ده كده خالتى لو فاقت ورجعتله تانى تروح فيها

الام: خالتك تطلع من المستشفى وتيجى ع هنا..لحد م  
نخلص من البلاوى الى فبيتها دى

هو احنا مستغنين عنها

اذا كان ولادها مش حاسين بيها

يبقى احنا اولى بيها

اسماء: اهو لو حازم هنا كان...

الام: بس يابت وانكتمى ! بلا حازم بلا زفت

اهو حازم ده اوس البلاوى والمصايب

عيل بلوة من يوم م خلفته

جاي وجايب المصايب فرجليه

وقال ايه عمك الله يرحمه كان قارى فاتحتكم

لبعض من وانتو صغيرين

لیہ ۹۹!

عبیطر انا ارمی بنتی فالنار

اسماء: (کشرت لما سمعت مامتها) بس یا امی..

الام: بت یا اسماء!! فین غوايشک!

اسماء: ها!

انا قلعتهم عشان واحدة اتکسرت وبتعورنی

الام: والتانیة!!

اسماء: وا\قلعتهم یا امی وخلص .. (مشیت وسابتها)

-----

"انت طول عمرک کده .. عمرک م عملت حاجت

کويسة فحياتک!

مصیبتی فالدنیا انک توأمی .. فاهم یعنی ایه توأمی!

حازم: ایوة .. المصیبة دی کانت لیا اکتر م کانت

لیک

امیر کویس



امير طيب

امير شاطر

فالمدرسة

وحازم مكروه

وحازم زفت

وحازم بليد وفاشل ومحصلش الدبلوم

كانو بيدوك الرضعه لحد بوئك وبيموتو فيك.. وانا

كانو بيدوني باقدم جزمة فرجليهم

امير: من يومك وانت الى عامل كده فنفسك! عمرك

م حاولت تبقي حد كويس

انت الى اختارت تبقي فاشل

وانت الى اختارت تهرب من المدرسة ومتكلمش

وانت الى صرفت ورثك عالشم والبودة الحشيش

والكلام الفارغ

وانت الى نجست بيت ابوك بنسوان مشبوهه

حازم: وانت بقى التقى الشريف العفيف الى مبتغلطش  
غلطت

شاطر فدراستك ومعاك كليته ماشاء الله  
وفتحت محل وبقيت معدى والفلوس فايدك زى الرز  
وانت الى مضيعتش ورث ابوك واستفدت بيه  
وانت الى اختارت موزة تقضيل لبنان تتجوزو  
وانا بعرف بنات السكك  
مش كده!

امير: (مسك فرقبتيه) حسك عينك تتكلم عن  
فريدة؟! انت فاهم  
www.hakawelkotob.com  
حازم: اه فريدة

ربت الصون والعفاف فريدة  
الزوجه المستقبليه للسفير امير باشا  
وانا ابن الخدامتة الى اخذ اسما...

### الحلقه 13

=====

وانا رجعت بیتنا .. ملاقتش امی ولا اسماء

بس لاقیت. کذا شیخ قاعدین و بیقروا قرآن بصوت عالی

انا مستحملتش اسمعه ، کان ابن خالتی اخو اسماء

موجود و واحد تانی معرفوش

معرفش لیه اتخنقت و مشیت تانی

بس خرج و رایا ابن خالتی بسرعه..

ابن خالته: امیر.. ! انت کنت فین ؟

www.hakawelkotob.com

وحازم اخوک فین

انتو معرفتوش الی حصل لامکم ؟

امیر: انا کنت محبوس.. و احازم مات

مات

ابن خالته: ایه ؟؟

انت بتقول ايه؟

امتى حصل الكلام ده!

امير: امى فين ؟

ابن خالته: خالتى محجوزة فالمستشفى ..دخلت فغيوبت  
سكر

وانت كنت فالحبس ليه ؟

ايه بس الى بيحصل معاكو ده

امير: امى فالمستشفى (عنيه دمعت) فين بالضبط

عايز اشوفها

ابن خالته: طيب تعالى اقعد ويانا ..احضر جلست القرآن  
دى

انت متعرفش ان بيتكم عبارة عن جهنم من سكنت

الشياطين الى فيه

امير: شياطين!

بیتنا مش فيه حاجتہ خالص .. انت جبت الکلام ده منین  
؟

اب خالته: طب تعالی احضر الجلسه دی مدام مافیش  
حاجه (شدنی من دراعی اوی)

امیر: (فلتت دراعی من ایده ) اوعی یا عم

خلیک انت هنا

وانا هروح لامی

ابعتلی عنوان المستشفی فمسج ع بال م اجیب تاکس!

نزلت وسیبته وانا کانی شایفه من زهری .. بصلی بصت

طویلته کانه حاسس ان فیا حاجتہ غریبته

www.hakawelkotob.com

ومش طبیعیه!

-----

دعاء دی وراها سر؟

هالته : هو انت سبت العلاج النفسی وقلبت وبقیت وکیل

نیابته ولا ایه ی ایمن ؟

ایمن : فیه ایه یا هالت ؟

هالت: فیه ایه یا هالت ؟؟! مش عارف فیه ایه  
من یوم م ابتدیت علاج مع الواد ده وانت متغیر  
وارواح وسجون بولاوی زرقه

واحنا مالنا ب ده کله

ایمن: مهمتی یا هالت انی انجح فعلاج امیر.. وانا لحد  
دلوقتی متقدمتش خطوة واحدة فعلاجه ..عرفتی لیه  
لازم اکمل

هالت: واحنا مالنا ..عنه م اتعالج

الولد ده سکتہ وحشت  
وکلها معوقات وانا خایفه علیک

ایمن: اول مرة اشوفک بالشکل ده یا هالت .. مش معنی  
انی باخد رأیک فشغلی یبقی تحکمی علیا اکمل ولا  
اسیبہ

هالت: واللہ!



انا اعرف ان العلاج النفسى دى مشكله واحد بيحب ..  
واحدة اتطلقت

واحدة حبيبها مات

واحد بيتعالج من الاكتئاب مثلاً

لكن ارواح وواحد مجنون ومباحث وجريمة قتل ومش  
عايزنى اخاف عليك!

ايمن: انا بحب شغلى .. ولازم اقدمه ع اكمل وجه يا  
هالتر

قصة امير الى انتى شايفه انها كلها محاور ومالهش اول  
من اخر

حكاوي الكتب  
www.hakawelkotob.com انا هريحك فيها

ده واحد كان عنده اكتبان عشان حبيبته انتحرت ..  
وفجأة عاند واستخدم كتاب خطير جداً لاستدعاء  
روحها عشان يبقى معاها ويحصلها

وبعدين دخلنا فحوار انها ماتت مقتوله مش منتحرة

ولازم نجيب حقها لان طول م روحها معلقه كده

هتأذى ناس كثير ومش بعيد تأذيه هو

وهو اصلا اساس علاجي

فهمتي بقى

هالت: (مش مقتنعه ومتنفرزة ) مmmmmم يعنى انت

هتفضل معاه

ايمن: للنهاية يا هالت!

هو مش شايف قصاده عشان هو جوه المشكلت!

دورى انا بقى اساعده لغاية م يطلع منها ويرجع يعيش

حياته بطبيعته زى الاول

هالت: (او ك ي ايمن .. الى انت شايفه عمله!

مرات دكتور ايمن سابتة ومشيت وهى مش مقتنعه

بمساعده ليا

فالوقت الى هو كان ابتداي يقتنع بلف نسيج الاحداث

حوالين رقبة دعاء.

=====

الام: (بتكلم بالعافيه) ابني مات!

امير: ارجوکی ي ای متجهدیش نفسک

الام: (بتعط من تحت جهاز التنفس ودموعها نازله)

امير: انا هعمل عزاه انهاردة .. مع انه ميستاهلش

بس برضو هو اخويا

والله يسامحه بقي ع الى عمله فيا

الام: (بتشاور وبتكلم بطلوع الروح) اس..استنى..

اط..لع

عشان اش..وفه قبل م يدفن!

www.hakawelkotob.com

امير: يستحسن متشوفه يوش ي امى .. انا همشى

وهجيلك تانى

ميلت بوستها ع دماغها ود...

## الحلقه 14

=====

صلاة المغرب فالميكرفون بتاع الجامع الى جنبنا .. ماما  
كانت بتوطى التلفزيون الى كان بيتذاع فيه خبر وفاة

منتج مشهور

اسمه " عزت الحنفى! "

اثر حادث اليم بسيارته عالطريق دلوقتى حالا  
معرفش ايه الى شدنى فالخبر ولا قيت فريده ظهرت  
وقعدت جنبى وقالتى كلمه واحده!  
" انا الى قتلته!!! "

امير: ( بصيت ناحيتها ومرضتش اتكلم ب ولا كلمه  
لحسن امى تلاحظ .. دخلت اوضتى وهى جت ورايا )

هو مين ده الى قتلتيه ؟

وازاى تقتليه

وليه اصلا

فريده: (بصت كلها تحدى وثقه لاول مرة مش انكسار)  
ابداً ظهرتله قدامه وهو سايق وحاولت اخليه مياخدش  
باله قدامه من السواقه

وفعلا

انحرف عن الطريق

وبقوة معرفش جبتها منين

زقيت العربيه وانقلبت واتحرق .. واتحرق هو جواها

امير: (كنت مستغرب وعقلي مشنت) ليه يافريده!!

ليه؟

فريده: (بصتلى بكل ثقه ) لانى قررت انى اخذ حقى  
من كل الى آذونى

امير: طب وواحد زى ده هياذيكى انتى ف ايه ؟؟

فريده: ..مجيت ماما امبارح ..فكرتنى بكل حاجه  
حصلت اليوم ده

آخر يوم فحياتي

وابتدت تحكي كل حاجة مش كانت فاكراها  
اليوم ده..

.....

دعاء: مالك يافريدة ؟ هو انا جايت عشان تفضلي مبوزة  
فوشي كده ؟

فريدة: اول امير يشتمنى ويخلينى امشى من غير م حتى  
مايمسك فيا

بجد انا زعلانت منه اووووى

دعاء: بصى ..هو عنده حق

هو عايز يأمن مستقبلة الاول عشان تتجوزو فمستوى  
احسن

فريدة: وليه متقوليش عايز يهرب منى

دعاء: ايه الى بتقوليه ده يافريدة!!



فريدة: انا عارفه انكم كلکم بتکړهونی !! ومحدث

عايز يتحمل ابدأ مسئوليتي ولا يفضل معايا

دعاء: ايه الهبل والجنان الى بتقوليه ده

فريدة : (قامت من مكانها) طب انا هوريكى بنفسك

جابت شوية ورق مكتوب بخط يد ومتدبسين فبعض

فريدة: ده ورق كان فوق دولاب ماما .. بقاله سنين

ماشفتوش غير من يومين

كنت بنصف فوق الدولاب ولا قيته..

دعاء: فيه ايه الورق ده

فريدة: (فتحته وابتدت تقرا)

ولانى عارف ان مراتى مش بتعرف تقرا .. اهى تدبيست

ابويا دبسهانى وخلاص

وانا مكنتش عايز اتجوزها من اساسه

ست فقرية ووشها نحس

ونحستنى بخلفه البنات جمبها

حتى البت الكبيرة طلعت شبهها .. نفس الشكل وواحدة  
طباعي الوسخة!

العصبية وفنفس الوقت الطيبة  
انا شايف نسخه مصغرة منى ومنها

عشان كده بكرها

وعمرى م كان نفسى تيجى الدنيا .. اسمها هى الى  
اختارته عشان حست انها هتكون فريدة عن كل البنات  
بس انا عمرى م حسيت بحنيه ناحيتها  
رغم انى ابوها!

بس كتير بحس انها مش بنتى من كتر كراهيتى ليا  
www.hakawelkotob.com  
كتير كنت بتمنى تطلع من البيت ومترجعش تانى ..  
واخلص من البيت كله

هى وامها واختها مرة واحدة

انا كتبت الورقة دى لانى كنت لازم اشكى لحد حتى  
لو مع نفسى ،وعارف ان عمر م حد حيفهمه فالبيت ده!

اناقررت اسيبهم لاني بجد مبحبهمش

مراتي الي مخترتهاش

وبنات المفروض انهم من لحمي ودمي بس مش حاسس بای  
حاجة ناحيتهم

لاني لو قعدت اكر من كده

اكيد يانهايتي هتبقى ع ايديهم

يانهايتهم هتبقى ع ایدی

دعاء: (بعد ما سمعت الكلام) ايه ده !! متزعليش يعني

دی تخاریف من باباکی وبقالها سنين

وهو اصلا مش معاكو دلوقتي

متحطيش فداغك

هو انتی بتدوری ع ای حاجة تدایقک وخلص؟!

فریده: لا مش تخاریف.. ایه احساسک وباباکی بیقول

انه بیکرهک وانه کان بیتمنی انک تموتی فکل

وقت شافک فیه

وبیتمنی انک متجیش دنیا اصلا

دعاء: فريدة !! بلاش دور المظلومة بلیز الی بتحبی

تعیشی فیہ طول الوقت ده!

فريدة: دور المظلومة!!

ولما ابویا یقول عنی کده ! وانه عمری م حبنی مش  
کفایتہ انی مالیش اب واتحرمت من حنیته طول عمری

کمان لما اعرف عنه حاجتہ

اعرفها بصورة وحشتہ

وخطیبی الی قولت بدأت الدنيا تضحکلی تانی زی ای  
بنت

واتخطبت لحد بیحبنی وشهم

وکویس

وطیب وغلبان

هو کمان عايز يخلص من الجوازه وعائز يتلکک  
 بالمشروع عشان نأجل الجواز .. وشويتا والمشروع يخسر  
 والفرح كله يتفشکل مش کده!

دعاء: انتی اکید اتجننتی ! لا طبعاً مش کده

بدلیل انه من امبارح بيحاول يكلمك ويصالحك وانتی  
 مش بتردی عليه

فريدة: حتی انتی يادعاء!

دعاء: حتی انا ايه ؟

فريدة: بتكرهيني طول عمرک وبتحقدی عليا .. وانا  
 عارفه واحاسه ده

انا دائماً بحس انی بحبك وعائزة اقرب منك كل وقت  
 واعملک ای حاجة انتی عايزها

وانتی دائماً حقودة عالی بيحصل معايا وبشوف النظرات  
 فعنيکی!

دعاء: انا بحقد عليكى يا فريدة !! انا بكرهك  
يا فريدة

ليه انتى تبقي مين (بعصبيه)

انتى يدوب واحدة بنات الشارع انصف منك .. انتى  
ناسيت انتى عايشت فمستوى عامل ازاي

وانا عايشت فمستوى عامل ازاي

انتى متعرفيش ان انتى الى مفروض تحقدى عليا مش انا  
ياماما.. شوفى انا بلبس ايه وانتى ايه

وانتى الى ياعينى يوم م جبتى طقم عشان تعملى  
انترفيو واتقطعت جيبتك كنتى هتتجنى عشان  
هتضطرى تروحي بطقم من دولابك الى مش بتتجدد  
حاجة فيه بالسنين

نسيتى من واحنا صغيرين عنيكى كانت بتبقى ع  
سندوتشاتى واقلامى وحاجتى ازى؟؟!

تجبي افكرك مين الى بدأ الحقدا!

فريدة: (الدموع فعنيها) انا حقودة عليكى!!



بس خلاص

من هنا ورايح الدنيا هتضحكى

وهمضى العقد مع عزت وهسيب امير الى شايفنى عقبه

فطريق احلامه

وهلبس واتمكىج وهيچيلك يوم وتشاورى عليا وتقولى

انا كنت صاحبته

بس لاسف انا ساعتها مش هعبرك

دعاء: انتى فاكرة ان عزت ده فعلا مؤمن بموهبتك؟!

مكانش قالك لو تقلعى الحجاب ...

مكانش اتحجج ياماما

انتى بالنسبة له صيده سهلت

وع فكرة احسن حاجة انك هتعملى كده من ورا امير

.. عشان انتى متستاهلش تتجوزى واحد بيحبك كده

انتى واحدة طماعه

وطمعك ده هیودیكى فداهییه

فریده: انا مش مستغربتہ ابدأ من كلامك ع امیر .. انا  
لاحظت من يوم م حكتاك عنه وانتی عینك هتطلع  
عليه

حتى فخطوبتنا كنتی هتاكليه بعنیكى  
وهو لما قالی ع انه بیهز انتی تعرفی الناس النضیفه دی  
منین ؟

كأنه بیعایرنی بفقری!  
دعاء: (طبطبت ع خدها برخامه) ایوة .. اعرفی مقامك  
یاحبیبتی

فریده: (بزعیق) عرفته!!  
www.hakawel

وخلص

انا هودع حیاتك دی وهبقى مع عزت وهبقى نجمه  
وهعمل كل حاجة نفسی فیها  
واشبعی انتی بامیر

لانی ساعتها هکون استاهل واحد یستاهلنی  
 مش یعیارنی طول الوقت بنظراته وطریقته  
 حتی فمراوحی البیت عندهم کانه بیستعر منی ومن  
 شکلی

هریحمک کلکم!

دعاء: (سقت) برافو.. انا بصراحت مش عارفه ارد  
 علیکی بایه

غیر انک بنی ادمه حیوانه فعلا  
 وتستاھلی انک تتکرھی مننا کلنا  
 ویستحسن ی تفارقینا زی م قولتی ؟!

www.hakawelkotob.com

او

انک تموتی وتخلصینا منک  
 مشیت دعاء ورزعت الباب وراھا..  
 فريدة قعدت تعیط بصوت عالی لوحدها .. بعد م کانت  
 عایزة دعاء عشان تفضض لها

لاقت نفسہا بتخبط فیہا

ودعاء قالتہا کلام بشع .. یخلیہا متنسہوش طول  
حیاتہا

دخلت کتبت فالورق کل کلمۃ قالتہا دعاء باہانتہ  
لیہا

بس کان عندها احساس غریب ان ممکن حد یقرا  
الکلام دہ

مذکرتش فیہ کلامہا عن المنتج عزت  
نہائی!

وکان کلام دعاء متدبس ورا الورقہ بتاعت باباہا  
،ووراهم کلام امیر لیہا وکل حاجتہ عملہا امیر معاہا  
ودایقتہا

طول الست شہور الی عرفہا فیہم!

ما یستبعدش ابدأ ان شخصیتہ زی فریدۃ دی تکنون  
بالمرض دہ من الناس..

نظراً لى هی عاشت فيه طول عمرها

والى كبرت ولاقته قدامها

وشویت وخبط الباب وهى قاعده لوحدها!

فتحت ولاقت حازم فوشها!

حازم!

حازم: لا امير (بيتكلم بسطلة)

فريدة: والله! عايز ايه احازم؟

حازم: طيب مافيش ادخل يا حازم

تعالى اشرب حاجة يا حازم

ده اناخو خطيبك برضو .. وعم الاولاد مستقبلياً

(زاح ايدها من عالباب ودخل)

فريدة: لو سمحت اخرج من هنا .. مافيش حد فالبيت

معايا





ده انا الى نضفتها

انا مكنتش عايز اقولك..بس انتى الى خلتينى اقول  
 فريده: مميم هو قال كده ! ( اتدايقت ) طب معلىش انا  
 هديهملو هو فايده لان دول امانت!  
 حازم: امانت ايه ؟ هو انتى هتديهم لحد غريب.. انا اخوه  
 وهو الى باعتنى

فريده: لا يا حازم انا مش مصدقاك.. يستحيل امير  
 يستأمنك ويبعتك هنا تاخد فلوسه  
 انت بتكذب

وهتاخد الفلوس دى تشرب بيها!  
 حازم: بقولك هاتى الفلوس!!

فريده: مافيش فلوس!

حازم دخل وزقها ووقعت عالارض ودخل اوضه مامتها  
 راحت هى جريت تقفل اوضتها بالمفتاح راح اخذ باله ان  
 الفلوس فاوضتها مدام بتقفلها

راح مسکھا وزقھا تانی عالارض

وفتح الباب بالمطوة بتاعته

ودخل كسر الدولاب وقلب السرير وفتح فوق وتحت لحد

م لقی بوكس صغير جواه كيس اسود ملفوف وفتحہ

لقى الفلوس!

راح اخده ونزل جرى..

.....

مسكت كتفها الى زقه حازم عالارض .وكان واجعها

جدآ

وكانت بتبكي جامد ع ناها ضيغت امانتہ امير وئو

عملت ايه مش هيصدقها

ويصدق ان اخوه الى سرق

ومتقدرش تجيب هي المبلغ ده

لظمت كتير ع خدودها.. لان فريدة ففترتها دي كانت

غريبة افعالها شوية

رغم ان کان بدآ لقتہ القدر تتفتح لها زی م بیقولو  
بس حسست ان کل الحجات خبطت فوق راسها ساعتها  
..ومش حیلتها الدموع

قالت فنفسها تتصل بامیر تقوله ع الی حصل من اخوه  
عشان یاحقه!

بس رجعت فقرارها ده..حسست بان کرامتها وجعها اکثر  
قامت وغسلت وشها

وفضلت قاعده لوحدها برضو .. الوقت اتأخر عشان تنزل  
تروح لمامتها وخالتها وتبات معاهم

وهی بتفکر  
فونها رن

وكان المنتج عزت الحنفی.  
فریده: الو..

عزت: ازیك یا فریده ! ایه الاخبار

فریده: انا تمام ازی حضرتک انت یا استاذ عزت

عزت: انا کویس

انا تحت البيت عندک ع فکره!

فريدة : ايه ؟؟ (وطلعت تبص من البلكونه)

عزت: بس..هو ده الى كنت عايزه

عشان اعرف الدور بتاعک

فين بالضبط

فريدة: يانهار ابيض ..حضرتک عايز تطلع هنا کمان ؟؟

لا مش هينفع

عزت : ما قولنا عدينا مرحلة حضرتک دی بقى!

وفجأة بقى قدام الشقة وبيخبط

فريدة: يالهوى.. لو سمحت متخبطش كده الجيران

هيشوفوك وتبقى مصيبه

وبعدين انت عرفت عنوانى منين ؟

عزت: اولاً انتى كاتباه فالسى فى الى معايا

ثانياً فيه ايه يافريدة ..مش هتقوليلي ادخل ولا ايه

فريدة: تدخل ايه انت عايز تفضحني

عزت: هقولك كلمتين وامشى ع طول

فريدة: طب قولهم فالتليضون . وامشى لو سمحت دلوقتي

ياربى هو ماله اليوم ده بس

عزت: بصى هما كلمتين مش هينفعو فالضون ..وبعدين

انا عايز اتعرف ع الحجة مامت الضانة بتاعتنا

فريدة: ماما مش هنا وانا قاعده وحدي

عزت: (عمل ان فيه حد نازل عالسلم من جيرانهم) ايه

ده!!

حكاوي الكتب  
www.hakawelkotob.com

(دخل بسرعه وقفل الباب بالراحة)

كان فيه حد نازل من جيرانكم

كان ممكن يشوفني

فريدة: عايز ايه يااستاذ عزت

احنا مش اتفقنا اجيالك البلاتوه بعد الشغل

عزت: مش قادر بصراحتہ .. وحشتینی

فریدہ: وحشتک!! ازای

احنا اتفقنا ان الی بینا شغل وبس

وانک ہتخلینی نجمہ مشہورہ

عزت : (بیقرب علیہا ) طیب وقصاد م ہخلیکی نجمہ

مشہورہ

انتی ہتدینی ایییییہ ؟؟

فریدہ: (بتبعد لورا) ایہ فیہ ایہ

ارجوک اخرج دلوقت

عزت: (بیبتدی یلف ایہہ حوالیہا) هو الی یدخل الجنة

بیطلع منها بسهولة بردو

فریدہ: لو سمحت اخرج برة لاصوت والم الناس

عزت: صوتی انتی الی ہتتفضحی مش انا

فریدہ: طیب والنبی امشی یارب یخلیک



عزت: (بيقرب منها اوى لدرجه انها اتزقت فترابيزة

السفرا) نو نونو بلاش عياط ياقمر

انا هخليكى اجمد نجمت فمصر

وانتى مستخسرة فيا

الحاجت الصغنونت دى

فريدة: صغنونت ايه ؟؟ ده شرفى يا حيوان (مسكت طبق

الفاكهه الى وراها وضربته بيه ع دماغه)

عزت: اااااااااااااا يا بنت المجنونت!

فريدة: (مسكت سكينت الفاكهه الى جنب الطبق الى

عالسفرا ) ولو ممشتش هقتلك

ابعد عنى يا حيوان ...هصرخ والم الناس

عزت: عايزة تقتلينى يا فريده (ماسك دماغه الى

متعورتش بس وجعاه)

انا همشى دلوقتى

اما انتى ..فانا هفضل وراكى ومش هسيبك"

فريدة: (ماسكت السكينت) وانا بكرة هروح اقول

لكل الناس الى تعرفك انك راجل وسخ

وحيوان وقذر

وافضحك فكل حتة ياعزت يا حنفي

عزت: تفضحي مين يابنت الكلب..؟ (فضل يضربها ع

وشها بالاقلام)

فريدة: ااه ااه ااه (رايحه تضربه بالسكينت حط ايده ع

ايدها ويبيعدها لورا عن جسمه

ومرة واحدة اتعوجت وبقت ناحيته وهى مصرة تضربه

مع شدة ازاحتهم لبعض

السكينت دخلت فقلبها هي!!

وهى الى كانت ماسكاها

وسابها ونزل ولحسن حظه كان راكن عربيته بره

شارعهم اصلا ومحدث شافه لا دخل ولا خرج

ولا عارفه من اساسه

.....

ایمن: (بیمسح دموعه) عشان کده اتقظلت فالاول ع انها  
انتحار

امیر: (نایم عالسریر بس شکله تعبان اووووووی) وحازم  
اخویا مقتلهاش

ده یدوب سرق بس

ایمن: انا کان عندی لنص الحکایت بس ..لحد م دعاء  
نزلت وشافتک!

اقصد حازم طالع فساعه متأخره عندها وهی لوحدها  
عشان کده مرضتیش تتکلم طول الفترة دی کانت  
خایفه ع سمعتها لآخر لحظة!

حتى لو کانت مش بتحبها

امیر: وجت هی وکملتلی النص المجهول الی محدش  
فالدنیا عارفه

ومش هنقدر نقوله لان الی حکت عنه هی روح!

حد برضو يصدق الكلام ده

ايمن: ياااااااه .. يعنى بسبب كلام والدتها عرفت  
الحقيقة

امير: انا قرئت الى هي كاتباه عننا كلنا .. ادا ايه باباها  
اذاها معنوياً ومش عارفه توصله عشان تنتقم لحقها

فقررت تخلي والدتها هي الى تاخذ حقها  
برغم ان بردو والدتها لا حول لها ولا قوة  
هتعمل ايه يعنى

بس فريدة شافت يمكن

اظهار الحق  
حكاوي الكتب  
www.hakawelkotob.com

ده جزء من رجوع حقها ليها!!

ايمن: كده الرؤية وضحت!! فريدة انتقمت بنفسها من  
كل الى اذوها

دعاء

وباباها

## والمنتج

بس هی قالت فمذاكراتها .. انك انت كمان اذيتها  
وجرحتها كثير حتى لو مش قصدت

امير: (ماسك بطنه) مكنتش اقصد صدقني .. انت  
عارف فريدة دي بالنسبة لى ايه (بيعيط)

اتفضل يادكتور

ايمن: (بياخد الاجندة منه) ايه ده

امير: انا كملتها كلها خلاص ..

ايمن: عملت ايه ؟

امير: انا كنت كاتب الماضى بتاعى انا وفريدة كله  
.. ووقفت

وبعدين كتبت كل حاجة حصلت الفترة دي

سواء منى

من امى

من اسماء

من فريدة

وشادى وحامد

ومنك!

ايمن: (بيفتحها) انا كمان ليا دور فيها

امير: (بيتالم بس ماسك نفسه) لخبطت الورق وعيدت

كتابتها من اول وجديد بقالى يومين صاحى ومنمتش

ايمن: بس انا كان نفسى تقولى يعنى ايه شمس

ديسمبر (لاحظ انه بيتالم جامد وماسك بطنه)

ايه ده يا امير مالک

امير: مش فاضل .. (بيتكله بصعوبه) غير مشهد

النهاية الى هتفضل عليه الرواية

بس للاسف مش قادر اكتبه

ومرضتش اكتبه غير لما يبقى بجد

ايمن: انت عملت ايه ؟؟ وما ل ايدك متلجه كده

امير: انا بطلب منك انك تكتبه انت



وتروح تنشرها لان كل الناس لازم تعرف حكايت شمس  
ديسمبر

ولازم تحكى عنها

معلش يا دكتور ده اخر طلب منى ليك فالدنيا!

ايمن: اخر طلب!! امير

اوعى يكون

امير: هيجيبولى شيخ انهاردة عشان يخلصنى من فريدة  
للابد ويحرقها

بس انا قررت انى انا الى اروح لفريدة

واكفر عن الى عملته معاها زمان والى مقصدتوش  
حتى لو كان معنى اذيتها ليا

انها تقولى انى انتحر واحصلها!!

واعيش معاها للابد ومحدث يفرقنا

ابتدت عنيا تغمض شوية بشوية .. وفجأة الصورة اسودت

ایمن: (بیہزنی) امیر! امیر! امیییییر

والصورة بتبعد كأنه مشہد متصور، للشباک بتاع اوضتی

والستارة بتنزل من الهوا

ودکتور ایمن ممیل علیا وبیبکی وبیحاول یتصل

بالفون!

=====



## الحلقه الاخيرہ

=====

-داخلی انی بحبک!!

-ایہ ؟ بحبک ؟ بحبک کدہ عادی

-ایوۃ عادی.. زی ماباکل زی م بشرب

بحبک

جزء اساسی فحیاتی حبک من یوم م وقعتی واغمی

علیک وفوشتک

وانا مش ناسیکی!

کاوی الکتب  
www.hakawelkotob.com

.....

-ہاتی ایدک کدہ

: -اتفضل

-بس.. انا کدہ مرتاح

.....

\_\_ياريت نفضل طول عمرنا قاعیدن كده فحضن

بعض، ناسيين العالم

والساعه توقف و متمشيش..

.....

\_\_وهو انا عملت ايه بس يافريده .. جيت سالتك

وبعدين انتي مش لسه كان مغمى عليكى وانا فوقتك

يعنى يعتبر فيه معرفه سابقه

\_\_وهو انا عملت ايه يافريده !!؟ كمان عارف اسمى

وبتنادينى كأننا اتنين ولاد عم مثلا

اوعى ي عم من سكتى

دى حاجه بقت تخنق

.....

\_\_من يوم ماشوكتك وانا جريت ع حامد صاحبى وقولتله

انا انهاردة قابلت البنت الى هتجوزها ^\_^ !

.....

\_\_ انا بتلكك عشان بس اقضى اطول وقت شايفك

قدامی

واشبع من ملامحك فذاكرتي >3

\_\_يومها شربت ومشيت بسرعه من كسوفى .. انت كنت

بتشرب وبتبص عليا وكل الناس اخدت بالها

\_\_مش بس كده انتى بعد م مشيتى...

\_\_متكلمش ..! شربت باقى كوبايتى!

\_\_عرفتى ازاي؟

\_\_بصيت ورايا وانا ماشيت .. وشوفتك

\_\_طب لما انتى عارفه انى بحبك.. امتى هتقولها بقى

!؟

عشان خاطرى

\_\_لالالالا

لما نتخطب;) ;

.....

\_\_ انا هفضل تعبان كده لحد م ابقى معاها..

\_\_ عشان الى زيك معرفش الحب الى بجد

عمرک م حسيت ان ضربات قلب حد انت متعلق بيها  
كأنها ضربات قلبك انت!

من كتر مانت حاسس انكم واحد.. فكل حاجة

ازای هقدر انساها

ازای هحب غيرها بقی واعيش حياتی وکأن شيئاً لم  
يكن

.....

\_\_ مش هتلاقيا لاني انا بس الى بشوفها ... ده بقی

بسبب الكتاب يا دكتور

( \_\_ سنانة بتخبط فبعض وبيحاول يهدى نفسه ) وانت  
مش خايف!!

\_\_ دی حبیبتي ! انا عامل كل ده عشان اشوفها

تقولى خايف؟



.....

\_\_ا قصد ان حیاتنا لما بنختارها تڪون جمب انسان  
حبیناه من كل قلبنا بیبقی صعب نأمر قلبنا بین یوم  
ولیلۃ انه یبطل یحبہ

ویفوق

ویبقی واحد تانی

والا مکانش حبه بجد!!

\_\_للدرجہ دی بتحب فریدۃ؟

\_\_مستاهلش روحها الی ساکنانی لو مفضلتتش احبها

لحد م اموت >3

حکاوۃ الکتب  
www.hakawelkotob.com

\_\_وع فکرۃ احسن حاجۃ انک هتعملی کده من ورا  
امیر .. عشان انتی متستاهلش تتجوزی واحد بیحبک  
کده

انتی واحدة طماعه

وطمعک ده هیودیکی فداهیہ

\_\_ انا هودع حياتكم دى وهبقى مع عزت وهبقى نجمه  
وهعمل كل حاجة نفسى فيها

واشبعى انتى بامير

لانى ساعتها هكون استاهل واحد يستاهلنى

مش يعايرنى طول الوقت بنظراته وطريقته

.....

"حمد لله عالسلامة):

امير: (بفوق وبفتح عنيا) انا فين؟؟ انا فين يادكتور

ايمن: انت فالمستشفى

اسماء: حمد لله ع سلامتک يا امير

الام: سلامتک يابنى .. كده تنشف دمی عليك يابنى

انا كنت هروح فيها

امير: هو ايه الى حصل؟؟

ايمن: الى حصل ان انت شيبتنا ياراجل! انا احتمال

مقددرش اخلف تانى من الى شوفته معاك

الام: کام مرة تحاول تنتحر يا امير؟؟ عايز تقهرنى  
عليك يا بنى

امير: (كنت مستغرب) كام مرة!!

ايمن: ثوانى يا امير.. (راح لمامته واسماء) انتو ممكن  
تروحو دلوقت

وانا هفضا معاه

متخافوش

اسماء: بس احنا خايفين يعمل حاجة فتضسه تانى

ايمن: متخافوش .. الحاجة الى كانت بتخليه يعمل  
كده

حكاوي الكتب  
www.hakawelkotob.com

خلاص راحت!

اتطمنو

الام: ربنا يخليك يا دكتور تاعينك معانا ..ربنا  
يأجرك ع الى عملته مع ابنى

ايمن: متقوليش كده يا حجة .. وهفضل معاه لحد م  
يتماثل الشفاء تماماً.

مشيو اسماء ومامت امير ورجع ايمن لاوضه امير

امير: انا مش فاهم يعنى ايه كام مرة انتحرت !! انا مش  
فاكر حاجة

ايمن: انت انتحرت حوالى 5 مرات ونلحقك فاخر لحظة!

امير: وانا هنا عشان مرة منهم .. صح؟

ايمن: لا.. انت هنا لاننا الحمد لله خلصناك من الحاجة  
الى كانت بتدفعك لكده!

امير: مش فاهم ؟

حكاوي الكتب  
www.hakawelkotob.com

ايمن: اقولك

(وابتدى يحكى دكتور ايمن كل حاجة مكنتش  
عارفها وكنت فغيوبة عنها)

الام: الوو.. الحقنى يادكتور ايمن

امير بعد م رجعنا من المستشفى وعملوله غسيل المعدة!

دخلت عليه لاقيته رابط حبل فالمروحه وشائق نفسه!!

بس انا طلعت فوق كرسى ونزلته

والنبي وحياة عيالک يادكتور تيجى بسرعه

طمنى والنبي لحسن يكون قطع النفس!

ايمن: حاضر حاضر..

ورحت لوالدتك ولحقناك فاخر لحظته والحمد لله

مكنتش اتخنقت والاكسجين اتمنع عن مخك لما

والدتك انقذتك

ومرة ثانية

ولعت فالبيت كله وكنت هتتحرق انت ووالدتك برضو

والناس انقذتكم وكنت فيها دى خلاص هتموت!

ومرة قطعت شرايينك ونزفت نص دمك تقريباً

امير: انا!!

ايمن: ايوة انت .. انت متعرفش ان الانسة الروح الملعونة

الى كانت متمسكة بيك الى انت بتحبها

كان نوع من اذاها وانتقامها منك انك تموت نفسك  
من غير ه تشعر!!

امير: مين قال كده ؟؟!

ايمن: شيخ كبير جداً ويعرف فالوان السحر والمس وای  
حاجة تعرفها عن العالم ده

وبيعالج بالقرآن

بس طريقته شديدة شويه!

جبنا هولك وكنت حاضر معاه انا وبعض من قرايبك  
ومقدرناش نخلى والدتك تحضر طبعاً

وبطلوع الروح طلع روحها منك بعد 3 جلسات!

امير: يعنى فريده!!

ايمن: فريده روحها خلاص طلعت منك وارتاحت وراحت  
لقى لحالها واختفت نهائى

مممكن تكون اتحرقت روحها الشريرة ومبقتش موجودة

الى انت استدعتها بالكتاب



وروحها الطيبة الى اصلا طلعت تدور ع حقها

اختفت من يوم م جابت حقها من كل الى ظلمها!

امير: (دمعت لما عرفت انى خلاص كده مافيش فريده)

يعنى مش هشوفها تانى!

ايمن: انت المفروض متحبهاش كل الحب ده ..دى واحدة

كانت انا نيت وفكرت اول م تحقق اول حلم فحياتها انها

تتخلى عنك انت!

اول حاجة هترميها ورا زهرها

وانت الى آذيت نفسك عشانها

آذيت كل الى حواليك من غير م تحس

www.hakawelkotob.com

امير: (عارف ان كلامه صح بس ساكت)

ايمن: وافتكر ان هي بنفسها الى اعترفتك بالكلام ده

!

امير: ايوة انا عارف):

ایمن: افتر د لوقتی نبتدی حیاة جدیدة بقی ومنبصش  
ورانا تانی

وع فکرة انا مکتبتش النهایة الی انت کنت عایزها ..  
ههههه

اصل انت عملت ییجی 4 نهایات تانی وراها  
وبعدین انقذناک

ود لوقتی انت هنا فالمرستشفى لما تعبت فأخر جلست  
قرآنیة عشان تطلع روحها منک.. ولعنته الکتاب  
تسیبک!

امیر: یعنی تفتکر؟!

ایمن: افتر ان بقی ربنا بیحبک عشان ادالک کل  
الفرص دی انک تبتدی من جدید بقی.. یلا بقی بینا من  
هنا

وجو المرستشفیات ده

وابتدی دون کل الی قولتهولک ف روایتک .. واکتب  
بنفسک انت النهایة!

امير: بس انا قبل م افوق دلوقتى حسيت انى شوفت كل  
حاجت حلو حصلت مع فريده واصحابى ..حتى كلامها  
مع دعاء

كأنى فحلما!

ايمن: لا ..انا كنت بقرا شويته فالاجنده ..لومكانش  
يدايك

امير: يادكتور انا الى ادتهالك..

ايمن: بس بجد لسه عندي استفهام من اول يوم لقاء لينا  
سوا وانا بسأل هولك!

امير: اتفضل  
www.hakawelkotob.com

ايمن: يعنى ايه شمس ديسمبر؟؟

امير: شمس ديسمبر ((اتعدلت فقعدتى وابتسمت ابتسامته  
بحزن))

فريده كانت دايمآ بتقولى لما هبقى ممثلة مشهورة  
هختار اسم شمس

ايمن: اشمعنا؟

امير: كانت دايمآ بتقول الشمس محدش يقدر يستغنى  
عنها كل يوم

وكل الناس بتحتاج لها

وانا فيوم من الايام دى هكون الشمس دى

ايمن: ع فكرة فريده كانت انسانة مريضة جداآ

امير: (هزيت راسى ) الله يرحمها!

ايمن: وعلاقت ديسمبر بالشمس؟

امير: عمرك شوفت شمس فضر ديسمبر؟!

ايمن: مش فاهم؟

امير: يعنى شهر ديسمبر او 12 هو اكر شهر شتوى

عندنا فمصر!

وتقريبآ الشمس لو طلعت فيه بيبقى نورها خافت جدا

وضعیف

وبتطلع وبتغیب بسرعه!

من غیر م حد یحس بیها

والجو التلج الی فدیسمبر ع ا د م هو مزعج وسعات بیحمل  
مرض

بس جواه حنیة ودفا یملا الکون

واکتر شهر بیجمع کل المشاعر فیه ☺

فشبهت نفسی بدیسمبر.. لان وصف دیسمبر هو انا

وشمسه الی طلعت وغابت بسرعه رغم ان الناس مش

شایفه وجودها

ولا لاحظته

هی فريدة!

والروایة کالها عبارة عنی انا وفريدة... حکایتنا ف 6

شهور

كانت الاول مكتوبة من اول م تلاقينا لحد يوم وفاتها !  
:(

بس بعدين كملت كل الى حصل ده .. والى عمر م فيه  
حد لو قرا حكايتى حيشبهنى!

وكانت لازم شمس ديسمبر تبقى مش مجرد قصه حب  
عاديته

دى قصه متنسيتش

وحتى عنوانها ميتنسيتش

وعايز اى حد يقرأها يسألنى يعنى ايه شمس ديسمبر!!  
زيك كده):

عشان اعرف انى وصلت):  
www.hakawelkotob.com

ايمن: هتوصل يا امير.. صدقنى

امير: مجرد حلم ^\_^

ايمن: بس ان شاء الله هيتحقق

انا جازفت فعلا جك وفضلت معاك لالاخر



نشر ونجاح الرواية دى

هيعتبر نجاحى انا الشخصى فالتحدى الى عملته مع  
نفسى فعلاجك!

وهو تحويلك من انسان يائس مش عايز الحياة! لانسان  
جديد

كله تفاؤل

وبيقول للدنيا هاتى الى عندك >3

(ماسك الاجندة) ع فكرة انا شدتنى كلمتين فالورايت  
دى جداً

لدرجة انى كتبتهم ف النوت بوك بتاعى

www.hakawelkotob.com

امير: ايه هما ؟

ايمن: (فتح وقعد يقلب لحد م وصل للصفحة)

ماهو اصل اعظم فكرتين فالوجود هو:

الحب

والموت

الناس بتصدق جداً فالحب مع انه وهم ! وفاكرينه  
حقيقت وبيفضلو يعيشو يدورو عليه

فيه المحظوظ الى بيلاقيه

وفيه الى بيموت وهو مش عارف معناه

بس الموت حاجة تانيّة .. فكرة انك تبقى مش مصدق  
الحاجة الوحيدة الحقيقية الى فحياتك

وترفضها تماما كأنها مش موجودة

هو نفسه تعبیر الموت كأنه بيقدملك كادو شخصي  
يوميّاً بان انهارده مش هجيك

استمتع بيه زي مانت عايز):

امير: معنى ان فيه حاجة من الكلام الى كنت حاسّة  
تحبها اوى كده وتلفت نظرك..يبقى من غير ه استنى

تتنشر واشوف رأى الناس

هى كده نجحت فعينى ☺

ایمن: انت اصلا انسان ناجح ..والفضل والحزن واخر الدنيا  
مش لایق علیک

هفکرک یوم لما تستلم افضل جايزة فالفن القصصی  
عنها

بالکلمتین دول

قمت سلامت عالدکتور ایمن وحضنته اوووی..یمکن دی  
اول مرة احضنه

بس بجد

هو يستاهل الحزن ده

.....

حكاوي الكتب  
www.hakawelkotob.com

ونفس ضمت ایدینا سوا

واحنا موجودین فقاعه کبیره...فلاش الكاميرات  
کثیر اوی والاضاءة عالیت

اغلی بدلت اشتريتها فحياتي لابسها ..ومعايا دکتور  
ایمن ..ومراته واولاده کمان حضرواً

ووالدتی

ده حتی دعاء جت لما اتصلت بيه من سنت .. هفضل  
دورک ع ايه ؟!

ردت وقالتی قول للناس انی فوقت خلاص..وبصیت  
قدامی

لاقیات اغلی حب فحیاتی >3

وحالیاً هی حاضرة مع جوزها الی بیحبها من سنییییین  
فالشغل معاه بس هی مکانتش حاست

وکان فیہ اعتذار من اسماء بنت خالتی انها تحضر  
..اصلها بتجهز لفرحها برضو)؛

وواضح ان الوریة دی وشها حلو ع کل البنات الی فیها!  
لکن طبعاً فیہ 2 لو وراهم ایه هیجولی .. دول اصحاب  
عمری!

شادی وحامد):

الكاميرات مش مبطله والصحافيين ماليين المكان ،،  
واعلان عن افضل جايزة هذا العام فالض القصصى  
للمواهب الشابه

انا و4 تانيين كانت قصصنا من ضمن الى ممكن  
يكونو فازو بالجائزة..وع اساسها جاتنى الدعوة!

وفوجئت باسمى انا!!

"الاستاذ ..امير طلعت!

عن رواية شمس ديسمبر لعام 2013!

فليتفضل مشكوراً لاستلام الجائزة

وعن دموع الفرحة ... والفرحة الى مكانتش سيعانى

وسلمت ع كل الناس الى بحبهم ويحبونى!

وبوست ايد والدتى الى دموعها غرقت وشها

وطلعت عالمسرح!!

امير: (كنت لأول مرة اتكلم قدام كل العدد ده من

الناس ومبقاش مكسوف) !

احم احم..

انا بجد كنت متفاعل انى انا افوز بجائزة الدولة  
(التشجيعيه دى )

والحمد لله

روايته شمس ديسمبر..هى مجرد خيوط كلها متصله  
ببعضها

قصته حب تحوى معانى الغموض والتشويق والاحداث  
المثيرة

من اول م تقراها

تملش لحد الغلاف النهائى!

ارجو انها تكون اسعدت كل الى قراها .. وان شاء الله  
اوعدكم بالجديد

وكنت حابب اختتم كلامى بعبارة كنت كاتبها  
فالروايته

بعتبرها بتلخص كل حاجته ..وهى



"هو الحب كده ..عامل زى الموت!

بييجى من غير مقدمات" ^\_^

شكراً

وكان فيه كامير بتصورنى تصوير بطئ وانا بستلم  
الجائزة وبتصور مع اللجنة عالمسرح ونازل عالسلم وبسلم  
ع كل حبايبي واصحابى

وبعدين مرة واحدة جت كده ... بنوتة جميلة اوى  
ورقيقة جداً

تشبه كتير لبطلتة رواية ابتديت اكتبها فعلا

وكانت مبتسمة وكأنها بجد نفسها تكلمنى!

اروى: استاذ امير انا مش قادرة اوصفاك اعجابى  
بروايتك دى اد ايه؟؟ انا قريتها حوالى 5 مرات  
ومزهقتش منها

بجد بجد حضرتك مبدع اوى فيها

وكنت اتمنى انك تمضيلى عالنيخة بتاعتي

عشان اتشرف بوجودها معايا كنوع من التذكار

امير: (ابتسمت وحسيت بشكته غريبة فقلبي) اسمك  
ايه؟؟

اروى: اروى! اروى عونى^\_^

امير: (مضيت ع النسخة الى معاها لروايتي وكتبت الى  
اروى عونى اتمنى قراءة ممتعة..امير طلعت!)  
اتفضلى

اروى: (بصت عيون كلاها حنية وجرأة) انا بجد مش  
مصدقة انى واقضه قدام حضرتك دلوقتى  
انا من زمان من اول م نزلت الرواية فالسوق واشتريتها  
وانا بحلم باليوم الى اشوفك فيه..احم اشوف  
حضرتك فيه

امير: (مكنتش عايزها تمشى ويكون ده اخر كلامنا)  
طيب ايه رائيك لو خليتك تعملى حاجة محدش  
غيرك هيعملها!

اروی: انا تحت امر حضرتک >3

امیر: تقبلی عزومتی عالشا !! بمناسبت نجاج القصت  
والجایزة

اروی: انا (وشها جاب 100 لون) عایز تسیب کل الناس  
الی مستنیاک وعایزة تحتفل معاک دی  
وتتعشی معایا انا

امیر: ها .. تقبلی ؟

اروی: ابقى غبیت لو قولت لا .. طبعاً طبعاً ^\_^

امیر: اوک 5 دقائق اسلم عليهم واجیاک..متتحركيش  
ومشيت واستأذنت منهم وكالعادة اتغمزو حامد وشادی  
..انما الدكتور ايمن مقاليش غير كلمه واحدة

"انبسط" !

وخذتها من ايديها وخرجنا ... وشكل كده الحكايت  
ابتدت >3

يارب تكون عجبتهكم ... نشوفكم ع خير

/امیر طلعت

وتم نقلها لكم من مخيلتي ..نوراسماعيل تتمنى لكم  
حسن القراءة والاستمتاع

النهاية

